

بلوچستان: تاریخی معاہدہ غاک

سید محبوب شاہ



بلوچی اکیڈمی
عدالت روڈ کوئٹہ

www.balochiacademy.org

(c) All rights are reserved.

داکتاب ناکل حق آک بلوچی اکیڈمی تون خوندی ء۔
 بلوچی اکیڈمی نامنشاغان بیدس کسّ دانامواد آتے چاپ کنگ کپک۔

بلوچستان: تاریخی معاہدہ خاک
 (بلوچستان تون انگریز آتامعاہدہ خاک)

سید محبوب شاہ

2022

ISBN # 978-969-680-171-9

نہاد: =/200 کلدار

بلوچی اکیڈمی داکتاب ءذکی پرنٹنگ پریس کراچی آن چاپ کرے وتالان کرے۔

بلوچ نر مزار آتا پین اٹ

1	تاریخ ناپدرند
3	انگریز تون معاہدہ غاک، اوفتے مون تموک آمر احمہ
6	بلوچستان و آل انڈیا بلوچ کا نفرنس
16	خان عبد الصمد خان اچکزئی
31	مکران
35	قلات ناسیمی علاقہ غاک
38	مکران ٹیلی گراف لین
42	ٹیلی گراف لین نامالیات
50	خاران
52	بولان پاس
54	سبی ایجنسی
61	برٹش بلوچستان اونا علاقہ غاک
63	لورالائی ژوب و چاغی نا علاقہ غاک
68	برٹش حکومت تون بلوچ معاہدہ غاک
70	خان قلات نصیر خان و انڈین حکومت نانیام اٹ معاہدہ

- نصیر خان و برٹش حکومت نامیجر جان جیکب و گورنر جنرل آف انڈیا نانایم اٹ دا
 معاہدہ 1854ء اٹ مسوسس۔ 72
- ٹیلی گراف معاہدہ ناسرجم، ہر ادے کہ جام آف لسبیلہ، 21 دسمبر 1861ء اٹ
 برٹش حکومت تون کریس۔ 74
- فقیر محمد بزنجو و میجر گولڈ سمتھ نانایم اٹ 77
- 29 جنوری 1862ء نامعاہدہ 77
- دامعاہدہ 1863ء اٹ خان خدائیداد خان و برٹش حکومت نانایم اٹ ٹیلی گراف
 لائنء مکران اسکان و دفتنگ نابابت مسوسس، ہرائی کہ دے ٹکی بشخء جام آف لسبیلہ
 ناماتحت مریک و سویلی علاقہ غاک گوادرن حکمران تادوٹی مرور۔ 79
- نائب آف کچ اتون 1869ء نامعاہدہ 81
- چیف آف باہو و چیف آن دشتیاری نانایم اٹ 82
- ٹیلی گراف لائن آتارکھ انابارواٹ معاہدہ 82
- چیف آف گئی شاہ نصرت و برٹش حکومت نانایم اٹ 83
- ٹیلی گراف لائن انارکھ اکن 1869ء نامعاہدہ 83
- 1876ء اٹی برٹش حکومت و ریاست قلات 85
- نانایم اٹ مروک آمعاہدہ غاک 85
- 16 جون 1880ء نادے خان آف قلات خدائیداد خان و 88
- برٹش حکومت نانایم اٹ مروک آمعاہدہ غاک 88
- 8 جون 1883ء اٹی خان قلات میر خدائیداد خان و 89

- 89 سر رابرٹ سنڈیمین AGG آف بلوچستان
- 89 نانیم اٹ معاہدہ دشت
- 91 1884ء اٹی سڑدار شہباز و ژوب انالک
- 91 بوری موسیٰ خیل و برٹش حکومت نانیم اٹ اتفاقی معاہدہ
- رابرٹ سنڈیمین اے جی جی آف بلوچستان و خاران ناسڑدار آزات خان نوشیر وانی تو
- 5 جون 1885ء نامعاہدہ 93
- 95 برٹش حکومت و چیف آف مری سڑدار مہر اللہ خان
- 95 نانیم اٹ 1885ء نامعاہدہ
- التماسی معاہدہ بہار گاہ ناشیرانی ملک و سہری پل تون 21 جنوری 1890ء ٹی کننگاس
- 97
- 98 بولان پاس ریلوے لائن کن خان قلات تون
- 98 1894ء ٹی مروک آمعاہدہ
- 99 1895ء ٹی لارگا (Larga) و بارگا (Barga) نا
- 99 نیام اٹ مروک آمعاہدہ
- 100 برٹش بلوچستان و قلات ناسیم آتیا 1896ء اٹی
- 100 مروک آمعاہدہ ناسرجم آک
- 1896ء ٹی چیف آف لسبیلہ تون میر کمال خان و اونا جانشین آتاشٹرت و معاہدہ خاک
- 103
- 1897ء نامعاہدہ سلیمان (سلطان) خیل غلزی تون کننگاس 105

- 13 جون 1899ء اٹی ٹیلی گراف لائن کن 108
- میر محمد بن بہرام خان کلتي نامار اتون پسني ٹي معاہدہ 108
- 1899ء اٹی خان آف قلات میر محمود خان GCC تون انري ولک (Henry Wylic) اے جی جی آف بلوچستان نانیام اٹ پوسکن آوائسرائے نامعاہدہ . 109
- میر کمال خان تون 1901ء اٹ لسبیلہ معاہدہ 111
- 1903ء اٹ میر محمود خان، خان آف قلات 113
- اے جی جی آف بلوچستان ایلو پارہ غان وائسرائے و 113
- گورنر جنرل کونسل تون معاہدہ 113
- خان قلات تون 1903ء اٹ نوٹھکے ٹی ریلوے نابارواٹ معاہدہ (ہرا کہ ریاست قلات آن گدرینگ۔) 116
- شیفکو معاہدہ 1905ء اٹ انڈیا و ایرانی سیم و دنگ، 117
- کنگ آف برطانیہ آر لینڈ و برٹش حکومت انڈین حکمران و شہنشاہ ایران نانیام اٹ مسوسس 117
- کوئٹہ 21 اکتوبر 1909ء اٹی سڑدار محمد یعقوب خان ناجانشین آتا خاران نا حکمرانی نا معاہدہ 119
- ریاست خاران نا سیمک 122
- 1925ء اٹی غلام محمد خان نا امنائی ہر السبیلہ انتظامیہ ناسیال اس نس 126

Balochistan Appendix No. 1	128
Balochistan Appendix No. 2	132
Balochistan Appendix No 3	136
Balochistan Appendix No. 4	139

تاریخ ناپدرند

تاریخ ناراستیک قوم اسے نابھلو میرات اس مریرہ۔ داراستکی تاپدرندء خلنگ
 واوفتے مونی اتنگ داسوب آن ہم المی مریک کہ مفروضہ غاتیان خلاسی دوئی منگ کے۔
 یاگڑا ہر اراستیک بیرہ زبانی پانگرہ، اوفتے کن 'سند' منگ کے۔ داکتاب اٹ ساڑی
 دستاویز آک بلوچ قوم واوناڈیہہ انا تاریخ نابھاز اہمء دستاویزء۔ بلوچ ڈیہہ اسہ بھلو تاریخ
 اسے ناخواجہء، ولے دابابت دستاویز بھاز کم مونی بسنو۔ یادن پان کہ نوشت ناپڑ آتاریخ
 بھاز کم نوشتہ کننگانے۔ تاریخ نامنہ کتاب اس اگہ نوشتہ اریر ہم تواو فک ہورتیا حساب
 مریرہ۔ دارد اٹ جان محمد دشتی، ڈاکٹر شاہ محمد مری وداسہ زوت آتیٹ فاروق بلوچ ناکنڈ
 آن مروک آکاریمک بلوچ تاریخء پوسکنء زاویہ اسے ٹی مونی ایسنو۔ ولے ولد اہم داپڑ
 آہر اخس کاریم مسنے اوفتے گنج اس پانگ مفک۔

سید محبوب شاہ داکتاب اٹ ہمو دستاویز آتے مونی ایسنے، ہر افاتعلقہ داری
 داڑے مروک معاہدہ غاتونء۔ دادستاویز آتاکمک اٹ دامعلوم داری منگ کیک کہ
 برطانیہ بلوچستان اٹ کسرکنگ کن ہراوڑتے دوئی کرینے۔ دادستاویز آتے خوانگ آن دا
 معلوم داری ہم مریک کہ برطانیہ داڑے براہ راست حکمرانی ناخواہند ارمتنے، واوپش پیش
 آہند و جاگہ غاتے دوئی کرسا، یا بھاز جاگہ مراعات ترساتینا کاریمء مونی درساکرینے۔ دا
 دستاویز آتیان اسہ پین راستکی اس دامونی بریک کہ دامعاہدہ غاتیٹی بلوچ کما داروسر کرڈہ

غاک تینا ہیئت آتے منغینو، وخت اس کہ پشتون بیلٹ انا معاہدہ غاتے مُنگے تو اوڑے انگریز
نازور پاش خننگ۔ داوداڑا نبار پین کہپی معلومدار یک داکتاب اٹ دوئی منگ کیرہ۔

سید محبوب شاہء دادستاویز آک انگریزی زبان ائی دوئی مسنو، ہرافتے او
براہوئی زبان اٹ مٹ و بدل کرینے۔ اونا تاریخ ناراستکی تون استخواہی و مہر داڑان پاشء
کہ او دامواد آتے خننگ تون او فتنے خوندی کرے، و او فتنے ہندن ء منہ جاگہ ہم تتھا
ہراڑے کہ دافتیان بلوچ قوم وڈیہہ انا بابت پٹ و پول کروک آک فائدہ ہر فنگ کیر،
داکان پد سید محبوب شاہ دافتنے تینا زبان ائی ہم مٹ کرے تاکہ براہوئی زبان ناخوانوک
آک ہم دافتیان فائدہ ہر فر، یادن پاکہ داتاریخ براہوئی زبان ائی ہم خوندی مرے۔

بلوچ تاریخ نابابت داوڑانا پین کہپی دستاویز مردور ہراک ننے آن اودیم ء، بنائی
وڑاٹ براہوئی زبان نابابت مروک پٹ و پولی دستاویز آتے ڈاکٹر عبدالرحمن براہوئی مچ
کرے و کتابی دروشم تس۔ اونا کاریم ہم ہندن بنا کرے کہ او ہرا تم برطانیہ نامیوزیم اسے
ئی براہوئی زبان نابابت نوشت اس خنا، تو او دے دوئی کر سکتا بی دروشم تس۔ و داڑان اونا
است خواہی ودا، گڑا و دنیا ناہرا کج اسکان کہ گیگ خنا کہ، حالی حوالی مس و براہوئی زبان نا
بابت مروک آکاریم تا بھلو کچ اس مونی ایس۔ ہرا براہوئی زبان نابابت سبجفنگ، پٹ و
پول کنگ و اوڑا ہیئت کنگ نا وسیلہ مسر۔ داسہ بلوچ تاریخ نابابت سید محبوب شاہ ناداکاریم
بلوچ راج وڈیہہ انا بابت راستکی تا پٹنگ، سبجفنگ و دا بابت پوشکن شرہ اسے نانوا وسیلہ اس
مرے، وپٹ و پول نا پڑا کسر اس ملے۔

عبدالرازق اباکی

شو نکار تلار

انگریز تون معاہدہ خاک، اوفتے مون تموک آمر اومت

ہر اکتاب نا سرجم ۽ براہوئی بدل ائی تالان کنگ اُٹ، دا کتاب داڑان
 مست بیدس انگریزی آن پین ہچ ۽ زبان اسے ٹی شینک متنے، دا کتاب ۽ اسہ وخت
 اس ہندوستان اٹ 'اتوار بازار' نا اسہ تڑہ سے آن بہا اٹ ہلکٹ دا تڑہ غان کنے
 بلوچستان نا بارواٹ مسہ دستاویز دو بسر۔ اولیکو دستاویز فارورڈ پالیسی نُس، ہر اکہ
 1900ء اٹ نئی دہلی آن شینک مسنے۔ ارٹمیکو دستاویز آل انڈیا بلوچ کانفرنس 31
 مئی 1933ء اٹ بلوچ گاندھی خان عبدالصمد خان ناکماش ٹی موسس۔ مسٹمیکو
 دستاویز بلوچ حکمران تامعاہدہ خاک ۽، ہر اکہ برٹش حکومت تون کننگاسر، اوار ۽۔
 آل انڈیا بلوچ کانفرنس والا دستاویز و بلوچ حکمران آتا دستاویز آک اسہ جاگہ
 گنڈوک نسر۔ بلوچ حکمران آتا دستاویز 1900ء آن ہم مست شینک مسنے۔ ودا
 ارٹ اینو اینو اسکان مون آبتنویا پاش کننگتنو۔ دادستاویز آک ہر اوخت آکنے دو
 بسر، دافتے ہندوستان آن تینا وطن آاتنگ کن انڈیا ناکسٹم والا تیان بھار متاماری آن
 پداتسکان سر کریٹ۔ اوفتاپانگ داس کہ نن تینا وطن نا گچین آ دستاویز آتے ایلو
 وطن آدنگ کن موکل تفنہ۔ ولدا ای اوفتے دلیل اٹ است جم کریٹ کہ بے
 شک دافک نماوطن اٹ شینک مسنو، ولے دافک کل کناوطن نابارواٹ ۽۔ گڑا اوفتا
 افسر اس دافتے دنگ کن موکل تس۔ دادستاویز آتا اسہ کاپی اس ای بلوچستان

اسٹڈیز سینٹر ناپنی آ استاد ڈاکٹر فاروق بلوچ ء، اسہ کاپی اس ڈاکٹر عبدالرحمن براہوئی ء،
اسہ کاپی اس ڈاکٹر شاہ محمد مری ء یوسف عزیز چیئر کن تسٹ۔ اسہ کاپی اس بلوچی نا
اسکا لربالاج حمید بلوچ ء بلوچی وار دو ترجمہ کنگ کن تسٹ۔

انگریز ظلم، زور اوری، لالچ و نفسیاتی وڑ وڈول آتیاں کاریم یکنے۔ دروغ
راست ہم پارینے، تاریخ یا تاریخی نوشت آتامون آاتنگ نامسخت تینا کمبوتی تے مر
کنگ، زمانہ سے تون مون تنگ کن تینے مستی تیار کنگ، اوری ء پر غوک آچم آتیاں
قوم ء بچھنگے۔

دادستاویز آتیمی ہمو معاہدہ غاتا ذکر ہم دو بریک، ہرافتے کہ گڑ اس بلوچ
حکمران آک برٹش حکومت تون کریر۔ دافنیٹی گیشتری معاہدہ غاک ٹیلی گراف
لین نابارواٹ ء۔ دامعاہدہ غاتے خوڑت خواننگ آن پد سہا تمک کہ چندی حکمران
آک سڑدار و نواب آک تینا کل اختیارات آتے برٹش سرکار نامون آاسہ خیسن نا
تشت اسے ٹی بھملی ء پچ اسے نازی آتالان کرینو۔ دافتے خواننگ آن پد سہا تمک کہ
امر منہ روپئی و پیسہ نا خاطر آن تینا باوہ پیری آحاکمی ء برٹش حکومت آنیلام کنگا۔ دا
کتب براہوئی و بلوچی ادب اٹ تاریخ دان و خوانندہ انگا بندغ آتے کن اسہ مڈی
اسے آن کم اف۔ ہرافک ریاست قلات نا دور ء مطالعہ کرینو یا کنگ ء۔ اگہ
بلوچستان نا حکمران آتا بارواٹ پٹ و پول کنگ خوار، تو ہراڑے کہ مہراب خان و
نصیر خان نوری کون ء بہادر و کماش بلوچستان اٹ حکمرانی کرینو، دامعاہدہ غاتے
انگریزی آن براہوئی زبان اٹ بدل کرینٹ، دانابنائی آل انڈیا بلوچ کانفرنس نافصلہ
غاک ہم گنڈوک ء۔ اگہ جاگہ اس کمی بیشی مروء، تو اومیت ء اسہ طالب علم اسے نا

حیثیت اٹ کئے بشخورے، وکنے دابابت تینا سلاہ تیان معلومدار کروڑے، انتے کہ
براہوئی زبان اٹ کنا مٹ و بدل نادا اولیکو کتاب ء۔ دادستاویز آتے ٹی ہر علاقہ
غائیٹی انگریز نامون ء توروک آک کسر، اوفتاہم ہیئت مسنے۔

دامعاہدہ غاک انگریز نادور آن اینواسکان بھلو سفر اس کرینے۔ ہند اسوب
آن بھاز خستہ حالت اٹ کئے دوبسر۔ ہراڑے کہ دستاویز ناپن و مصنف ناپن بریک
ہموپنہ غاک کتاب اٹی افس، ای بھاز کوشست کریٹ کہ کئے کتاب ناپن و مصنف نا
پن دوبرے، ولے دوبتو، داڑکن ای بشخنداری خواہ۔ منگ کیک کہ بروک آوخت
اٹی داپور وکس ء دوبریر۔

داکتاب داگڑا تا شاہدی ء کہ گڑاس حکمران آک تینا جندی فائدہ غاتے
کن تینا عیش و عشرت نا خاطر آن تینا لمہ وطن تینا ملک تینا ڈغار و حاکی ء انگریز حکومت
نا جول اٹ شاغانو داہمو بندغ آک ء ہرا کہ اینو ہم تاریخ اٹ یات مریرہ۔ ولے دا
کتاب اوفتا دور انا حکمرانی نالپ آتا شاہدی ء ہرا کہ تاریخ ناہفت تل اٹ تاریخ نا
طالب علم و بلوچ الس ناخن تیان اودیم مسنے۔

ہراوخت کہ خوانوک آک دامعاہدہ غاتے علاقہ غاتا تاریخ ء خوانر توکل
راستیک تینٹ اوفتا مون آبریرہ، اگہ کتاب اٹ جاگہ اس اسہ سخت ء لوز اس یا
ہندن ء ہیئت اس ردنوشتہ مروء توچا ہندار آتیاں خواست ء کہ اوفک کئے پار وکنا
راہشونی ء کیر۔

بلوچستان و آل انڈیا بلوچ کا نفرنس

31 مئی 1933

درستی راستی:-

بلوچستان ۽ برٹش حڪومت كل آن زيات پسماندہ تڃانے۔ بلڪن جہاندمی دے ٹک اٹ اسہ مناسب ۽ سیم اسے آن بیدس دانا پین ہچ ۽ اہمیت اس الو، د علاقہ خالی ہندوستان کن نہادی جوڑ مس، ولے بلوچستان ناساخت زمینی حیثیت سیاسی پس منظر وکل آن زيات دانا قبائلی تعلقداری و قدر آک تینامٹ تینٹ سسر، داتالان آ علاقہ ٹی بے کچ باسن ۽ میدان و تخ ۽ مش، گٹ و تیار بے مٹ ۽ باغ و باغیچہ، بٹ آتا وڑاٹ ریک وریکستان آک، زیب وزینت اٹ بے مثال ۽۔ داڑان بیدس د علاقہ ٹی تیز و هوک آجوک دافتنے پین زیبا کیرہ۔

دانا جغرافیائی حالت دادے سیاسی وڑاٹ اسہ بھلو اہمیت اس ایتک، داسہ دابنگ اُن کہ برٹش حڪومت فارسی حڪومت و اوغان حڪومت تو او اور بولان پاس ۽ تینا نظر اٹ تڃانو۔ داڑان زيات دافک داسہ بلوچستان ناسیسی تاریخ ۽ لتاڑنگ نابارواٹ سوچنگ ۽۔ او بلوچستان ناکل ۽ قبائلی شخصیت و قدر آتا بارواٹ بے وڑ ۽ ہیت کنگ ۽۔ بلوچستان ناکل علاقہ غائیٹی بلوچی، براہوئی و پشتو ہیت کروک آک داوڑ اسہ ایلوڑتون اوڑدہ مسنو کہ دافتنے اسہ ایلو آن جتا کنگ اسل بھاز مشکل ۽۔ دافتنیٹی نی

امرءِ بندغ اسے گچین کر تو معلوم مروء کہ او اسہ وڑ اسے اناوڑاٹ کل ضلع غاتیٹی سیاسی اقتداریت اٹ اوار مروء، اگہ نن اسہ انگریز اسے آن اڑ فن تو معلوم مر یک کہ او بلوچستان ناسیاست اٹ بیرہ تینا زبان ء اہمیت ایتک، او ایلو بولی تے شیف خلیک، واگہ نن ریاست قلات نا اسہ اقتداری ء شخصیت اسے نا حکمرانی ء ہرن تو اونا قابل احترام جوزہ خاک بلوچستان نا کل ء علاقہ غاتیکن اسہ وڑ مروء۔ ہندا فرق نن و کل بلوچستان ء برٹش حکومت آن جتا یک، اگہ دافرق ء ختم کننگے تو بلوچستان اٹ خالی تھانڑ و شاہی سلو ء۔

1- ”نیابت“ دابرٹش حکومت نا ضلع اس سکہ، داسہ ارے یاف، د علاقہ ء قبائلی سازش اسے نا کمک اٹ جوڑ کننگا، داسہ انگریزی ء ایجنسی اس سکہ۔ داوڑ بھلو بھلو علاقہ بلوچستان اٹ برٹش حکومت تینا است خواہی و تینا فاندہ غاتے پورو کننگ کن بلوچستان نا گور و بیوار اٹ جوڑ کریس۔ داگڑا داہیت آتا شاہدی ء کہ بلوچستان نا مخلوق تینا د غار تینا گلز مین آبدر آتینا بار زند گد ریفنگ ء، داسہ بھاز بھلو ویل اسے کہ بلوچستان ناچندی علاقہ غاتے اسہ ایلو ناسیاسی جہد آتا سما تمپک، انتے کہ او فتنے اسہ بشخ اسے نا معلوم ارے تو ایلو بشخ انا معلوم اف۔

2- ہندا سوب ء کہ بلوچستان نا تھٹی چندی ریاست آک دو بریرہ، دافتنے اوار کننگ نا بھاز گرج ارے۔ تیخنن اٹ اسہ خواندہ و باشعور ء بندغ اس داہیت ء جوان سرپند مر یک کہ بلوچستان نا کل چنکا بھلا نیابت آتے یکجا کننگ ناخس گرج ارے۔

3- داڑے داپانگ ہم الہی ء کہ ہر اکا نو دے نا کمیٹی جیکب آباد اٹ 29 دسمبر 1932ء اٹ منظور کننگا، ہرائی کہ کل ء صوبہ غاتیٹی گورنری نا نظام ء اسل بدل

کننگ ناہیت آک مسوسر، ننے دالانچہ عمل آکاریم کروئی تمک انتے کہ بیدس داڑان نن تینا مزل آوخت اس ہم سرمنگ کپرون۔ وداریفرنڈم ۽ انڈین ریفارم کمیٹی کننگ کیک، ہرا کہ مست آن بلوچستان اٹ ساڑی ۽۔ ہندوستان دابارواٹ مست آن بھارمونی ۽۔ ولے بلوچستان ۽ داسہ ہم بھار پد بٹنگ انگ ۽۔ ولے داجار بریریں نابند او اختیار آتے بشخ وپانٹ کننگ، وہراوخت انڈین کانودنابل مون آ بریک توہوشاہی عہدہ نامالک مرو ۽۔

4۔ داڑے اسہ پین گڑ اس ہم مون آتخننگ المی ۽ کہ داکل ریفرنڈم اٹ کس اس ہم مالی کٹیا نامعاملہ ۽ مون آاتنے، ہندا خاطر آن دافتنے مون آاتنگ المی ۽۔ بلوچستان نا حکومت ۽ داسہی آن تینا لانچہ عمل ۽ ہروئی تمک، اگہ حکومت تینا کوٹہ ٹی داحساب ۽ شاتو تو او فتنے تینا نہادی آگڑ اتیان شاہی جرگہ نا خرچ آتے بجائی حکومت و ایلو لس گرج آتیا خرچ کروئی تمک۔

5۔ داوڑ انا یادداشتی تعریف نامسخت آک دادو کہ ہرا غلط انگا تصور آک بلوچستان نابارواٹ دا حکومت یا کمیٹی ناذہن اٹ اریر تو او سرمنگ کیرہ، دن کہ غیر جینیاتی آبندغ آک ہرا کہ داصوبہ ٹی او ار مسنو۔

6۔ ہندا خاطر آن ننے تینا سلاہ تے کمیٹی نامون آتخننگ المی ۽، پکار دادے کہ ننے ہمو کمبوتی تے ہم مون آاتوئی تمک، ہرا کہ داسہ نا نظام اٹ اریر ہرا کہ برٹش بلوچستان حکومت آن تعلقدار ۽۔

7۔ ساڑی حکومت نابارواٹ گڑ اس ویل مون آتخسا ہندا کل ۽ معاملہ غاتے سرپند مننگ کینہ ہرائی داویل آک او ار ۽۔

سیاسی افسر آتے زیات واکداری ہنگ:-

سیاسی افسر آک تینا ضلع غاتا کماش آک ء، اوک سیاسی ایجنٹ مریر یا ڈپٹی کمشنر ڈسٹرکٹ مجسٹریٹ مریر یا لیویز و پولیس ناکماش او فتنے سیاسی واکداری دوس تو اوک تینے پین زیات و تواجہ کیرہ، اوک تینے بادشاہ و ایلوکل ء تینا غلام تکرہ، داکل ء بندغ آئیٹی دا خاصیت آک دو بریرہ۔

بلوچستان اٹی نامی کانود:-

دانامی کانود خالی بھلا بندغ آئیٹی خاص کر سڑدار آتاجیب آئیٹی دو بریک نہ کہ یا جدید کانود نارداٹ داکانود قبائلی علاقہ غائیٹی نافذ منک خالی مظلوم آ بندغ آتیکن ء۔

جرگہ نا حال حوال ہنگ:-

جرگہ ٹی ہروڑ انا حال حوال ہنگ مریک، بے شک چنکا چنکا ڈوہک مریر، جرگہ نا پارہ غان حال حوال ہنگ و گواہ و شاہد ہمودے آ آتنگرہ، ہراوخت کہ او فتا تاریخ تختنگ۔ ولے داڑے نئے شاہد آتے تربیت تننگ نئے شاہد آتارکھ انا انتظام ء گچین کننگ۔ ایلو پارہ غان جرگہ ٹی خاص کر سیاسی پارٹی تاکارندہ غاتے ہٹنگسہ۔

شاہی جرگہ:-

شاہی جرگہ ٹی خالی اراکاریم ہلنگ اسہ فیصلہ غان مست ہیت وگپ و اوڑان پد فیصلہء بنفنگ، ولے ڈوہدار آتیکن راہشون کس اف ونئے تین کن داوڑانا انتظام کننگ۔

جرگئی واکداری ومالی افسر:-

داوڑ آن انڈیاناسبت بلوچستان ناقبالی علاقہ غائی زیات نسحان ناسوب جوڑ مرک۔

پولیس ناکاریم ناگڑا:-

بلوچستان اٹ انڈین سیلانی تے سختی اٹ تونگے بیرہ هموسیلانی تے ہراکہ بے اڑنگ آن بریرہ دافتنے سختی اٹ تونگے۔

میڈیا ٹی تران کنگ آرکھ:

میڈیا غاسیسی، راجی و مذہبی ہیت کنگ آپورورکھ خلنگے ہنداوڑ هموکل ء دستاویز آک ہر ایتیسیسی تنقید یا ہر افتیان کہ سیاسی خبر آک تالان منگ ناگمان مرے اوفتنے اسل ختم کنگے۔
تعلیم:-

الس نابنداوی گرج آتیان اسہ ویل اس تعلیم ء ہراکہ مخلوق ء دو بنفنگ ء، داڑان بیدس راج اٹی اخلاقی و مذہبی تعلیم آتیا ہم رکھ خلنگانے، دانا اراسوب منگ کیرہ، اسٹ دا کہ بلوچستان اٹ خواندہ بندغ آتے مون آبنگ آن تونگ ء، ایلو

پروپیگنڈہ کیرہ کہ بلوچستان اٹ تعلیم نامبوتیک زیات ء۔ دامایوس کروک آحالیث
 آک قوم انایلوبندغ آتے ہم تعلیم آن مردنگ ناسوب جوڑ مریرہ۔
 کشت کشار وپوریا:-

کشت کشار ناعمل اٹ وڑوڈول آتاہچ ءسانسی ءحالیث اس دوبفک، میوہ و
 سوزی تمارکیٹ آسر مفنگ، میوہ غاتا آسراتی تالمبوتیک حکومت نازرکار آتاجان
 ومال انارکھ انا مفنگ ناسوب آن داڑے واپاری کاریم مفنگ ء۔
 نوکری:-

مچ آبلوچستان اٹ نوکری نانظام جوان اف، بلکن ہر بشخ اٹی وڈی تننگ انگ
 ء، و وڈی ہلنگ انگ ء۔
 پیہن آکاغد وبلوچستان:-

بلوچستان نابارواٹ کل ءہیت آک پیہن آکاغد آتیا نوشتہ منگ ءہر اکہ
 ہچ وڑاٹ منگ ناقابل افس۔ بلوچستان نابندغ آک اصل اٹ گورنر جنرل ناما تحت
 کاریم کنگنک خواپہ، وہر اکہ بلوچستان نامناسندہ خاک ء او بلوچستان ناسیاسی پس منظر ء
 اسہ گچین ء وڑاسیٹ درشان کپسہ۔
 اسہ وڑاناویل آک:-

ہر اسکا کہ بلوچستان ناویل آتا تعلقہ اری ء تو او فتنہ انڈیا نا ایلو صوبہ غاتون
 اوڑدہ کنگنک بے انصافی ء ولے افسوس کہ داڑے ہندن منگ ء بلوچستان نابندغ
 آک ہر اکہ پنجاب تون ہچ وڑاٹ اوڑدہ منگ کپسہ ہندا خاطر آن او فقاویل آتے

اوتیان جٹا کنگے انتے کہ سندھ و شمالی وزیرستان ناصوبہ غامٹی داخہ وسعت و طاقت
اف کہ او فک بلوچستان ناویل آتے اسہ خن اٹ ہرر۔

سلاہ سوج آک:

1۔ شاہی جرگہ نااول سرٹھیفنگ:

شاہی جرگہ بلوچستان نا آئین ساز جماعت نا پورر واکداری و اختیار اٹ
مرے، اوفتیٹی گچین کاری برٹش حکومت ۽ کروئی تمک، ہرا کہ قلات، لسبیلہ و
خاران آن مریک، داکانودمچ آبلوچستان نا پورر سیوت آن جوڑ مریک، داجماعت
تون اوفتاخواست آتے و اوفتا ناراضگی ۽ پاش کنگ نا واکداری المی ۽۔ دستور ساز
جماعت 75 باسک منظور کر لیسر ہر افا سرجم آک داوڑاٹی ۽:

گچین کروک آبا سک آک... 19

پن کروک... 21

سرکاری عہدیدار... 6

مری بگٹی قبائلی علاقہ غاتیان... 2

ریاست لسبیلہ غان... 2

ریاست قلات بشمول خاران... 23

قلات... 1

کل کچ... 75

دافتا وخت ایسر منگ اسکان دا گچین کروک آباسک آتے دوکچ کاریم کروئی، ودفے دے انا 10 روپی الاؤنس ایٹوئی تمک۔ ہر شاہی جرگہ ناڈ مسہ سال۔ ودفا کل خرچہ برٹش سرکار بلوچستان و ہمو جاگہ ناقبا کلی آ بندغ آک ایتسہ کیرہ۔ ودفک تین پہ تین نانیام اٹ پاش انگا بجٹ ناسہ بشخ اس تینٹ جتا کنگ کیرہ، او فٹے دا بشخ انا بارواٹ حال حوال کنگ ناوا کداری ہم مریک۔

2- حق آتا خواجہ منگ:-

ہر افٹے داشٹرت منظورہ او فٹے دا حق مروء کہ تینا وونٹ ایتز، و تینا حق تین کن کاریم اٹ اتیر۔

3- انتظامی:-

ریاست آباد شاہ نابست و بند مروء، برٹش سرکار بلوچستان اٹ اسہ چیف کمشنر و مسہ کونسل باسک انا بست و بند اٹ کاریم کروء، اسہ سلاہکار اس وارا وزیر مریرہ ہرا کہ قلمرو نا وزارت آک، دافٹے تین تون اوار کر سا کاریم کیرہ، و ہرا کہ وزیر مریرہ او فک دافتا نوشت آتے اس اسکان سر کیرہ۔ وزیر تا اختیار اٹ دا کاریمک مرور۔

1- ڈغار نا کٹیا 2- کشت و کشار 3- جنگلات 4- آبپاشی 5- کانڑ 6- خراج دائے ہلنگ۔ وزیر تا گچین کاری و پن کنگ نا عمل شاہی جرگہ و برٹش حکومت بلوچستان کیرہ، و دافیلہ کنگ جرگہ ناز موارى مروء کہ او وزیر تے سال انا 2000 روپی ایتے۔

4- بلوچستان و بنجا:-

بلوچستان ۽ بنجائی بخش تروئی تمک، دن کہ انڈیا نا بنجائی او فٹا کماشی ۽ ارا بندغ کیرہ، ہر ا فٹیشی اسٹ ریاستی و باسک اس ایلوا سہیلی آن مروء۔

5- عدالت:-

فوجی ڈوہ و ایلو ہنداوڑ انا تھانڑ و شاہی ۽ برخاست کنگے، واسہ پوسکن ۽ وڑ اسے نا حکومت اس ہسپنگے، و ہراڑے سزاو جزا شریعت و پوسکن آدورا نا انصاف اسہ وڑ تنگے، وداکانود ۽ مچ آ بلوچستان اٹ لاگو کنگے، دانی کل ۽ ویل آتے زبانی آن بیدس نوشت اٹ اتنگے، ہندی و ضلعی جرگہ نا باسک آتا پن کنگ سادہ ۽ وڑ اسے ٹی کنگے، ولے شاہی جرگہ نا ہچ ۽ بندغ اس دافٹیشی اوار کنگپ، ویل آک او فٹاراجی اصول آتار دات پورو کنگر۔

6- پولیس:-

دا ادارہ پولیس نا چیف کمشنر نا ماتحت کاریم کیک، ہرا کہ تینا کاریم ۽ انسپکٹر جنرل نا حیثیت اٹ کیک و شاہی جرگہ ۽ دامحکمہ غا تنقید کنگ ناحق مروء۔

7- ہندی و جندی حکومت:-

کوئٹہ میونسپل نا پن کروک آ بندغ آک مروء، ہرا خلق آک 7 میل انا ہد واول اٹ اریر، ہمو فٹانیم آن پن کنگ مروء، ہمو کل ورناتے حق ارے کہ اوقک تینا وونٹ ۽ ہر کس ۽ تنگ خوارہ ایتر، چنکا چنکا خلق آتے سبی ولورالائی ٹی اوار کنگے، بازاری آجٹ ۽ بدل کرسا ضلعی ۽ بورڈ اس جوڑ کنگے، ولے دابورڈ انا کماشی ۽ سرکار آخابلکن الس کے۔

8- شرہ ناکٹیا:

دایا دشتی سلاہ سوچ آک ہنداڑے ایسر مریرہ، ولے گڈ سراٹ گڑ اس
 ہیت کنگ خواوہ کہ بلوچستان اٹ اسہ سوچی پٹ وپول کمیٹی اس جوڑ کنگے اگہ
 داڑے اسہ بدلی سے نا گرج مرے و ہندا بولی تیٹی اسہ ہندن ء ہیت اس مون آ
 برے۔ ہرا کہ کمیٹی ء خوش بھ تو کمیٹی تینا شونق اٹ اونا برخلاف کارروائی کنگ
 یک۔ گڑ اس ایلوڑ انا اہمیت تنخوک آویل آتیا ہیت وگپ منگ المی ء، ہرافتا
 تعلقداری بلوچستان تون ء، ہرا کہ ناخیال اٹ اسہ کمیٹی سے ٹی ہم ڈسکس متنو، ہرا کہ
 انسانیت نا گرج آک ء۔

ہرا خواست آک کہ بلوچستان اٹ بدلی تیان جتا ء، دالی کم بجٹ و آبادی نا
 و دنگ، دافتے بلوچستان اٹ داخہ ہم اہمیت تننگتے، ہرا دانا حق نس، داخواست آک
 مست ہم کنگا سر، صوبہ نا اختیار آک چیف کمشنر نادوٹی مریر، گورنر تون مفس۔ دانا
 مون اٹ شاہی جرگہ ء تینا متکن آقتداریت ناحیثیت تنگے، آبادی ناچٹ ہلنگ اسہ
 پین بھلو ویل اسے، ہرا نا بارواٹ ناٹولی اس بھازو معاملہ غاتیا اسہ سرجم ء ہیت و
 گپ اس کنگ کن مچی اس اڈایتک، ویل آتا اہمیت ء سرپند منگ کنگ کن اخس زو
 مریک دافتیا عمل کنگے۔

خان عبدالصمد خان اچکزئی

چیرمین آف بلوچستان اینڈ آل انڈیا بلوچ کانفرنس
پس منظر:

بلوچستان ریاست قلات نا تعلقداری تیا معاہدہ خاک و منشور:

بلوچستان اسہ ہندن ۽ ہند اسے، ہر اناسیمک سندھ و ڈیراجات تون لگرہ،
ہرا کہ دے ٹکی بشخاٹی ۽، دافا سویل اٹ بحرہ عرب، دیکی ٹی فارس و جہاندم دے ٹک
اٹ اوغانستان تالان ۽۔ بلوچستان نا گچین آڈویشن اٹ د علاقہ خاک اوار ۽۔

1۔ ریاست قلات:-

کل قلات داٹی اوار ۽، داٹی ہمو ضلع خاک ہم اوار ۽ ہرا کہ خان قلات نا
ماحت ۽، دافتیٹی سراوان، جھالاوان، مکران ہرانا راجتا ۽، ڈویشن کچج، لسبیلہ اریر، و
داڑان بیدس خاران ہم داٹی اوار ۽۔ 2۔ بولان پاس، 3۔ مری گٹی قبائلی علاقہ خاک
4۔ برٹش بلوچستان 5۔ کوئٹہ، نوٹکے و نصیر آباد 6۔ چاغی و سنجرانی ریاست آک اوار
۽ 7۔ بوری و ژوب انا قبائلی علاقہ خاک اوار ۽۔

2۔ داڈویشن آتیٹی اولیکو و ارٹمیکو نمبر آ بروک آ ضلع خاک مست آن

قلات اٹ اوار ۽، ریاست قلات دافتنی تیناسیاسی قلمرو اٹ اوار کرینے، ولے بولان

پاس ریاست قلات ناسیاسی ایجنٹ نا حیثیت اٹ اوار ۲۔ بمطابق 4، 3، 2 معاہدہ 1883 (No. 14) رداٹ د علاقہ غاک ریاست قلات اٹ اوار مسوسر۔

3۔ مری بگٹی علاقہ غاک قلات آن اسل جتاء، ودا فک گور نر جنرل جیکب آباد ن علاقہ غامٹی 1874 (No. 12) ن معاہدہ نارداٹ اوار مسوسر۔

4۔ برٹش بلوچستان اٹ سبی، پشین، چمن ن علاقہ غاک ار ٹمیکو اوغان جنگ آتیاں پد یعنی 1879ء آن اوار شاعنگا سر۔

5۔ قلات کوئٹہ، نوٹکے و نصیر آباد ناکل علاقہ غاک خان انا دوٹی اسہ مخصوص ۲۲ اسے نامون اٹ ریاست قلات اٹ اوار کنگا سر، دافٹیٹی کوئٹہ ناکل ۲ علاقہ غاک ہم اوار سر (No. 14, 25, 28) نارداٹ۔

6۔ چاغی سنجرانی ناریاست آک برٹش حکومت اٹ ہمو وخت اوار کنگار ہرا وخت کہ انڈو اوغان سیم انا لکیر آک چنگا سر، سن 1896 ٹی (No. Vol. 19. Afghanistan No. 12) و دافتی سیاسی وڑ اوقا انتظام اٹ اوار کنگا سر۔

7۔ بوری و ثوب انا قبائلی علاقہ غاک ہرا کہ برٹش بلوچستان اٹ 1889, 90ء اٹی سیاسی ایجنٹ جوڑ مسراوٹی خاص کر لورالائی و ثوب انا علاقہ غاک اوار سر۔

قلات ایجنسی:-

ریاست قلات ناٹھیفنگ نا عمل گڑاس زر خیز آڈغار تیان مریک، ہرا کہ قلات ناگورویوار اٹی ۲۔ کم وود پانزدہ میکو کرن اٹی دہوار قبیلہ تون گچین ۲ گچین ۲

ڈغار سکھ، ولے اوقتون داڈغار تارکھ اکن بچ وڈ اس الو۔ مطلب ہڑ دے اوغان و بلوچ آستون او فاجنگ و جھیرہ غاک مسرہ۔ اخیر اٹ بے وس مسر، براہوئی پاروک آ قبیلہ غاتاسر دار آتون دا علاقہ غاتارکھ اکن ہیٹ گپ کنگ کن اوفتے گچین کریر۔

قلات نا اولیکو پنی آ خان عبداللہ خان نس، ہڑد میکو کرن انا بنائی اونا حکومت نس، اونا حکومت دہلی اسکان علاقہ غاتے متاثر کر یس، اوچندی صوبہ غاتے تینا سلطنت اٹ اوار کر یس۔ ولے اونا مار محبت خان نا حکومت نا وخت آنادر شاہ ہندوستان آ جھو کرے، وکل دیکی آبخ آتادنگ انڈس نا علاقہ غاتے تینا کوزہ ٹی ہلک۔ نادر شاہ ناکزیت آن پد وخت اس کہ ایرانی حکومت تون اونا جنگ بنا کرے، تو احمد شاہ ابدالی قلات نا گڑ اس علاقہ غاتیا کوزہ کرے، محبت خان ہرا کہ تینا قبائلی آ کماش آستون پنی آلو، ہند خاطر آن احمد شاہ ابدالی اودے گدی آن شیف دڑفے و اونا مار نصیر خان ء قلات نا خان جوڑ کرے۔ قلات نا سرکار ہند اہد اسکان نصیر خان تون نس، ہرا وخت اسکان برٹش حکومت و اوغان آستون اولیکو جنگ بنا کتویس، ہرا نا سوب آن ریاست قلات اٹ چندی بدلیک تالان مسر۔

نصیر خان اول ریاست قلات و خان فرائیڈ اٹ کل آن زیات پنی و مقبول ء خان اس سکھ، ریاست قلات نا کل ء کاند ء او جوڑ کر یس، و جندتے سراوان، جھالاوان نا کماش آتانیام اٹ معاہدہ کرفسا اوفتے اوار کر فیسس۔ ہرا کہ اینو اسکان اوار ء۔ ودا اونا پالیسی سکھ، او مشی آ بلوچ آتے طاقت و سلہہ تس، و مدام گرج انا وخت آ اوفتے کاریم اٹ ایس۔ دا ہیٹ ء نظر اٹ تخنسا کہ ہمو صوبہ کہ ہرا دے

داسہ اویتنا حکومت اٹ اواریس یعنی کچھی، ہر اکہ مسکوہی آحکمران محبت خان ء
عبداللہ خان ناخون بہائی دوسو سس، ہر اکہ کلہوڑا تیا جہونا وخت آخلنگا سس۔

نصیر خان مشی آ بندغ آتے متکن آ دشمن نامون اٹ گڑاس شرٹ آتا
رداٹ اسہ دستہ اس لشکر اسے ناودے تس کچھی آن پدہمو کل ء بلوچ قبائلی علاقہ
غاتے تینا دوٹی کرے، و مری بگٹی علاقہ غاتے وختی وڑاٹ الاوتینا کل چکار ء جہاندمی
دیکی مکران ناپارہ غا کرے، ویتینا مار محمود خان نادور یعنی 1795 ء الی او مکران ء کوزہ
کننگ اٹ سرسہب مس، و 1819 ء ٹی تینا ارٹمیکو مار مہراب خان نادور اٹ برٹش
حکومت تون سیاسی تعلقداری نادور ہم بنا کر یس۔

مہراب خان اسہ گچین ء انسان اس نس ولے او اسہ نزور ء حکمران اس
نس، اویتنا قبائلی آسڑدار تا است اٹ جاگہ جوڑکننگ کتو، و خار و بدی ناوخت ہمو تم بنا
کرے، ہر اتم کہ او اسہ بندغ اسے ناکننگ آ دشمن آتامون آسلہ بٹے، ہمو بندغ
ہر اڑکن او وزیر آستون چندی مذاکرات آتے کرے، ہر افنیٹی فتح محمد ہم اواریس،
ہمو بندغ دودا محمد نس ہر اکہ فتح محمد نامار انا دو آن خلنگا سس، اواریس۔

شاہ شجاع نا او لیکو بے سہبی آن پد او 1833 ء اٹ تینا حکومت ء اسہ وار
ولد ایکجا کننگ نا کوشت ء کرے، او منہ وخت قلات اٹ امن ایمنی ایس، تینا وطن
لدھیانہ غا پدی ہنگ آن مست 1835 ء ناہمو جہد ہر انا مسحت شاہ شجاع نا حکومت نا
بحالی نسکہ، ہر افنے اسہ برٹش ء کارندہ سے نا کماشی ٹی جوڑکننگا سس، ہر انا پین
لیفٹیننٹ لیچ نسکہ۔

پلیج ۽ اسه وار قلات اٹ خان مہراب خان تون اوڑدہی کن راہی
کننگا سس، کہ دامعلوم کننگے کہ اوتینا حکومت ویتنا فوجی لشکر ۽ پدی راہی کے، ولدا
دانیام اٹ ملا محمد حسن داڑان بھاز فاندہ ہر فے، داهمو بندغ نس ہر اکہ سازش کرے،
خان قلات و پلیج انا نیام اٹ بدی ودی کرے، و داد غاباز انگا وزیر داپک کرے کہ
برٹش حکومت ۽ ہر اغلہ غاتے تروئی نس او کل ۽ خان قلات ناگودام ناتہہ آن پلا
درے۔ داند اسکان او خان انا پین اٹ اسہ اشتہار اس شینک کر فے کہ کس اس خان
انا موکل آن بیدس سیمی علاقہ غائیٹی ہیج وڑ اسے ناٹل و نس اس کننگ کپک۔

’سرالگز نڈر برنس‘ ۽ قلات اٹ تعینات کریر، کہ او خان انا مہمان مرے و
اوڑتون معاہدہ نمبر 1 نابارواٹ ہیٹ و گپ کے، ملکی معاہدہ غاک خالی منہ بندغ نا
ڈوک آست خواہی تابند او آکننگا سر، ہراٹی کہ ملا محمد و خان قلات او ار سر، و
اوفک کوئٹہ ناعلاقہ ۽ شاہ شجاع ۽ ترساتینا وفاداری ناشاہدی ۽ تسر۔ سر برنس ہر اکہ
خان آن معاہدہ ہلنگ نس کہ ملا محمد حسن معاہدہ و ایلو بشخ ۽ دزا، ہراڑا کہ خان مست
آن مہر و دستخط کر یس، ملا محمد حسن داکاریم ۽ خان قلات تون غداری نامون اٹ
کریکہ، یا کہ برٹش حکومت ۽ تینا وفاداری ناباور کر فیکہ، دانا معلوم داری متو۔ ہرانا
سوب آن کوئٹہ ناعلاقہ خان قلات ناماتحت سلتو، و ہنداسوب آن خان ۽ کوئٹہ غا
ہنگ آن توریر، و اودے نظر بند کریر۔ ہنداسوب آن خان تون او فقاد شمنی پین
زیات مس، او خان ۽ سزاتر فنگ ناتاڑاٹ نس۔

وخت اس کہ جنرل والٹر شیر 1839ء اٹ کابل آن پدی بس تو داڑان
مست قلات آد اکھو سر مسوس کہ خان قلات ۽ سزا ایتک، ہرانا کمک اٹ 13

نومبر آخان قلات آن اونا علاقہ غاتے کوزہ کریر، اویوس مس تینا قلعہ ٹی مورچہ بند مس، وتینا قلعہ اسکان سلیس، اونا مار حسن خان مست آن اودے ایلاس، ہرا وخت کہ قلعہ غان ہمو کاغذ آک دو بسر، ہراڑان ملا محمد حسن ناغداري و دغا بازی پک مس، گڑا اودے بندی جوڑ کریر۔ برٹش حکومت نامون آنواز شاہ خان ناچاژدہ و رنا سلوک سر، ہرا کہ برٹش حکومت تون جنگ کنگ کن تیار سر، اوکل محبت خان نا سر، ہرا فتنے احمد شاہ معزول کر یس، ہند اکل و رناک دہلی اسکان جنگ کر یس، و احمد شاہ نا یلم فتح خان و دہلی نازندان آن آجو کر یس، ولے اوفتنے دا جنگ انا وخت آ بھلو نسخان اس رسیگا، ولد اہم سراوان ناصوبہ کچھی و گند اوہ غاداسکان کابل نا حکمرانی نس۔

نواز شاہ نا گونڈانگا حکومت نا وخت آاسہ پوسکن و انقلاب اسے نابنا مس، ہرا نا کماشی و مہراب خان مار حسن خان ہرا دے کہ اونا لائخی تا سوب آن نصیر خان ثانی ہم پاریرہ، و اونا کوششت آتا سوب آن نواز شاہ و خان قلات نا عہدہ غان اینک کریر، ہراڑان برٹش سرکار نا نمائندگی قلات اٹ چٹا۔ ہند اسوب آن برٹش حکومت و نصیر خان نا نیام اٹ جنگ اس بنا کرے، دانا مطلب داس کہ نصیر خان ملک و الے پیشن کا ہے یا مہراب خان آنبار اسہ چپ و جنگ اسے ناوڑاٹ وخت و گدریفے، بیوس مرسا برٹش حکومت تینا پالیسی و بدل کرے و نصیر خان حکمرانی ٹی بس، وتینا قوت و طاقت اٹ ہموکل ضلع غاتے پدی ہلک، ہرا فتنے کابل اٹ اوار کنگا سس، اخیر اسہ معاہدہ اس 1841ء اٹ مس، ہرا نا بند اوی مسخت داس کہ قلات و کابل نا بادشاہت و منوی مریک، و دا اونا ماتحت رہینگو و۔

برٹش حکومت ناکابل آن دستبرداری آن پد معاہدہ نامہو کاغد تموک ء
 اسہ کاغد اس جوڑ مس۔ 1842ء اٹ اسہ پین آسودگی سے ناخان ء سہہ خلکر، کہ
 ہر سال خان انا آرمی ء اسہ مالی ء کمک اس تننگ، ولے داسلاہ غا عمل داری متو۔
 1854ء اٹ وخت اس کہ انگلینڈ وروس اسہ ایلو ء تڑی تسرہ تو دانا زہم دے ٹکی
 علاقہ غاتیا ہم تما، ہند اسوب آن اسہ پوسکن ء معاہدہ اس (No.3) ء خان اتون
 کریر، دامعاہدہ 1841ء انا معاہدہ ء معطل کرے، ولے دامعاہدہ خان ء بیوس کرے
 کہ او برٹش حکومت نادشمن آتا مخالفت اٹ اونا مد دو کمک ء کے۔ و برٹش حکومت
 ناتابع مر سا کے، و برٹش حکومت ناساڑی گری آن بیدس ایلو ملک آستون رابطہ
 کپ۔ داڑان بیدس خان ء برٹش حکومت نافریق آتے تینا ملک اٹ جاگہ ایتوئی
 تمک، دانا بدل اٹ برٹش حکومت خان آف قلات ء سال انا پنجاہزار (50,000)
 روپی مالیت تر سا کیک، ولے داشٹرت انا بند او آتیا کہ او برٹش حکومت نا پرمان تا
 خلاف ورزی ء کپرو ء، نئے تینا ملک اٹ نئے ایلو فتا ملک اٹ۔ دامعاہدہ ٹی داہیت و
 شٹرت آتے ہم اوار کننگا سس کہ خان قلات تینا ملک اٹ پوریا گر تار کھ ء کرو ء
 او قستون ہچ وڑ انا سختی کپرو ء۔

1857ء اٹ ہرا وخت کہ خان نصیر خان کزیت کرے، تو داشک
 کننگا کہ اودے زیار تننگانے، ہراڑان اونا مرک مسنے۔ دابارواٹ مسہ بندغ آشک
 کننگا، دافتیٹی اعظم خان ہرا کہ مہراب خان نا ایلیم نس، داڑان بیدس اونا مارو خان
 خد اسیداد خان آشک کننگا۔ نصیر خان آن پد خان خد اسیداد خان ء ملک انا چیف جوڑ
 کننگا، ہند اسوب آن خان تیٹی تین پہ تین نا جھیرہ غاک بنا کریر، وفتح خان جنگ انا پڑو

۽ مخلوق ناخن ٽیٹی مش شاعنگ کن کرے، ہر اکہ شاہنواز خان نا ایلیم نُس۔ ہر انا کمک
۽ آزاد خان خارانی کر یس، ولے بیدس برٹش حکومت نا کمک و مدت آن خدا ٺیداد
خان تینے اسل واکدار اس تکتو کہ، وخت اس 1859ء اٹ برٹش حکومت نا پارہ
غان سالانہ مالیت نا کل زر یعنی 50,000 روپئی ۽ خان خدا ٺیداد خان ۽ تس، اوفتے
بیوس کرے کہ تینا بلوچ ایلیم مری قبیلہ نا باغی تے کسف، اوفتے نیست نا بود کر،
ہر اکہ برٹش حکومت نا سیم آتیا انگریز فوجی تے بھار فریشان کرینو، داز یادئی مالی آ
کمک پدریہ چار سال اسکان خان ۽ دو برساہنا۔ ولے داڑان خاص ۽ فائدہ اس دو بتو،
داڑان پد قلات نا ایلو بھلا بھلا متبر آک خان خدا ٺیداد خان نا مخالفت نا بناء کریر، و
1863ء اٹ اونا ایلیم نامار شیر دل خان ۽ اونا جاگہ غا حکمرانی نا عہدہ ۽ تسر۔ ایلو پارہ
غان باعیک قلعه و علاقہ ۽ تینا پلو یڑاٹ ہلکسر، ہند اسوب آن خدا ٺیداد خان معزول
مس، اونسیر آباد کچی آہنا، و بھار زو شیر دل خان 1864ء اٹ تینا اسہ سپاہی سے نادو
آن مرک انا گواچی مس، و خان خدا ٺیداد خان اسہ وار ولداریاست قلات نا حکمران
جوڑ مس۔ داجار کل آن زیات مدت و کمک برٹش حکومت نا نس، ہند اوخت آ
سالانہ مالیت زر ہر اکہ 1854ء انا معاہدہ ٹی کننگا سس، او گڑ اس غلط فہمی نا سوب
آن منہ وخت اکن سلیسو سس۔ ولے بھار زو اوفتے ولد ابحال کننگا۔

6918ء اٹی (No.7) و 1870ء اٹی (No.11) ہند اوڑ ہند معاہدہ ۽

ایرانی بلوچستان تون 1869ء اٹی کننگا، ہر اوفتے مکران ٹیلی گراف لین انا پن تننگا۔

خدا ٺیداد خان نا بحالی آن پد قلات نا تاریخ اٹ مدامی کن خان و قبیلہ غاتا

نیام اٹ پدریہ چکی تاڑی برجا سلیس، داہد اسکان کہ جھالاوان نا چیف تاج محمد ۽ نظر

بند کنگا۔ ہراڑان کہ اوکزیت کرے وجام آف لسبیلہ ۽ بیوس کنگا کہ او برٹش حکومت تون باہوٹ مرے۔ ولے 1871ء اٹی سراوان ناچیف مون ناجنگ ۽ بند کرے، دابے چھیٹی تا پد دمس کہ او فتا باوہ پیری ڈغارک اوفتیان پنگار۔ واو فتنے کل ر سینگوک آ آسرائی تیان مُر کنگا۔ ہر افتنے چندی ادارہ غاک تسرہ۔ وخت اس کہ خان تینے تنیا خنا تو بے وس مس، برٹش حکومت آن کمک خواہس۔ اوانگریز ۽ سندھ اناکل ۽ اختیار آتا وارث جوڑ کرے۔ ہند اسوب آن جیکب آباد نابندغ آک بھار است اٹ کریر۔ و خان سڑدار آتیان ہموکل ۽ ڈغار تے پدی ہڑسار ہرا کہ نصیر خان دوہم نادور اٹ سڑدار تے تننگا سر۔ وسڑدار تے پابند کنگا کہ نم ہمو وخت اسکان دا ڈغار تیا کاریم کنگ کپیرے تانکہ نم خان ۽ خراج تترے۔ یانم دا ڈغار تیان مدامی کن دوسلبو۔ و وخت اس ہم دا ڈغار تاپن ۽ ہلپیرے واگہ نمے آن کس اس ہم بغاوت نا بارواٹ سوچا تو خان تینا طاقت اٹ نماکل ڈغار تے تینا سلطنت اٹ اوار کرو ۽۔ سڑدارک بیوس مسر خان قلات نا پرمان تے منار ولے او فک خان ۽ داہم پاریر کہ اگہ خان ننا ڈغار تیاناروائی اٹ کوزہ کرے تو اونا پد بھار خراب مرو ۽۔

داوڑانا معاہدہ غاک اصل اٹ خان ۽ تینٹ ہم وڑتوسہ۔ ولے اوبیوس نس او تینا وزیر شاغاسی ولی محمد خان ۽ داکاریم تا وزیر جوڑ کر یس ولے بھار زو خان اونا مخالف آتا سوب آن اوڑتون ہم جھیر ۽ شروع کرے دا جھیر غاک ہمو وخت اسکان چکار ہر اوخت کہ قلات ناسیاسی ایجنٹ ہند اوزیر آن اونا کل اختیار آتے پدی ہلک۔ اودے اونا متکن آجاگہ غالیس، اونا حیثیت ۽ اسل ختم کرے۔ انگریز خان ۽ خالی تینا ادارہ غاتسکان کچ اٹ کرے و خان ۽ سختی اٹ پانگا کہ نی لسبیلہ ناکانود آتے

سرپیس آخا تو نی تینا مسخت اٹ سرسہب مفروس۔ خان قلات ۽ داہم پاننگا کہ ہمو پوریا گرتے زڑایتے ہر افکاروانک ناسلطنٹ اٹ پلنگا سر۔ داکانو دسیاسی ایجنٹ نا ہنگ اسکان ولی محمد ناکاماشی ٹی 1883 ۽ اسکان خان انا حکمرانی اسکان برجائس۔ دائی 1841 ۽ والا معاہدہ ٹی رسینگلوک آزر ۽ پدی تروی الو، اوارئس۔ خان ۽ حوال ملاکہ معاہدہ نارداٹ پوریا گرتا رکھ و سیمی علاقہ غائیٹی امن اتنگ آہم عمل درآمد منگ الو۔ ہرانا سوب آن سیمی علاقہ غائیٹی بے امنی تالان منگ ئس۔ ہندا سوب آن برٹش حکومت نابوسی آن تینے بچفنگ کن تینے آن پرمان جاری کنگ ۽ شروع کرے۔

خان قلات بغاوت آتا وخت آمری، بگٹی رویہ غائیٹی اسہ بھلو بدلی اس خنگا۔ او اوفتے جنگ انا پڑا نا خرٹک آسر کریر، و خان انا پاننگ آبراہوئی پاروک آک مری قبیلہ ۽ بولان پاس انا کسرتتوس، ہراڑان مریک تینا خار ۽ کاروان تالٹ و پل آن پورو کریرہ۔ او اسہ بغاوتی ۽ پرچہ اس ہم جاری کریر دا حالیت آئیٹی خان ۽ حوال تنگا کہ اگہ او سیم و برٹش حکمرانی نا علاقہ غاتا رکھ ۽ کنگ کپک تو انڈین حکومت تینٹ گام ہر فساد علاقہ غاتا رکھ ۽ کیک۔ قلات نالس برٹش حکومت نا علاقہ غاتے اوڑان پنچ ہمو خس زیات زڑ ترسا بہاٹ ہلنگ ئس۔ واگہ کس اس منتو کہ تو اودے دزگیر کرسا سز اتنگا کہ واگہ کس اس نرا کہ تو اودے سم اٹ خلکرہ، اگہ ہندن مس توکل ۽ ریاست اٹ طواف الملوکی و دی مریک و انڈین سرکار تینا خاص کارندہ غاتے داڑے راہی کیک، اگہ منگ کیک تو گڑاس فیصلہ غان او سڑدار آتا نیام اٹ منگ نا کوششت کرے۔ ولدا انگریز داکاریم ۽ کنگ کن کیپٹن

سٹیمین گچین کرے، ہر اکہ تینے تینا لائی ناسوب آن 1875ء اٹ بھلا بھلا ویل آتے سرتنگ ناسوب آن اسہ پنیء بندغ اس پک کر یس، وہند اسوب آن اودے اسہ ارادار بلوچستان اٹ تعینات کر یس، واسہ شاہیء دربار اسے ٹی خان و سرادان چیف آتانیام اٹ امن کر فیسس، ہمو وخت مری بگٹی چیفک ساڑی الوس دا واقعہ 1867ء اٹ جولائی ناواٹ مستونگ اٹ موسس۔

ہند اسال خانء دسمبر ناواٹ جیکب آباد اٹ ”نائب السلطنت“ ناخطاب ہم ملا واپو سکن آمعاہدہ ہند اتوانا 8 تاریخ آپور موس۔ (No. XII) و 1845ء اٹ دافتا جانچ کننگا و ایلو گڑا تے ہم معاہدہ ٹی اور کننگا و برٹش سپاہی تے کن قلات اٹ ریلوے و ٹیلی گراف لین ہم جوڑ کننگا۔ سیاسی افسر آتارکھ و حفاظت خان حکومت نا پارہ غان سکے۔ دانا بدل اٹ برٹش حکومت خان انا سالانہ پند اوڑیء لکھ روپی کرے۔ ہر اکہ 20500 روپی سالانہ غان بنا کر یس۔ دازرء ہن برناشونداری و واپاری کسرتا بحالی کن تنگاسس، ہر اکہ دالملک بلوچستان آن گدرینگارہ۔ دامعاہدہ بلوچستان ایجنسی نابند اوٹس۔ و 21 فروری 1877ء اٹ میجر سٹیمینء AGG (ایجنٹ ٹودی گورنر جنرل) ناوڑ اٹ بلوچستان اٹ تعینات کننگاسس، دانا دفترء کوٹہ ٹی جوڑ کننگاسس، ہراڑے برٹش سپاہی تا اسہ بھلوکچ اس ڈیوٹی کریکہ، ہر اکہ کوٹہ ملٹری آن سر۔

اوغان جنگ انا وخت آخان خدائیداد خان شاہی وڑ اٹ برٹش حکومت نا کل سربر آتے خوشی اٹ منا۔ 1888ء اٹلی خان برٹش حکومت نا قندھار ریاست نا ریلوے ناڈغارء تینا واکداری دنگ اٹ ہلک، (No. XII)۔ 1879ء اٹلی دافصلہ

کننگا کہ اخس کہ ضلع غاک کوئٹہ ناداپار ایپارء دافتنے برائے راست برٹش حکومت سرکار نادوٹی تننگے۔ وایلو پچوک علاقہ غاتا واکداری خان نادوٹی مروء۔ 1883ء اٹی اسہ پین پوسکن ء معاہدہ اس ہند ابارواٹ (No.XVI) کننگا و دا معاہدہ ٹی اسہ ہیئت اس پین ہم اوار کننگا ہر انار د اٹ خان خدائیداد کوئٹہ نیابت ء اسہ سال اس 25000 روپئی کراغا ہم تننگ کیک، و ہند اسال اودے سال انا 30000 روپئی تننگ۔ داہد اسکان کہ خان بولان تنگ انا کسراٹ واپاری واکداری ناحق ء ہم منہ پیسہ ٹی بہا کر یس۔

ہند معاہدہ غاتا سوب آن حالیت دے پے دے آخرا ب مرسا کرے۔ 1893ء اٹی ریاست قلات نا علاقہ بھاگ اٹ مروک آسیوت امپ ولڈ انا زمواری ہم خان انا کاٹم آ بس۔ خان خدائیداد خان اسہ جاگہ سے آہند اخہ دریوس مس کہ او انڈین گورنمنٹ ء تینا عہدہ غان دز کشی و تینا جاگہ غا محمود خان ء تینا جانشین جوڑ کننگ نا کلہو ء تس، اخیر انڈین گورنمنٹ خان خدائیداد خان نادز کشی نا خواست ء منظور کرے۔ و او نا عہدہ غا محمود خان ء تنخ۔ او اوڑادوبہ خلک کہ او تینا عہدہ غان غلط ء فائدہ ہر فینے۔ او پیسہ نا جوفہ ٹی برٹش حکومت ناہر وڑاٹ مدد و کمک ء کرینے۔ ہرا کہ او نا ریاست ناحق اٹ جوان الوس۔ 1893ء اٹی خان خدائیداد خان نا جاگہ ء او نا مار محمود خان سنبھالا ہرا کہ 1864ء اٹ ودی مسوس۔ او انڈین AGG نا پاننگ آدا عہدہ غا لگاس و اودے 21 توپ انا اسلامی تننگا۔

1894ء اٹی بولان پاس اناریلوے نا ڈغار خان قلات نا حکمرانی ٹی بس۔ (No.XX) ہرا نا کہ برٹش حکومت ء بھاز گرج ٹس۔

ہندن قلات و فارس ناسیم آسور دیر ”کوہک“ ناویل ایسر مسوس، ولے
 دانا سیم بندی کنگتویس۔ ہند اسوب آن 1896 ائی اسہ ڈل اس وجوائنٹ برٹش و
 فارس کمیشن نانیام اٹ ہیٹ گپ انا فیصلہ مسوس ہرا کہ فارسی و بلوچ آتا ڈغار تا
 سیم بندی نابارواٹ اڈتننگا سس، ہرا قتیٹی کہ ”کوہک آن کہ ملک سہی“ ہرا کہ
 وخت آن جانچ کریسر (No.XVII) ہنداوڑ یانزدہ سیسی ء پٹی جوڑ کنگا، ولے
 فارسی حکومت برٹش حکومت ناجانچ پڑتالی ڈل ائی اوار مننگ آن نمون مس۔ ہرا نا
 سوب آن جہاندی پٹی نمبر 11 ناسیم بندی مننگ کتو، ولے نشخ غائیٹی دادے پیدوار
 کنگا سس۔ ہرا کہ پد آن غلط مس۔ داڑان پد گڑاس فریشانی وویل آک کاٹم ہر فیر،
 خاص وڑاٹ ’جاہو‘ نا عمل دخل ناسوب آن ہرا فیصلہ کنگا کہ بے نشان سیم تے
 ”اینگلو پرشین کمیشن“ پیدوار کیک۔ پد آن ولد ا فیصلہ کنگا کہ بے گرج سیم بندی
 تے یلہ کنگے ودا معاہدہ پارس حکومت نامنائی اٹ ایسر مس۔ 1905 اٹ اینگلو
 پرشین معاہدہ غادستخط آک مسر۔ (No.XXX) ہراڑان برٹش حکومت میر جاہو
 ناڈغار آن دوکشا، ایلوپارہ غان پک مس فارسی حکومت برٹش حکومت آن دیر دنگ
 کیک، و برٹش ناخرٹک اناچیک پوسٹ آتے ہم دیر رسیفک۔ دما معاہدہ غان پد
 حکومت دافصلہ کرے کہ اوداڑان پد ہم سیم آتا معاہدہ کنگ کن کمیشن جوڑ کیک۔
 1899ء ائی خان انا تبادلہ ء نوٹھے آکننگا۔ اودے انڈین حکومت ناپارہ
 غان سالانا 9000 پند اوڑی ناوڑاٹ تننگا و 1903ء اٹ نصیر آباد نانیابت آن تبادلہ
 مس۔ ہراٹی کہ منگچر نا ڈغار ہم اوار نس۔ ہرا کہ۔ 17500 روپی

(No.XXVII) زڑا نامون اٹ تننگا سس ہموکل ڈغارک ہرا کہ نوٹھے ریلوے
کن بے حد المی سہر دافتنے 1903ء اٹ خان تینا دوٹی ہلک (No.XXIX)۔

داسہ قلات ناکل واکدار یک خان قلات ناکل نیابت آک و ہر گڑا
وزیر اعظم نادوٹی بسر، ہر ادے انڈین گورنمنٹ خان انا جاگہ غاتعینات کریس،
داڑان بیدس قبیلہ غاتا ویل او فتا واگ ۽ پولیٹیکل ایجنٹ نادوٹی تسوس۔ و خان
قلات داتینا کل واکداری تابدل اٹ سال انا 350,000 ہلساتینا قلعہ ٹی عینش
کریکہ، یعنی قوم و وطن ناسوداء خان صاحب دانهاد اٹ خلک، ولے ایلو پارہ غان اسہ
قبیلہ اس تینا ایلو سڑدار آتے حوصلہ ترسا پاریکہ کہ خدا ناپن اٹ نن عزت دار ۽
بندغ اُن نم کل سڑدارک تینا تینا قبیلہ غاتا معاملہ غاتے تینا دوٹی ہلبو۔

1917ء ٹی خان ریاست نامالی کمک ۽ باقاعدہ وڑاٹ امناکرے واسہ
سو غندی کاغذ اس ٹھیفے، و فیصلہ کرے کہ بجٹ ناکل بشخ آتے ریاستی خزانہ ٹی جمع
کننگ، و مالیاتی بجٹ ۽ کاریم اٹ انتگ آن مست خان انا منظوری المی ۽۔ دا
سو غندی کاغذ نا منظوری ۽ اے جی جی تینٹ کریس، و دا ادارہ کن پوسکن ۽ وجتا
ملازمت آتا پڑو ۽ کرے۔

1927ء اٹ خان قلات ۽ اونا حکومت آن اسل بے دخل کننگ، ہرا ٹی
کہ 1921ء اٹ مروک آمعاہدہ نارداٹ قلات ناکل ۽ علاقہ غاک ہرا ٹی خاران
مکران نا علاقہ غاک ہرافک 72,278 میل اسکان تالان سسر، و ہرافتا آبادی
328,281 نسک۔ ٹی دامالیاتی نظام داسہ نافذ کننگا سس، و دا بابت 16 غان 17 لکھ

روپئی تنگاکہ داپیسہ غامتننگ کن جوڑ کروک آسو غندی کاغذ خان وانڈین حکومت نا
نیام اٹ فیصلہ کننگا سس۔

قلات نا عسکری واکداری کم مرسا 1926ء اٹ بیرہ 154 شہسوار 28
پیدل گشتی و 20 توپ خانہ ہر افتیٹی 12 کاریم کروک و 23 بے کار سسر، وگڑا سے
تون سلہہ سکہ۔

مکران

برٹش مکران ریاست قلات ناسویل دیکی ء صوبہ اس سکے۔ ہرا کہ اراضی
غان جوڑس۔ اسے پنجگور، ہرا کہ گچک نامشی آچر جوئی، ہرائی کہ الار نادرخت آک
بھاز سر، ارٹمیکو کچ سکے، ہرا کہ کچ انا مش تیان و نیک کور، کو بواہ کور نا کر کی پٹی آ
تالان سکے۔ برٹش حکومت اٹ گچکی خاہوت حکومتی قبیلہ سکے۔ ہرا کہ راجپوت
نسل آن سر۔ دا گچک انا مش تیٹی رہینگارہ۔ ہمو وخت دافک کل پنجگور آتینا
حکومت کریرہ۔ ہرڈ میکو کرن انا بناٹی دافتا اسے چنکو شاخ اس او لیکو وار بلیدہ وید آن
کل کچ اٹ تینا حکومت و سرکار ء جوڑ کرے۔

1750ء نا خرٹک آتیت نصیر خان اول اسے وار او فتنے خیر کنگ ناسلہ
خلک، او فک منتوس، ولد النصیر خان اول زور اٹ گچکی خاہوت ء اسے معاہدہ اس
کننگ آبیوس کرے۔ ہرائی دانوشته سکے کہ او فک تہہ و پیشین نا جلیہو آتا وخت آوہر
ویل انا وخت آقلا ت حکومت تون سلور۔ ہرا نا بدل اٹ او فتنے تینا علاقہ غاتانیمہ بشخ
ء ریاست ء تروئی تمک۔ گچیک محمود خان نادور اٹ قلات حکومت تون ہیج ء سمجھوتہ
و معاہدہ اس کتوس۔ ولے مہراب خان اسے وار ولد اکران آجلہو کر سا او فتنے دسا۔ و
او فتنے پدی تینا دوانا کیرغ آن کرے۔

خان قلات بھارز و گچکی تے کچھ و پڄگور اٹ تینا نائب نا جاگہ تس۔ و وخت
 وخت اس براہوئی پاروک آسڑدار آتے ہم تینا نائب جوڑ کر یکہ۔ ہند ابابت فقیر محمد
 بزنجو ہر اکہ مسہ سال اسکان کچھ اٹ امن کر یس، ہند ادور اٹ پڄگور اٹ جنگ و
 جھیرہ غاک کاٹم ہر فیر، ہرانا بھلا سوب سڑداری حکومت نسکہ۔ ہرانا دعویدار آک
 میر گنجان و میر عیسیٰ خان اسک نس۔ ولے خان ہم پوسکن آسڑدار نا گچین کاری نا
 حق اٹ نسکہ۔

1876ء نامعاہدہ جیکب آباد (No.XII) اٹ لارڈ بیٹن خان اتون قول
 کر یس کہ سنڈیمن ۽ مکران آراہی کننگ۔ اوہمو جاگہ نا حالیت ۽ جوان کننگ
 یک۔ ہر اوخت آکہ اور ٹمیکو اوغان جنگ بنا کرے تو سنڈیمن ۽ ہمونگ راہی کننگ۔
 ولے جنگ اناسوب آن او 1884ء اسکان مکران آہنگ کتو۔ اوہمو وخت فقیر محمد
 ہم کزیت کر یس۔ ہند اسوب آن کچھ پڄگور آن زیات پر آشوب ۽ علاقہ اس جوڑ
 مسوس۔

ولے انڈین حکومت فیصلہ کر یس کہ اوخالی مکران نا گچین علاقہ غاٹی
 حکمرانی یک۔ 1896ء ٹی بجال افسر اسے خان انا کمک اٹ مکران نا ناظم جوڑ کننگ۔
 و فیصلہ کننگ کہ دا بجال ۽ خان قلات تینٹ مکران اسکان سر کرو۔ ولے ایلو پارہ غان
 مکران اٹ پین چندی بغاوت و ویل آک بنا کر یس۔ ہر افٹے توننگ زور نس۔ دا
 بغاوت نا کماش میر مہراب خان نس۔ ہر اکہ سڑدار شاہ عمر نا حق آ ایلیم و سڑدار میر
 بائی خان نا مار نس۔ ہر اتینا کماشی ٹی و تینا کماہاری ٹی اسے عسکری و جنگی فوج اس ہم
 جوڑ کر یس۔ دا سلہہ بندانگا لشکر گو کپروش نا جنگ اٹ با تس۔ و ہند ا جنگ اٹ بلوچ

فرزند بلوچ خان نوشیروانی ہم شہید مس۔ ولے میر مہراب خان تینا زندہ بچھسا سیم
آن پیشین ہنا۔ سڑدار شاہ عمر نالہ عبدالکریم نائب کچج جوڑ مس۔ وبرٹش حکومت نا
مکک اٹ ورگ چرگ نازند گدر یفنگ نس۔

انڈین حکومت پد آن فیصلہ کرے کہ اسہ پوسکن ۽ ناظم اس مکران اٹ
تعینات کننگے۔ ہرا کہ مالیات آتیا سیدھا کوزہ کننگ کپ۔ اونائب آتاکار کڑد ناجاچ ۽
ہلے، و خان ۽ ہمو جاگہ نابارواٹ معلومداری ایٹے۔ مکران نا علاقائی ادارہ غاک دا
وخت آتینا تینا عیاشی تیمی اختہ نسر، و او فٹے ہچ سما لو کہ مکران نابڑز کو کہولی ادارہ
غایمی انت مننگ ۽۔

پوسکن آناظم بنگ تون گڑ اس ہندن ۽ پرمان جاری کرے۔ دن کہ ناجاز
ٹوک ٹکار، سٹی ہیت آتیا سختی ٹی رکھ خلک۔ ولے داڑان اوناشرف اٹ کمتی بس۔
ریسانی سڑدار نالہ مہر اللہ ۽ داکاریم کن گچین کننگا، ہرا دے کہ بلوچستان ناہمو
وخت اناکل آن زور اور انکا بندغ نا خطاب، رسینگا سس۔ و ہندازوت آتیٹ برٹش
حکومت نابرخلاف سراوان اٹ پوسکن آ انقلاب نابناء کر یس۔ ایلوپارہ غان اوکل
سڑدار آتا سڑدار وکماش نسکہ۔ ہرا کہ خان قلات ناڈوانا کیرغ آن کاریم کننگ
خواتوکہ۔ اوبھاززواسہ جتاء تنظیم اسے نابند او ۽ تچا، ہرا کہ خان آن جتامرو ۽۔ ولے
خالی مالی مکک اوڑان ہلنگ۔ یک شخصی حکومت اس ہم ہندا بابت جوڑ کننگا۔ و
سڑدار عمر شاہ غازور شاہننگا کہ او تینا حتی آایلم مہراب خان ناجاگہ ۽ کوزہ کے۔

1904ء اٹی مکران لیویز اسہ سیاسی ۽ ایجنڈ اسے ناوڑاٹ سرگڑدان مس،
ہرا کہ ریٹائر انکا افسر آتا اسہ گروپ اسے آتالان مس۔ دافتاچو کی پچگور اٹ نسکہ۔

دافکاریم سیمی علاقہ غاتارکھ وادفا فریق آتے کنٹرول کنگ نس۔ ہنداوڑاٹ ناظم
مکران آخان اناجاگہ غا حکمرانی کر ساہنا۔

1917ء ٹی وخت اس کہ مہر اللہ رئیسانی ریٹائر مس۔ ہندن اونا جاگہ غا
انڈین حکومت ریاست قلات ۽ مکران ناکل ۽ علاقہ غاتے 1922ء اٹ ہندا شترت
انابندا و آپدی تس، کہ ہرا وخت اسکان کہ خان قلات نا ایلیم نواب بہادر میرا عظم
خان ۽ ریاست قلات اٹ خان اناجاگہ غا حکومت کنگ کن ملک آراہی کنگپ۔ دا
وڑ وڈول ہم بے سہب مس۔ اوڑان پد اسہ نائب اس و اسہ وزیر اسے مکران آ
حکومت کنگ ناموکل دُوبس۔ ولے گلکی ناجتا انکارویہ غاک اسہ پوسکن ۽ ویل اس
بش کریر۔ اوک اسہ ایلونا اختیار آتیاں نممن مسر۔ دارویہ ناسوب آن سیاسی ایجنٹ
آک اسہ ایلوتون تو سر سلا بت ہم کریر۔ دانا سوب آن سیمی علاقہ غاتارکھ اکن بھاز آ
ویل آک و دی مسر۔

مکران ناڈیہہ ہمو وخت 92299 مربع میل آتالان نسکہ، ہرانا کل آبادی
1921ء انا مردم شماری نارداٹ 17860 نس۔ واوناسال انا کٹیا 65791 نسکہ۔ ہرا
حساب کہ 1925-26 اٹ تالان کنگا سس، اوٹی کٹیا 75791 غان ودا سس۔

قلات ناسیمی علاقہ غاک

قلات اٹ انڈوپور پین ٹیلی گراف لین شاعنگک وجوڑ کنگک کن ہمو جاگہ نا میر و متبر آستون تعلقداری گنڈنگ المی نسک۔ ہرا کہ دیکی کچج انا حکمران آک نسر۔ ولے اوڑے ہمو جاگہ ناچیف ولٹ وپل کروک آتانیام اٹ چک وناڑ مسک۔ داڑان انگریز سرکار فریشان نس کہ ہراوڑ کناکاریم آسانی اٹ مرے۔ ہندا حالیت ایرانی حکومت ناہم نسک۔ ہندن ایرانی حکومت ء داوار تننگا کہ اوتیناڈیہ ء مرغن کے، ودا مرغنی ناپاناد ء ہمو تسکان چکے ہر اتسکان کہ دیکی کچج و اونا دا پار ایپار نا علاقہ غاک ایران اٹ اوار مفس۔ و اودے داہم پاننگا کہ خالی کر کی علاقہ غااسہ چنکو بشخ اس اے۔ ہرا کہ چابہار و گوادرنانیام اٹ نس۔ و ایرانی حکومت برٹش حکومت ناپاننگ آکران نا کل علاقہ غائیٹی تینا حکمرانی ء جوڑ کنگک خواہسک۔ ہرا کہ خان قلات نا حکمرانی ٹی نسر۔

برٹش حکومت تون وخت انا قلات نا معاہداتی سیال داری نسک، ہندا سوب آن خان دا کل تڑی تیا اسل خف تو تو۔ نئے برٹش حکومت اوفتے سریلہ الا، وخت اس کہ کچج اٹ خان انا حکمرانی آ ایران نا خنک سخت نسر۔ ہندن اونا حکمت عملی تے تو ننگ کن اسہ ڈل اس شاہ ایران ناپارہ غارابی کنگا کہ اوڑ تون دا بابت اٹ ہییت و گپ کنگک۔ اوڑان پد بیوس مر سا شاہ ایران دا فیصلہ ء کرے کہ قلات و ایران نانیام

اٹ سیسی علاقہ غاک بشکنگر۔ دافصلہء انگلینڈ کمیشن نامون آمظوری دُوبس۔ داسہ ایران آن قلات اسکان برٹش حکومت نامشاچلینگاکہ و سیسی علاقہ غاک، گو تھرنا ریک آن کوہک اسکان اوڈتون نسر۔ سیسی کمیشن نارداٹ 1871ء اٹ شاہ تون مروک معاہدہ نارداٹ پنجلور، و پروم اوناعلاقہ غاک کوہک، بلیدہ، زامران تون اوار مند و تمپ دیک اٹ دشت اناکل علاقہ غاک و کرکی سور دیر ہم ایرانی حکومت ناعلاقہ غائیٹی بتوکہ۔

داڑان پد ایرانی حکومت شش ضلع ہر افتیٹی کوہک ناسیسی ضلع غاک ہم اوار نسر۔ ہر افتیٹی جالک، وکلاگان ہرا کہ ایرانی سیم آتا ایلو پارہ غان نسر، دابے پانگ آن و بے سماغان کوہک ناعلاقہ غاک راست راست ایرانی سیم اٹ بریرہ یا بفسہ۔ برٹش حکومت ریاست قلات آن کوہک ناعلاقہ اسکان سیم انا چشخ اس چکا۔ کوہک ناعلاقہ ایرانی حکومت 1874ء اٹ تینا کوزہ ٹی کرے و ایرانی بلوچستان ناسیم اٹ بھاز آ علاقہ غاتے 1896ء ٹی پورو وڈ اٹ تینا دنگ اٹی اوار کرے۔

(No.XXII)

1902ء اٹی اسہ اسیجاء جرگہ اس اڈتننگا۔ ہراٹی برٹش حکومت ناسر دارتا و ایرانی بلوچستان نانیام اٹ دافصلہ کنگاکہ سیسی علاقہ غاتا بشکنگ ناعمل و پور بیان کنگے۔ ایلو صوبہ غاتا سر دارک دامعاہدہء کریر کہ ہر سال ناظم وڈپٹی گورنر آف بمپور نانیام اٹ اسہ سیسی اوڈ ہی اس المی مرے۔ کرمان ناگورنر جنرل ہمو وخت تینا کل و زور و ایرانی بلوچستان ناظم و ضبط آتار کھ و سنجال کن خلک۔

دا سمجھوتہ غان پداسہ سیاسی ۽ ایجنٹ اس ٹھنیر۔ ہر اکہ ہشت برٹش افسر
 آتا پڑک اس سکے۔ وہر ابندغ آک کہ سلہہ بند مرور، او فتنے ایرانی گورنر ۽ ایرانی
 بلوچستان اٹ تنگو ۽۔ ہر اکہ ہموڑے سرچاری ولٹ وپل ۽ تورو۔ ایرانی بلوچستان
 ہر اڑا کہ ایران ناکوزہ نس۔ داڑا اونا دسترسی ۽ 1908ء اٹ چٹنگا۔ و بمپور نا گورنر
 شپ ۽ مہر بہرام خان زور اٹ پلا۔ کل سیمی سمجھوتہ غاک چٹار۔ و برٹش مکران اٹ
 ہڑدے سرچاری و چھاپہ مار جنگ بر جائس۔

1915ء ٹی میر بہرام خان تینا 1400 سپاہی متون اوار، ہر افک توپ
 آتیاں شپ سر، برٹش حکومت آجلہو کریر ولے اونا فوج ۽ مند انا علاقہ ٹی مکران
 لیویز پڑک انا فوجی چھاؤنی پد تمنگ آبیوس کرے۔ او فک 36 بندغ سر، وچندی وار
 او فتنیا توپ آتا مکک اٹ جملہو کننگا، ولے او فک ہمت کریر و او فتنے پدی منگ آ
 بیوس کریر۔

مکران ٹیلی گراف لین

1861ء آن پدچندی معاہدہ غاک ہندامعاملہ غامسر۔ دافٹیٹی گچین واہم
انگامعاہدہ مکران اٹ لین شاعنگکس۔ کل آن مُست جام آف لسبیلہ تون دسمبر
1861ء اٹ (No.IV) اسہ معاہدہ اس مس۔ ہندامعاہدہ ناکنگک آن جام آف
لسبیلہ ۱۰ سال انا 10,000 روپئی کمک تننگاکہ۔ داکمک ۱۰ اودے اونا حکمرانی نانشخ
اٹ لین انارکھ اکن تننگاکہ۔ جنوری 1862ء اٹ چندی معاہدہ غاک میر فقیر محمد
تون کننگار۔ ہرا کہ ہمو وخت ریاست قلات ناپارہ غان کچچ انا نائب گچین
کننگاکس۔ گوادر لین انارکھ کننگک اونا زمواری ٹی بسکہ۔ داکل ۱۰ معاہدہ غاک
ریاست قلات نامنظوری وانڈین حکومت نامون آ 1862ء اٹ کننگاکس۔ دامعاہدہ
غائیٹی دافصلہ ہم کننگاکس کہ دامعاہدہ نار د اٹ خان قلات ۱۶,000 سال انا جتا
تنگوے۔ داڑان بیدس جام آف لسبیلہ ۱۰,000 ۱۰ اونا نائب ۲۰۰۰ روپئی سال
انا تنگوے۔ داخاطر آن کہ اوک تینا تینا علاقہ غائیٹی ٹیلی گراف لین نارکھ ۱۰ ایمانداری
و گچین وڑاٹ کیر۔ و خان داکل انا کماش مروے۔ وایلو او تینا کل زورے لین انارکھ اکن
مون آ دروے۔ اسہ پین معاہدہ اس (No.VII) ہرا کہ ۲۰ فروری 1863ء اٹ
خان اتون کننگاکس۔ ہرانا مون اٹ خان ۵,۰۰۰ روپئی سال انا خراج لسبیلہ و گوادرنا
سیسی علاقہ غاتارکھ اکن تننگاکہ۔ معاہدہ نمبر ۶ نار د اٹ داہم خان انا دوٹی تننگاکس۔

کہ تینا منشانارِ دات امرءِ بندغ اسے عہدہ ایسے، یا جاگہ اس راہی کے۔ مئی 1863ء
 اٹ داپڑو کننگا کہ ریاست قلات اٹ باغیک حکومتی پرمان آتے منگ آن نمون
 مسر، ہراڑان اسہ خلیس اس ودی مس۔ کہ باغیک تو داسہ مون پاش بنگ ء۔
 اوفک پاش آن پاش سرکار و خان ء چلیج کنگ ء۔ ہند اسوب آن انڈین حکومت اسہ
 وار اتون جام آف لسبیلہ ناسال انا کٹیا ء 10,000 آن 35,000 ہزار اسکان
 وڈے۔ دا خاطر آن کہ اوست انا ہب اٹ سرکش آباغی تامون ء تورے۔ و ہمو
 جاگہ نا حالیت آتے سنبھالے۔

دسمبر 1863ء اٹ دافیلہ کننگا کہ کیچ انا نائب ناسال انا کٹیا ہرا کہ
 1862ء اٹ سکے، اوفتے ہموک رسینگور، وداڑان بیدس 10,000 روپی سال انا
 بہرام خان ء پسنی ٹیلی گراف لین نارکھ اکن تنگو ء۔ 1819ء اٹ ہرا معاہدہ
 کننگا سس، ولد 1862ء اٹ نائب تون ہم ہند معاہدہ کننگا سس۔ (No.VII)
 اودے 15,000 اسکان ودفنگا سس۔ دافتے اونا جند و میر بائی خان گچکی ء گوادر و
 باہونا سیم آتے کن تروئی نس، ولے اوفتے دافتے 15,000 ملتوس۔ انتے کہ داود فوک
 آپیسہ غانیٹ داخواجہ غاک تینا سال انا کٹیا ء ودفیسر۔

ہند اسال جام آف لسبیلہ ہم خان انا بر خلاف بغاوت نا پڑو ء کرے۔ ولے
 خان انا فوج آن بائینگ ناسوب آن حکومت ہم اونا دؤ آن ہنا۔ اونا حکومت خان انا
 دوٹی بس۔ داہد اسکان کہ جام ء سال انا 15,000 رسینگوک آپیسہ غاک ہم خان ء
 لین انا رکھ اکن دوبر۔

اگست 1870ء اٹی ہرا پیسہ غاتے قلات ۽ رسینگٹوئی ٹس، اور سینگٹوس و خان تینٹ تینا خزانہ غان 6600 روپئی تینا سپاہی تے ٹیلی گراف لین نارکھ اکن ٹس۔ داڑان بیدس 10,000 روپئی جام آف لسبیلہ ۽ ہم سال انا ٹس، ہرافتے برٹش حکومت ۽ تروئی ٹس۔ مہالو سال انا کٹیا ہرا کہ 15,000 روپئی ٹس، اوفتے خان ۽ سال انا تنگ نا بنا مس۔ دامعاہدہ ٹی چکی تاڑی جنوری 1870ء آن بنا کرے۔ 1877ء اٹی خان جام آف لسبیلہ ۽ اونا حکومت ۽ پدی تنگ ناسلہ خلک۔ ودا فیصلہ کنگا کہ او 1861ء نامعاہدہ نا پابندی ۽ کرو ۽۔ ہرانا پیسہ غاک 15,000 روپئی سرہ۔ ہمو فتے جام آف لسبیلہ ۽ تنگو ۽۔

1881ء اٹی برٹش حکومت 480 روپئی نامالیاتی زرچیف آف چاہار میر مندو ۽ تنگ نا پڑو ۽ کرے، ولے دامعاہدہ غاچ ۽ کاغدی ۽ کارروائی کنگٹو، داڑان مُست جام صاحب ۽ تینا مالیاتی زر آتیاں تروئی مسکہ۔ ہندن اور ماڑہ نالین نارکھ اکن 1883ء ٹی ہرا وخت کہ میر مندو کزیت کرے تو دا زر آتے اونا مار میر یار محمد ۽ تنگ۔ ہنداوڑ داسہ اسہ مالیاتی زر اس میر در محمد بزنجو ۽ ہرا کہ 320 روپئی سر، وندن سڑدار محمد صدیق ۽ 160 روپئی سال انا مالیات دو بسکہ۔

18 جولائی آدا فیصلہ کنگا کہ کچ انا کل مالیات ہمو جاگہ نامکشر وافر آتے تنگ۔ فقیر محمد نامرک آن پدچ مروک آکل ۽ مالیات ۽ سڑدار بائیان و شہداد نانیام اٹ بشنگا۔ ودا زر آن 1980 روپئی آن گڑاس کم ٹیلی گراف لین نارکھ کروک آ سپاہی تے تنگ۔ 1895ء ٹی ہنداوڑ انا معاہدہ اس چاہار و پسنی نانیام اٹ کنگا وکل زر ۽ سیاسی ایجنٹ آتا کمک اٹ بشنگا۔ ولے داوڑ زر بشنگ بے سہب خنگا کہ۔

برٹش حکومت پد آن داپیسہ غاتے 1899ء ٹی کیچ و پسنی و چابہار ناسال انامالیات ۽ براہ راست چیف آف ایران ناٹیلی گراف لین ادارہ ناپارہ غان تننگ نابناء کرے۔

ہمو وخت کیچ انامالیات ۽ سڑدار شاہ عمر گچکی و عبد اللہ خان گچکی ہر اکہ کیچ انانائب نسکے۔ بریر بشخنگا۔ ولے پد آن دافصلہ کننگا کہ داپیسہ غاک ولدا بشخنگر۔ 2260 روپئی میر مہراب خان گچکی و میر شاہ قائم گچکی ۽ تننگے۔

1899ء ٹی اسہ پین معاہدہ اس (No.XXV) کننگا، میر محمود خان پسنی ٹی تعینات کننگا، ہر اکہ پسنی ناسیم آٹیلی گراف لین نار کھ اکن نسکے، داہمو معاہدہ نس ہر ادے کہ اونا باوہ میر بہرام خان تون کننگا سس۔ ہر اناسوب آن میر بچار خان چیف آف کمیٹی ناچ مروک آمالیات آن 520 روپئی مالیات او فتننگ ناپاننگا، ودا اوڑان نمین مس۔

1907ء اٹ اسہ ٹیلی گراف لین اس پوروس۔ ہر ادے کہ کراچی آن نوکنڈی اسکان تالان کننگا سس۔ اونا رکھ اکن ہر مالیات آتے تروئی نس، اوفتیان بھاز کم تننگا۔ مالیات ناگراف اٹ پاننگا سس کہ 800 روپئی سال اناپیسہ توہان ناقبالی چیف ۽ تننگ۔ ولے دائک ۽ ایلو معاہدہ غائیٹی اوار کننگتو۔

ٹیلی گراف لین نامالیات

شیف تروک آچارٹ اٹی ہمو سرجم آک ء، ہرافتاسلہ خلنگا سس۔ ہرا کہ
ڈائریکٹر آف انڈین ویورپین ٹیلی گراف ادارہ ناپارہ خان مکران ناسر زمین نابابت
شین تنگانے:

#	سرڈار آتاپنک	سالانہ مالیاتی زر	ایرانی لین انامالیات	جم زر
1	جام آف لسبیلہ	8,400 1,200	6600	15000 1,200
2	میر مہراب خان گچکی میر عبدالکریم گچکی میر شے کریم گچکی	2260 1130 1130	 1,980	 6500
3	میر بچار کلٹی معتبر پسنی	520	480	1000
4	میر در محمد بزنجو	320		320
5	سرڈار صدیق	460		160
6	سرڈار مراد جان گچکی		400	400

200		200	شاہ نواز خان	7
200		200	ملک دینار نوشیر وانی	8
4000		4000	نواب حبیب اللہ	9

ہندن اسہ پین معاہدہ اس (No.IX) و (X) 1869ء اٹی ایرانی چیف
 باہو و دشتیاری ٹی ہموڑے ٹیلی گراف لین ہرا کہ کچج آن چاہار اسکانء، اونارکھ
 اکن تعینات کننگا سس۔ ہند اسوب آن 1000 روپئی نامالیات تننگا سس۔ ہرا کہ
 پد آن 3000 روپئی کننگا سس۔ ولے گڑ اس ویل آتا سوب آن جنوری 1911ء
 ٹی ہند مالیات نازرء ولد ابشنگا، ہرا کہ داوڑاٹ نسر:

سر دار سید خان گئی... 1000

علاقائی کماش آتے کن..... 1000

اسہ زڑ اس بمبور نابندغ آتے ہم تروئی نُس ہرا کہ 400 روپئی نُسکہ

دانا کل مالیات 3000 روپئی نُسکہ

1924ء اٹ ہنداوڑ لین نارکھ کروک آتی علاقائی شانزدہ کماش آتے

سالانہ مالیاتی دوس ہرا کہ داوڑاٹ:

سر دار حسین خان... 1000 روپئی

میر یعقوب خان... 500 روپئی

میر نگدی خان... 1600 روپئی

پنچ علاقائی متبر آتے... 500 روپئی

ہمو جاگہ ناعلاقائی وگڑ اس خاص انگابندغ آتے کن... 400 روپئی تننگا
کل مالیاتی زڑ... 3000 روپئی

1920ء آن ہلیس 1924ء اسکان باہو و دشتیاری ناعلاقہ نامالیات آک دا
وڑ بر دل مر سا کریر:

میر صاحبان آف باہو... 600 روپئی

میر احمد خان آف باہو... 400 روپئی

میر دین محمد آف دشتیاری... 500 روپئی

میر ڈراخان آف دشتیاری... 500 روپئی

کل مالیاتی زڑ... 2000 روپئی

دافتا مالیاتی زڑ یکم جولائی 1926ء اسکان بدل مر سا کرے۔ متکن آکر کی
پٹیء اسہ وار ولد اجوڑ کننگا، 1917ء ٹی اسہ پوسکن ء ٹیلی گراف لین اس جوڑ کریر،
ہرا کہ باہو و دشتیاری آن گدرینگ کہ او فتا ضلع شادی کور، سنٹ سرو چاہار آن
گدرینگ، داہر توم آ ضلع غا تا مالیاتی زڑ انا بشخ آک داوڑا ٹی ء:

میر صحابہ خان باہو... 500 روپئی

میر احمد خان باہو... 500 روپئی

میر دین محمد دشتیاری... 500 روپئی

کل زڑ 2000 روپئی نسر

ہڑتوم آ ضلع غامٹی جاسک نا علاقہ ء 840 روپئی مالیات تننگا سس،
 1816ء غان ہند اپارہ غارا اہم نپ لین تالان کننگا۔ ہند اسوب آن اوفتے 2000
 روپئی تننگا۔ اسہ توات تو چیف مکران اٹ تعینات کننگا سس، دافتا سرجم داوڑا ٹی ء:
 سڑدار سید خان نامرک آن پداونا مار حسین خان... 400 روپئی

اسلام خان نامرک آن پداونا مار کچی خان... 200 روپئی

میر برکت... 300 روپئی

محمد خان... 200 روپئی

دین محمد... 200 روپئی

اشرف خان نامرک آن پداونا مار صوبہ خان... 200 روپئی

احمد خان... 200 روپئی

مصطفیٰ خان... 200 روپئی

میر ہوتی... 100 روپئی

دازڑاٹ ہر سال 100 روپئی ودفسا کرے، ولے 1919ء اٹ میر فکری
 خان نامک اٹ دامالیات ء 30 نومبر آن پد بند کننگا۔

ستمبر 1940ء اٹ ایرانی ڈائریکٹر دا پوسکن آ ٹیلی گراف نارکھ اکن
 تعینات کننگا سس، اونا زمواری سکھ کہ او قلات ولسبیلہ نانیام اٹ امن ایمنی اتے،
 ہند اویل آتا سوب آن برٹش حکومت و پنجاب حکومت ناپارہ غان اودے گڑاس
 خاص واکداری ہم تننگا سس۔

ریاست لسبیلہ جتوئی کرک بلوچستان نابارواٹ درو کر یس، ہر اکہ اصل
 اٹ جہاندم اٹ جھالاوان ناڈویشن وسویل اٹ عربین سور دیر اٹ نسک۔ دانادے
 ٹک اٹ کھیر ترنا علاقہ نسک، ہر اکہ سندھ اسکان تالان نسک۔ ودیکی ٹی مولہ ناشاخ
 اٹ کب انا علاقہ نسک۔ داناداسہ ناتاریخ تارمہ ٹی ڈوکوک نس، ولے وخت اس کہ
 سکندر اعظم تینا قیامت شاغوک آشکر تون داریاست ناسویلی علاقہ 325 مسٹر مسیح
 ٹی سفر کر یس۔ ہند اخاطر آن اونا تاریخ ولد انوشٹہ کننگا۔ ہفتمیکو کرن اٹی وخت
 اس کہ بدھ ازم تینا عروج آن نسک۔ ولے منہ وخت آن پد اونا پجاریک چپ کریر و
 اسلام کاٹم ہر فسا کرے۔ داوخت اونا کاٹم ہر فنگ نا اولیکو سیڑھی نسک۔ ولے گوجر،
 رنجاء، گویکا، ہر اکہ ہفت قبیلہ غاتون اوار موسر۔ اوک اینو ہم لسبیلہ ناعلاقہ غانیٹی
 آباد، اوک ہموڑے تینا اسہ جتاء حکومت اس جوڑ کر یس۔ اوک تینے جیلانی
 خاہوت جاموٹ قبیلہ غان پاریرہ۔ و عرب قریش ہم پاننگارہ۔ ہر اناسوب آن اوفتا
 متبر و میر آتے جام انا خطاب رسیگا، ہر افتا تعلقداری ہند علاقہ غان نسک۔

دالین انا اولیکو چیف علی خان اول نسک، دافٹے ”کاتوزی“ پاریرہ۔ و تینا
 کمک و ہمت اٹ 1742ء اٹ تینے داہند اسکان سر کرے، اوڑان پد اونا جند
 1765ء اٹ غلام شاہ بے سہب کرے و اونا جاگہ غاکوزہ کرے۔ ہندن 1776ء
 اٹ میر خان اول تون 1818ء اٹی علی خان دوئم جنگ کرے و اودے کنگ آن پد
 اونا جاگہ ہلک، کل آن مُست جام بنگ تون دا جاگہ خان قلات آن جتا کنگ آن
 پدمون آبس۔ و تینے خان انا بریر اتنگ خواہسک۔ ہند اسوب آن اونا گڑ اس سپاہی
 ہموڑے لٹ و پل کریرہ۔ ولے قلات جام دوہم میر خان نادور اٹ اوڑتوں اسہ

معاهدہ اس کرے۔ معاہدہ غابا قاعدہ ہڑتوم آتا دستخط آک ساڑی ء۔ ہراڑا کہ قلات
 ناسر دار آک خان خدائیداد خان ناخلاف جرگہ ٹی مخالف فریق ء زیات وونٹ تسر،
 ہندن 1830ء اٹ میر خان دوئم و علی خان دوئم سر سہب مسر، وبھاز کوشست آتیان
 پد خان قلات آن جتا مسر۔

داحوال نارداٹ 1868ء اٹ گڈکیو تفریق ایسر مس۔ ہراٹی کہ اسہ بھلو
 بشخ اس جھالاوان نابراہو نیک تین پہ تین ناسیوت اٹ خان قلات نا حکومت ء یلہ
 کریر، داتفریق آن پد ریاست اٹ ہرا بندغ آک خان اتون دشمنی کریر۔ خان
 قلات اسہ فوجی ء دستہ اس اوفتا خلنگ کن راہی کرے، اوفتا جند برٹش حکومتی علاقہ ء
 تینا پن آہلوک ء مورچہ اس جوڑ کرے، داڑے برٹش حکومت ء وارڈو بس تو او خان
 اتون اسہ پین معاہدہ اس کرے کہ اودا آسراتی نامون اٹ ہر سال برٹش حکومت ء
 8000 روپی مالیات ایوے۔ گڑا دانا بدل اٹ برٹش حکومت ریاست قلات نامعاملہ
 غامٹی تینا نیام تمپروء، دامعاہدہ غان پد جام تینا حیثیت ء نزور خنا، وبے وس مس۔ منہ
 وخت اکن کراچی آرسنگا۔ ولے قلات و خان اتون اونا بغاوت برجا سلوک نس۔
 ہندا سوب آن اودے علاقہ بدر کریر، اوفتے حیدر آباد آ راہی کریر۔ و ہموکان
 اودے پونا غامون تسر۔

1874ء اٹ اونا مار حیدر آباد آن نرا، ولے اونا رنداٹ پٹ و پول کروک
 آ بندغ آتا سوب آن او پدی بیلہ غابس و ہموڑے مسہ سال حکومت کرے۔
 1877ء اٹ او بے وس مس، میر خان دوئم آن معافی ہلک، اودے اونا متکن آ
 عہدہ غالیس۔ میر خان دوئم تینا عہدہ غابنگ تون اونا و اونا مار انا نیام اٹ چکی تاڑی نابنا

مس۔ اونا مارانا پین حاجی خان نس، و اودے ولد الملک بدر کننگا۔ اودے سبی ٹی ہمو
 وخت اسکان بندی کریر ہر اوخت اسکان کہ اونا باوہ کزیت کتویس۔ میر خان دوئم
 1888ء اٹی کزیت کرے۔ اونا جانشین جھیرٹی مس۔ ولے گڑاس شرت آتیا علی
 خان ء اونا جانشین امنا کریر۔ و اودے 1889 ٹی جاگہ تننگا۔ (No.XVII) علی
 خان سوئم جنوری 1896ء اٹی کزیت کرے اونا جاگہ غا اونا بھلامار کمال خان بس۔
 ہر اوخت کہ کمال خان تینا عہدہ غاسک، اودے گڑاس شرت آتیا (No.XXII)
 ہر اکہ کل انا اہم انگاشرتی عمل سک کہ پنج سال آن پداوتینا کل اختیار آتے تینا ادارہ
 و تینا وزیر تینی بشوئے۔ ہر افٹے انڈین گورنمنٹ گچین کروئے۔ 1901ء اٹ داشرت
 آتینی گڑاس بدلی اتنگا انتے کہ (No.XXVI) معاہدہ ناوڑاٹ داسہ اسہ جام اسے نا
 گرج سک کہ او اے جی جی ء رپورٹ ترسا کے، و اونا ماتحت کاریم کے۔

کمال خان ء تینا عہدہ غان استیفہ تروی تماہر اناسوب آن اونا مینگل آستون
 جنگ سک، جنگ اناسوب مینگل قبیلہ ناسہ نیاڑی سے نابے سوب طلاق تننگ سک۔
 اوڑان پداونا بھلامار اونا جانشین جوڑ مس۔ او جام غلام محمد ء تینا دربار اٹ پیش
 کرے۔ و پڑواس کرے۔ ہر انارد اٹ اونا غیر موجودگی ٹی وزیر اعظم ریاست
 قلات ء چلیفنگ چاہوئے۔ 1925ء اٹ اودے ہنداخہ بیوس کننگا کہ او تینٹ تینا
 اختیار آتینی کمتی اتے۔

لسیبدہ نا کل علاقہ 7132 مربع کلومیٹر ء 1921ء نامردم شماری نارداٹ
 ہمو جاگہ نا آبادی 50696 و سالانہ مالیات 3,3,000 روپی سک۔

داوخت ریاست نا عسکری کچ کم مرسا 130 بندغ سلیسو سس۔ ولد اہم دا
 معاہدہ نارداٹ پک کننگا سس کہ انڈویور پین ٹیلی گراف لین ہندا کان گدرینگو و
 دانار کھ اکن ہر سال 16200 روپئی جام صاحب ء تننگ۔

خاران

خاران ناسر دار آتے شاہی دربار مسٹیکو ساروانی صف آتا حقدار پاریکہ۔
 اگہ خاران ناتاریج گونڈینگے تو دافتا بنگ ناحوال نے ہود میکو کرن اٹی دوبریک۔ دانا
 بند اوی تعلقہ اری ایرانی صوبہ کرمان آن پاننگانے۔ نوشیر وانی چیف ہرا کہ تینے
 علاقائی وڑاٹ کل آن بھلا ملک خاندان ناپشت آن پارہ، ہر افتا بارواٹ معلوم مسنے
 کہ اوفتا حکومت ایرانی اوغانستان و قلات اٹ مسنے۔ داہیت ء شاہدی اٹ کننگ
 کہ نادر شاہ خارانی داسکان کرمان ناباتی نا وڑاٹ پندار ء شخصیت اسے ولے نصیر خان
 اول دافتنے قلات نادرست چیر اٹ ایس۔ ہرانا سوب آن دافتا اسے ایلو تون پشت
 درپشت جنگ آک مسر۔ ہندن خدا سیداد و آزات خان اسے ایلو تون کسپی وخت
 اسکان جنگ کریر۔ آزات خان تون ہمو تم اوغان عسکری واکداری ہم سکہ 1884ء
 ٹی اسے اے جی جی اس خاران نادرہ ء کرے ہموڑے آزات خان و خدا سیداد خان نا
 خیال آتے بنگ و اوفتا نیام اٹ خیر کرنے۔ ہرانا سوب آن آزات خان ء خان
 قلات نادر بار اٹ مسٹیکو صف انا درجہ رسینگا۔ ہرا کہ ساروانی سر دار نائس، او
 اودے دولس۔ دامعاہدہ غا آزات خان ء 6000 روپی مالیات سالانہ دولس۔ وپاننگا
 کہ دافتنے او تینا قوم و قبیلہ غا خرطچ کروء۔ 1885 اٹی وخت اس کہ آزات خان
 کزیت کرے تو او نا جاگہ غا او نامار نوروز خان ء او نا جانشین جوڑ کریر۔ ہرا معاہدہ کہ

آزات خان توکننگا سس ہمو معاہدہ اونا مار اتون ہم کننگا۔ 1909ء اٹ ہراوخت کہ اوکزیت کرے پد آن اونا جاگہ غا اونا مار یعقوب خان جاگہ غا توس، ولے بھازو اودے اونا الہ مار امیر خان مرک انا گواچی کرے۔ اوڑان پد اونا بھلامار حبیب اللہ خان ہراوے کہ 1919ء ٹی سڑدار بہادر نا خطاب ملا سس اونا جاگہ ۽ سنبھالا۔ 1921ء اٹ اودے نواب نا خطاب دولس، واوینا حکمرانی نابناء کرے۔

1909ء اٹ محمد یعقوب خان اسہ معاہدہ سے آ دستخط کرے (No.XXI) دامعاہدہ ۽ او انڈین حکومت تون کرے۔ سڑدار بہادر حبیب اللہ خان نادور 19 ستمبر 1911ء اسکان چلینگسا کرے ولے خاران ناسڑدارک خان انا مدت وکمک اٹ تین کن اسہ جاگیر اس پنجگور اٹ خدا آباد نا علاقہ ٹی جوڑ کریر۔

خاران نا پورا علاقہ 18565 مربع میل واونا آبادی 1921ء نامردم شماری نارداٹ 27737 نس۔ خاران نا بھلا بخش ریگستان نسکہ۔ ہندن ہمو وخت ٹیلی گراف لین خاران آن گراوک ولد گشت نا علاقہ اسکان جوڑ کننگا سس۔ وہمو جاگہ ناسڑدار ۽ سالانہ 4000 روپئی مالیات دانارکھ اکن تننگا کہ۔

بولان پاس

بولان پاس ناہد اوایل آتے او نامرغن وپتن انگا علاقہ نابارواٹ وخت اس ہم سہی پانگتے، دانا بنا جہاندمی رندلی ناکنج آن ہلیس کچھی نامیدان آن دراز نامش تیان گدرینگسا دشت انا میدان آتسکان تالانء۔ سنڈ یمن نا اولیکو وار بلوچستان آ بنگ نا وخت آ خان و اونا قبیلہ غاتا نیام اٹ جنگ انا وخت آ بولان پاس ء بند کنگا س۔ دادے اسہ وار ولد اوپاری مسخت کن یلہ کنگا۔

داڑے ہر اکہ لیویز تا نما سئندہ خاک سسرہ اسہ معاہدہ سے نارداٹ دا علاقہ ء برٹش حکومت نا دوٹی تنگا و سالانہ 30,000 روپی خان ء تنگا۔ وگڑ اس زرہمو جاگہ ناسر دار آتے ہموڑے کاریم نابدل اٹ تنگا کہ و ہند اسر دار آتے دا ہم اختیار تنگا کہ او فک ہمو جاگہ نار کھ اکن ہروڑ انا کاریم کنگ کیرہ۔ ولے دانا مون اٹ خان ء رندلی ٹی نظر بند آنبار تنگا۔ و اونا حق جوئی ء کر ساہنارہ۔ 1894ء اٹی ہمو جاگہ غاتے انگریز کوزہ کرے ویتناریلوے لین کن بولان پاس اٹی جاگہ جوڑ کرے ولے 1884ء ٹی گڑاوا زباب ء مچ کنگ ء یلہ کرے۔

ہند حکومت نابندغ آک بولان پاس انا خرٹک آگڑ اس ڈغار تیا کوزہ کریر ہراڑے کشت و کشار منگ کریکہ، ہموڑے کشت و کشار ء بنا کریر، ودا جاگہ نا دا علاقہ نامالیات ء ہم برٹش حکومت تینٹ ہلنگ نابناء کرے ہراوڑ کہ 1883ء نا معاہدہ ٹی

فیصلہ کننگا سس کہ کل کٹ و کمائی برٹش خزانہ ٹی جمع مریک۔ داڑان پد وخت اس کہ ہموڑے معدنیات پیش تما تو او فک ہندافتیا ہم ناروائی اٹ کوزہ نابناء کریر حالانکہ داریاست ناملکیت نسر اوڑان پد انگریز خان اتون معاہدہ کرے کہ داڑان اخس کہ معدنیات پیش تمور دافنامالیات خان قلات ۽ ر سینگو ۽۔ دامعاہدہ غا عمل کننگ آن برٹش حکومت ۽ نسحان مس۔ تو برٹش حکومت خان ۽ مالیات تننگ ۽ بند کرے۔ تو خان آف قلات اوڑان پد تینا ریاست ناحیثیت اٹ متکن آ حساب کتاب نابناء کرسا متکن آ معاہدہ غاتا وڑاٹ تینا سلوک آکل مالیات آتا خواست ۽ کرے۔ ہر افنتے تننگ برٹش حکومت کن نامکن نس۔ ولد انگریز بولان پاس انا کل ۽ زر آتے مچ کریکہ ولے دامالیات آتے خان سالانہ بجٹ اٹ ترسا کریکہ۔

سبی ایجنسی (مری بگٹی ناقبا ئلی ریاست آک)

دا قبیلہ غاک سبی ٹی شمال انا پارہ غا ہراڑے کہ کوہ سلیمان نا چر جوئی ختم
مریک ہموڑے تین کن جتاء ریاست اس جوڑ کریسر۔ ہراڑے سویلی علاقہ مری تا
نسکہ وجہاندی علاقہ بگٹی تائس۔ ہرا کہ صوبہ بلوچستان نا کل آن دلیر آقبیلہ پاننگارہ۔
مری تیٹی چار شاخ دن کہ گزینی، لوہارانی، شیرانی و بجارانی ہندن بگٹی تیٹی ہم گڑ اس
قبا ئلی شاخک پیروزی، نوتانی، درگ نوتانی، کاپور، مسوری، مندرانی، شمیانی و راہیجا
قبیلہ غاک پنی سر۔ ہمو جاگہ نا چیف مالیات ہلتو کہ ولے اوفا چیف ریاست نا امرء
علاقہ سے ٹی ہنوسس تو ہمو علاقہ نا بندغ آک سڑدارء اسہ میٹل اس یا اسہ ہیٹ اس
مہمانی ترہ۔

دا ہڑتوم آقبیلہ غاتا تاریخ داسکان پیدوار اف۔ مری تابارواٹ پارہ کہ
حسنین و کوہان آن سرہ او بگٹی قبیلہ بلیدی کاٹم آن پاننگرہ۔ دافک تینا ریاست اٹ
غربی و بزگی ناسوب آن گیشتری لٹ و پل کریرہ۔ ہندالٹ و پل اناسوب آن اوفک
تینا تینا علاقہ غاتا سیم بندی نا بناء کریر ہمو وخت دا ہڑتوم آقبیلہ غاک برٹش حکومت نا
نظر اٹ بسر ہمو وخت اولیکو اوغان جنگ چلینگا کہ اسہ چنکور دینک اسے آن خان
اوغان سیم آتیا کوزہ کرے۔ اونچ تو اسکان دافتے گھیر کرے۔ واراوار داڑا جلمو ہم

کرے۔ قلعہ ۽ ہمو وخت یلہ کننگا ہر اوخت کہ دودا خان ۽ یلہ کننگا۔ 1845ء اٹ
چارلس نیپئر بگٹی تا بر خلاف اسہ مہم اس بنا کرے و تینٹ کھیتراں تا پارہ غاہنا۔
اوڑان پد ہڑتوم آقبیلہ غاتا نیام اٹ اسہ بھلو کشت خون اس بنا کرے۔ ولے اوڑان
پد گڑ اس معاہدہ کننگا۔ اوڑان پد جنگ جھیرہ ناویل آک ایسر مسر۔ ہڑتوم آقبیلہ
غاتے خان انا پارہ غان 1845ء نامعاہدہ نارِ داٹ مالیات ملسا کریکہ۔ ولے 1859ء
اٹ خدا سیداد خان مری قبیلہ تون ولد اچکی تاڑی نا بناء کرے ہندا سوب آن
1862ء اٹی اسہ پین جنگ اسے نا بنامس ہندا اوڑ چندی بندغ آک بندی مسر۔
1864ء اٹ پنجاب نا اختیار دار آک بگٹی قبیلہ غاتے تینا دوٹی ہلنگ کن او فتنے تینا
ادارہ غایٹی بھرتی کننگ نا بناء کریر۔ پنجاب نا اختیار دار آک سڑدار آستون ڈغار آتا
مفت ہل و تس نا بناء کریر۔ ہندن سیمی علاقہ غاتیا آبادی تالان کر سا وقتون گچین ۽
سیالی گنڈار۔ ولے دا پالیسی بے سہب مس۔ دانا مون اٹ او فتنے قبائلی سڑدار آتیان
نارا ضکی دوس ہر افتنے دا کل اختیار ۽ تنگتویس۔ ہندا سوب آن سندھ حکومت اسہ
پوسکن ۽ پالیسی اس او فتامون آتالان کرے کہ دا قبیلہ غاتا سیمی علاقہ غاتے سیم
آہیٹی اوار کننگے و دا فبادل اٹ قبائلی سڑدار تے گڑ اس زر تنگے۔

1867ء اٹ سنڈیمین ۽ ہموڑے راہی کننگا، و اصل اٹ دا پالیسی ۽
سندھیک پیش کریر، ولے داسنڈیمین ناجوڑ کروک اس سکے۔ داٹی برٹش حکومت نا
پورو کمک ہم اوار سکے۔ ہندارِ داٹ راجن پور اٹ اسہ ڈل اس خواہفنگا، دا فتنیٹی
کھیتراں، مری، بگٹی قبیلہ غاتا سڑدار و او فساہکار آک ہم اوار سر۔ بھاز ہیئت و
گپ آن پد دا فیصلہ کننگا کہ مری بگٹی قبیلہ غاتا دہ سپاہی خان قلات نار یاست اٹ

سلفنگ۔ وینچ بندغ سیمی علاقہ غائیٹی وگڑ اس بندغ پنجاب ناسیم آتیا سلفنگور۔ ولے
دا قبیلہ غاک سندھی تیا مروک آجلہو آتے تو تنوس، ہرانا سوب آن سیم آتا حالیت
خراب مس۔

فروری 1871ء اٹ اسہ دیوان اس مٹن کوٹ پنجاب وسندھ انانیا مٹ
مس، داپچی ٹی او فک قبیلہ غاتا جلمو کنگ ناتذکرہء کریر وچی نا آخر اٹ دافصلہ کنگا
کہ داقبیلہ غاتا واگ وکاٹم خواجہی حکومت نادوٹیء۔ ہنداسوب آن دافتے لغام
خلنگ کن اسہ سیاسی سپرنٹنڈنٹ اس سندھ اناسیم آتیا سلفنگے، داخاطر آن کہ اوسیمی
علاقہ غاتا جاجے کنگ کے۔ ہندن برٹش حکومت اسہ ڈپٹی کمشنر اس ڈیرہ غازی خان
سیم آتیا سلفے داخاطر آن کہ ہمو جاگہ نا حالیت دوٹی برے، و ہر مالیات ء کہ داقبیلہ
غائیٹی بشخنگا کہ ہر افتا کل زر 32040 روپئی نسر۔ پکار دادے دازر ء ہندا قبیلہ غاتا
چھاپہ مار آئیٹی بشخ و بانٹ کنگے تو داڑان سندھ و پنجاب ناسیم آتیا من تینٹ بروء۔

دازر ء کہ سالانہ تننگ انگ ء، پکار دادے کہ داخان اناپن آمریر،
1871ء اٹ خان اناخلاف اسہ پوسکن ء بغاوت اس کاٹم ہر فنگ ء شروع کرے،
ہندا وخت آگڑ اس پین ویل آک ہم مون آبر۔ دافتیٹی مٹن کوٹ ناویل آتا
کاروائی ء توننگ ہم اوار نس۔ ہراٹی کہ بگٹی قبیلہ غاتے کل زر ء تننگ نا جاگہ غابیرہ
5520 روپئی تننگا۔ ہندن ریاست اٹ چک و تاڑ ناویل آک ہستین تالان مسر۔
ہندن دابد امنی 1875ء اسکان چلینگا۔ اخیر خان قلات فیصلہ کرے کہ پنجاب و
سندھ اٹ اسہ جتا ء وڑ اس جوڑ منگ کیک، و داوڑ اٹ کل قبیلہ غاتے ہمو جاگہ غا

توروی مریک ہراڑے کہ ڈیرہ غازی خان ڈپٹی کمشنر ناما تحت نسر۔ ہندن اوپورو مری بگٹی طائفہ غاتا کماش مروء۔

نومبر 1875ء اٹ برٹش حکومت سنڈیمین ء مشی آباغی تا پارہ غاراہی کرے کہ اوباغی تتون خیر کے واوفتے پدی ریاست اٹ اوار کے، داجوانی تے برٹش حکومت سنڈیمین نامک اٹ بولان پاس انا ثواب اٹ و بولان پاس انا رکھ اکن کریکہ۔ سنڈیمین براہوئی پاروک آقبیلہ، و بگٹی، مری تاچیف آتے خان انا دربار اٹ پیش منگ کن منے۔ ولے داہیت گپ آک وداچک و تاڑ سر سہب متو۔ انتے کہ داسہ ہمہ موڑے لٹ و پل منگ نُس۔ سنڈیمین 1876ء اٹ ارٹمیکو مشن کن قلات آراہی کننگا۔ ہرانا سوب آن اوجیکب آباد معاہدہ (No. XII) نارداٹ خان قلات و اونا باغی سڑدار آتا نیام اٹ اسہ سر سہب ء فیصلہ کننگ نُس۔ داڑان پد 1875ء آنبار مری، بگٹی قبیلہ غاتے سال انا مالیات تننگا، و اوفتا معاملہ غاتے خان انا دوئی تسر۔ ہندن فروری 1877ء اٹ بلوچستان ایجنسی حکومت ناجوڑ منگ اسکان مری، بگٹی تا تعلق اٹ خرکی اوار تماس۔ بگٹی قبیلہ غاتا وڈول اٹ بدلی بسوس۔ ولے مری قبیلہ ناچندی کماش آک دافصلہ غان نمین نسر۔ گڑاس واقعہ غاتا سوب آن ہراق 1880ء ٹی مسوسر۔

داخبر ء بنگ تون اسہ وار ولد اسرکشی ولٹ و پل نابناء کریر، و ہرنائی لین ء اگست 1880ء اسکان پلسا کریر برٹش سرکار بے وس مس، اسہ دستہ اس لشکر نا ہمہ موڑے لٹ و پل کروک آتے توننگ کن راہی کرے، ہندا سوب آن مری تاچیف مہر اللہ خان مری و کریم خان مری حکومت ناشرٹ آتے منار معلوم مس، کہ داہمو

لٹ ویل کروک آ بندغ آک ء، ہرافک چھاپہ مارلٹ پل کروک آتاپن اٹ پنی
 نسر۔ دافک قافلہ غاتا خزائنہ غاتے پلارہ دافتا تعلقہ اری مری قبیلہ تون نسک۔ داڑان
 بیدس او فک 20,000 ہزار روپئی ڈنڈ تینا لٹ پل ء پورو کنگ کن خلکو سر۔ اسہ ڈل
 اس برٹش سرکار خان انا پارہ غان مری ریاست ہرند آراہی کنگا و مری قبیلہ ناپارہ
 غان داڈل ء پریفنگ کنگتو، ہنداکان مری تتون گچین آتعلقہ اری نابنامس۔ قبیلہ
 غاک ہندا معاہدہ غاتے منار، و فیصلہ کریر کہ داڑان پد ہچ ء ویل اس ودی کروئی
 اف۔ اوسنتی چاگڑ داٹ زند ء گدریفنگ ء بنا کریر۔ و مری قبیلہ ء سہی وخت آوفا
 مالیات دو بنگ نابنامس و دامالیات نابدل اٹ اوفتیان کاریم ہلنگا۔ ولے مری ولدا
 سوتری ٹی ہل غل نابناء کرے و 1896 ء اٹی یانزدہ بندغ ناخون ء کرے۔ داڑان پد
 ولد اجنگ بنا کرے۔ و 1898 ء اٹی داجنگ چٹل۔ ہراوخت کہ مری سڑدار تینا گڑاس
 سنگت آتون اوغانستان آہنا۔

1917 ء اٹی اسہ وار ولد ادویل آک کاٹم ہر فیر، داڑان پد اقبیلہ مون پہ
 مون بغاوت نابناء کرے۔ اونا بندغ آک 1918 ٹی لیویز چیک پوسٹ آتیا جھو
 کریرہ ولین ء ماس آن کشارہ۔ داڑان پد کوہلو گمار نانام اٹ سندھ پشین ریلوے آ
 چندی وار جھو کریر۔ برٹش سرکار سبی ناسیاسی ایجنٹ ء ہندا معاملہ غاتا جاج ء ہلنگ کن
 راہی کرے کہ ہموڑے انت حالیت ء، او خنا کل ء کسرتے مری باغیک بند کرینو۔
 ہراڑان برٹش سرکار ء بھاز نسحان مسنے او گبازی ناخڑک آہڑی قبیلہ ناسہ لشکر اس
 ہرا کہ مری تتون اوار نسر، جھو کریر۔ ہراڑان بھاز نسحان مس۔ داڑان بیدس مری
 تامون ء کھیترانی لشکر ہم تورے۔ دانا بدل اٹ بھس مروک آسرکاری پلٹون کوہلو،

بارکھان، بغاؤ و پورٹ منرو و اوفا گور و بیوار ناعلاقہ غاتا خزانہ غامٹی لٹ و پل نابناء کریر ہر اوخت کہ اوفا مالیات یتنگ آن اسل نممن مسرتواسہ جنگ اس مامند تا علاقہ ٹی بنا کرے، دا اسہ بھلو جنگ اس نس۔ ہرائی کہ مری قبیلہ نابندغ آک سلہہ بیٹر، و حکومت ناشٹرت آتے منار و نسحان زر ہم اوفتے تروئی مس۔ و اوفتیان کل سرکاری توقک و سلہہ غاتے پدی ہلنگا۔ ہرافتے اوفا برٹش حکومت تون مزاحمت نا وخت آپلاس۔ واسہ جاگہ اس کہ مریک ایئر پورٹ ۽ بھس کریسر، او خرچ ۽ ہم اوفتیان ہلنگا۔ اوفتے زور اٹ گاڈی تیکن کسر جوڑ کنگ نا ہم پانگا ہر اکسر ۽ کہ برٹش حکومت ۽ ریاست اٹ جوڑ کروئی نس۔

داجنگ آن کل ریاست اٹ، قبیلہ و علاقہ غامٹی اسہ چپی اس تالان مس، ہر اوخت کہ تیل انامڈی سڑدار مہر اللہ مری نادور اٹ 1885ء اٹی دوس، تو برٹش حکومت مری سڑدار تون اسہ معاہدہ (No. XVIII) اس کرے، ہر انا رداٹ معدنیات آتیا خالی سرکار ناحق مروء۔ سرکار خالی قبیلہ ۽ اسہ خاص ۽ مالیات اسے نازر تروء۔ ریاست اٹ انت کہ معدنیات ودی مروء سرکار اوفتے کشوے۔ و خالی سرکار اوفتا خواجہ مروء۔ ولے دا معاہدہ ۽ انڈین سرکار 1927ء اٹ منسوخ کرے، دا منسوخی نابھلا سوب مری تمندار نامری علاقہ ٹی تیل ودی مننگ خبر ۽ انڈین حکومت آسر کنگ نس۔ اوران پد انڈین حکومت دا معاہدہ ۽ منسوخ کرے۔

ستمبر 1928ء اٹ انڈیا برمہ ٹی تیل کمپنی ناگور زرجزل کونسل ۽ بگٹی قبیلہ تون اسہ معاہدہ اس کنگ نا پارے او بگٹی قبیلہ ۽ حکم تس کہ اوفا ریاست اٹ دا تیل کمپنی ۽ تیل اناپٹ و پول کنگ ناموکل ایتر۔ ہندن دا معاہدہ تمندار محراب خان

توں مس۔ ولے وخت اس اویتنا شڑت آتے او فامون آتالان کرے گڑا ستمبر
 1928ء اٹ دا کمپنی ہم داڑے کاریم کنگ آن نمون مس۔ ہمو وخت بگٹی تمندار نا
 سڑدار بہادر نواب محمد محراب خان نس۔ ہرا کہ تینا باوہ شہباز خان ناکزیت آن پد
 1917ء اٹی اتنگا سس۔ اودے سڑدار بہادر خان نا خطاب ء 1900ء اٹی ملا محمد
 تسوسس، ولے او فتا جندی و خاہوتی خطاب نواب نسکہ۔ او مری تمندار خان بہادر
 محمد مہر اللہ ناسنگت نسکہ۔ مری سڑدار مہر اللہ خان 28 جنوری 1925ء اٹ تینا باوہ خیر
 بخش مری نا جاگہ غا سڑدار مس۔ اودے سڑدار ”بہادر خان“ نا خطاب 1827ء
 اٹ دوسوسس۔ داہڑتوم آقبیلہ غاک سبی ٹی سیاسی ایجنٹ ناما تحت نس۔ دا ایجنٹ نا
 کاریم کل ء قبیلہ غاتے تینا دوٹی ہلنگ و تینا دو انا کیرغ آن تحاسس۔ دا فنیٹی مری
 قبیلہ مروسس یا بگٹی قبیلہ، داہڑتوم آقبیلہ غاتون او فتا ہمسایہ قبیلہ لورالائی و پنجاب نا
 مخلوق نا تعلق داری جوان آلو کہ۔

مری ریاست نامریس 3,392 مربع میل و بگٹی تا علاقہ نامریس 3,876
 مربع میل نسکہ۔ و داہڑتوم آ علاقہ غاتا آبادی 1921ء نامردم شماری نارداٹ
 37,024 نسکہ۔

برٹش بلوچستان اونا علاقہ غاک

برٹش بلوچستان بلوچستان تحصیل آن چمن اسکان تالان سکے۔ ہر اکہ پشین نا ضلع غاتیان تحصیل سبی وشاہرگ ہر اکہ سبی نا ضلع ٹی اوارے، ایلوپارہ غان دکی ہر اکہ لورالائی ایجنسی نا شیخ اسے، ہندن شوراک ضلع ہر اکہ چاغی نا شیخ اسے۔ دافک، کوٹہ نانیات و نصیر آباد بولان پاس و نوٹکے ہم داڑتون اوار سکے۔ لورالائی ناگڑاس شیخ و خالی تحصیل دکی آن بیدس توب اناکل ء علاقہ چاغی نا جہاندی علاقہ غائیٹی سنجرائی ریاست بیرہ تحصیل شوراک آن بیدس، مچ آ علاقہ برٹش بلوچستان پاننگ۔

پشین نا ضلع سبی تینا علاقہ غاتا کل ء حلقہ غاتے تلجوٹی و ہرنائی آن دکی و شوراک نا علاقہ غاتے ایجنٹ ٹودی جنرل و اونا کمشنر افسر آتاماتحت برٹش بلوچستان اٹ اوار کنگا، وخت اس کہ 1887ء اٹی دا کل ء علاقہ غاک امیر اوغان نادوٹی سرہ، ولے ہندا سال اوغانستان اٹ جنگ بنا کر یس۔ ہندا خاطر آن برٹش حکومت ہندا علاقہ غاتے تینا دوٹی ہلک۔ و کوزہ کرے۔ ہندن گنڈامک معاہدہ (Xllatghan see vol): نارداٹ مئی 1879ء اٹی دا فیصلہ کنگا سس، اونا رداٹ دا کل علاقہ غاک برٹش حکومت تون مرور۔ ستمبر 1879ء اٹی وخت اس کہ اسہ وار ولد ا جنگ بنا کرے، و داوار دا جنگ خان یعقوب خان ناہنگ و حکومتی واکداری نا امیر عبدالرحمن ء تنگ آ ایسر مس۔ اودے سختی اٹ پاننگ کہ دا علاقہ

غاک وخت اس اوغانستان علاقہ غاتا بشخ مسنو، ولے داسہ دا علاقہ غاک برٹش حکومت نادوٹیء، ہرافک 1887ء اٹی برٹش حکومت انڈیاتون اوار کننگاسر، اوفتے کانودی وڑاٹ برٹش حکومت صوبہ ناوڑاٹ اوار کر لیسر۔

لورالائی ژوب و چاغی ناعلاقہ غاک

بوری ژوب انا دامان ہر اکہ جہاندی ہرنائی و تل چوٹی آن گدرینگ، ولے برٹش حکومت ناوخت آ ژوب انا کا کڑ قبیلہ چکی تاڑی نابناء کرے و برٹش سرکار اوفتے توننگ کن اسے لشکر ناستہ اس مون تس ہر اکہ شاہ جہان ژوب انا سڑدار تون سوگو و سخت رشتہ غاتا سوب آن راہی کننگا سس، داعلاقہ ٹی جوان و گچین انگا سڑدار، سڑدار شہباز خان ء کننگا کہ، اسے معاہدہ اس (No.XV) ہر ادے 1884ء اٹی کننگا سس، ژوب انا خواجہ تون سلاہ سوج آن پد بوری و موسیٰ خیل نا علاقہ غامٹی برٹش حکومت نالٹ و پل ء توننگ کن اسے دستہ اس پین راہی کننگا۔ ولے دادستہ ء شاہ جہان و اونا چیف کماش ء ژوب و بوری نا مخلوق و برٹش سپاہی تانیام اٹ خیر کننگ کن راہی کریر۔ ہندن داڑان پد 1887ء اٹی اسے برٹش دستہ اس لورالائی و بوری نادامان تیمی راہی کریر، دا خاطر آن کہ اوفک سیمی آکسر ڈیرہ غازی خان و پشین ناعلاقہ غاتار کھ ء کیر۔

ہندا سال کھیترا نی قبیلہ ہر اکہ تل چوٹی و پنجاب ناعلاقہ غامٹی آباد نس، اوفتا قبائلی سڑدار آک ریاست بلوچستان ناما تحت وخت گدرینگ کن تیار نسر، ہندا سال شاہ جہان و سیف اللہ حکومت ریاست نامون آکا ٹم ء شیف کریر۔ ہندن سرکار اوفتے اوفتا اراتیا اوفتا خلق آتیمی آخبتی وڈرہینگ ناموکل تس۔ داڑان بیدس سڑدار

شہباز نابے وڑ آتب اناسوب آن اوڑان اوناکل اختیار آتے پلنگا وشاہ جہان نابھلامار
شین گل نادوٹی تننگا۔

1888ء اٹی سڑدار شہباز خان، شاہ جہان، شین گل خان و ژوب انا
حکمران آک اوار مرسابرٹش حکومت آن خواست کریر کہ ژوب و بوری ناعلاقہ
غاتے برٹش حکومت اٹ اوار کننگے۔ 1889ء اٹی وخت اس دافصلہ کننگا کہ ہمو
جاگہ ناسہ پاس اس ہر ادے کہ گول پاس ناپن تننگا سس دادے ملنگ ناعلم تننگے و
ژوب حکومت نامنائی اٹ اسہ سیاسی ء ایجنٹ اس ہم ہموڑے تننگے ہراڑے کہ او
ہمو جاگہ ناحالیت آتے دوٹی ہلے ہند اوڑ داکل علاقہ غاتا اختیار آک ہند سیاسی ایجنٹ
تون مرور۔ ہراٹی کہ بوری، کھیترا نی ریاست و موسیٰ خیل ناعلاقہ غاک اوار نسر۔ دا
علاقہ غاتیان جتاشیرانی ریاست و زامرانی ہوت آک جعفر آباد، کارشانی و پین چندی
جاگہ غائیٹی دن کہ سلیمانی مشی آچر جوئی بنا مریک ہرا کہ ژوب و پنجاب نانیام اٹ
اریر، 1903ء اٹ بوری دامان بارکھان، موسیٰ خیل، تل چوٹی (دکی) تحصیل
سنجرانی تحصیل داکل ء اوار کر سا اسہ ضلع اس جوڑ کننگا ہرافتے کہ لورالائی
ڈسٹرکٹ ناپن تننگا۔

کابانی ہند و باغ ناریلوے لین ء 1917ء ٹی جوڑ کریر۔ ہندالین ء ہند و باغ
آن سنڈیمین ناقلعہ ء ہرا کہ ژوب انا دامان ناخرٹک آئس 1929ء اٹ اوڑدہ کر سا
پورو کریر۔ 1890ء اٹی انڈین گورنمنٹ دافصلہ کرے کہ ہرا کسر کہ گول دریاب
آن ڈور تانیام آن ژوب علاقہ غان گدرینگ دادے ہند قبیلہ غاتا گڈکیو سیم جوڑ

کننگے، ودا جہاندم دے ٹکی سیمی علاقہ غاک بلوچستان حکومت نا اختیار اٹ مرور۔ (پد
آن پنجاب حکومت دافتنے مناسس)۔

1893ء اٹی ڈیورنڈ معاہدہ غان سنجرانی ریاست و دسا کرے۔ اوڑان پد
چاخی ریاست بلوچستان اٹ اوار کننگار، دانا سیمی علاقہ غاتیا سرجمء کاریم 1896ء اٹی
مس، واسہ کسر اس کہ ہچ آتیکن جوڑ کننگا سس دادے ہم 1897ء اٹی جوڑ کننگا،
ہرا کہ کوئٹہ نوٹھکے و سیتان نانیام اٹ جوڑ کننگا سس، ہندا دے تیٹی کوئٹہ غان
نوٹھکے ناریلوے لین اس 1905ء انا خرٹک آتیٹی ملار۔

نوٹھکے نادا و د فوک آریلوے لین ہرا کہ دزدپ اسکان فروری 1919ء
اٹ سر مسوس داریلوے لین آتا بناء باقاعدہ 1921ء اٹ کریر۔ داڑان بیدس
احمد وال ناٹخ ہرا کہ دالبندین تولگ دادے اکتوبر 1919ء اٹ ملار۔ 1926ء اٹ
شورہ داماں ہرا کہ کوئٹہ ضلع ٹی اسہ سیاسی ء ایجنٹ اس ٹس، و چاخی ٹی توسکہ اونا
ماحت کننگا سس۔ ہندن نوٹھکے چاخی و دیکی سنجرانی ناریاست آتے بلوچستان اٹ
مئی 1929ء اٹ اوار کننگا۔ 1890ء نابنائی گول پاس ء بارگاہ شیرانی ٹی اوار کننگ
بارواٹ ہیٹ گپ کننگا۔ ہرانا سوب آن اوفتے کاریم کننگ نامون اٹ (No. XIX)
معاہدہ ناوڑ وڈول اٹ 7680 روپی نامالیات سالانہ تننگا۔ ولے 1891ء اٹی
اسہ پین معاہدہ سے ٹی بارگاہ شیرانی ء ریاست بلوچستان ناماحت کننگا، ہرا کہ ژوب ء
داڑتون گندا کہ۔ داکاریم ء انڈین گورنمنٹ ناکاٹم خواجہبی ٹی کننگا و ہندا سال دا قبیلہ
غاتے اولیکو وار مالیات تننگ نا پڑو ء کریر۔ و اوفتے سختی ٹی پاریر کہ ہر کس تینا تینا
مالیات آتے جمع کے۔ 1894ء اٹی شیرانی اوفتا ہیٹ ء اسہ شرت اسے آمنا کہ اوفتا

سیم آتے ود فبو۔ ہندن 1895ء اٹی بار گاہ ولار گاہ شیرانی نانیام انا سیم ۽ ہرا کہ دیکی جہاندی سیم نس، ناصوبہ ناوڑاٹ ہڑتوم آپارٹی تاسلاہ اٹ (No. XXI) نامعاہدہ نا رداٹ جوڑ کننگا ہندا سال ہڑتوم آقبیلہ غاتے 4200 روپئی ڈنڈ کننگا داڈنڈ ۽ او فنتے لکیوینٹ اوم (Languent home) واواناسنگت آتاخون بدل اٹ کننگا۔

1902ء انا چکی تاڑی ناوخت آبار گاہ ناشیرانیک تینا بادشاہی ناقلعہ ۽ یلہ کریر ہندن دا جنگ ہمو وخت پین زیات مس ہرا وخت کہ ارباب فرید خان وایلو اسسٹنٹ کمشنر ہرا کہ ریاست شیرانی ٹی اوار نسر اوفتاخون کننگا۔ 1897ء اٹی اسہ پین معاہدہ اس (No. XXIV) منظور مس۔ دامعاہدہ غاک سلمان خیل وگیلازئی نا نیام اٹ مسر۔ دامعاہدہ ژوب انا ضلع ٹی مال داری آخراج تننگ آخلنگا کہ او فک داسہ تینا مال ۽ برٹش سیم آتسکان دنگ کیرہ۔ دامعاہدہ اوفتاشرافت و گچین رویہ نا سوب آن اوفتتون کننگا ہندا سوب آن دا علاقہ غاتیٹی چھاپہ مار بندغ ہم راہی کننگتو دانا بدل اٹ دافنتے سالانہ 1550 روپئی مالیات تننگا کہ او فک دامالیات ۽ زیر سر پاریرہ۔ ولے ہمو جاگہ نا مخلوق مال داری نازی آخراج آتیاں بیزار مسوسس ہرا فنتے کہ پنجاب ناسیمی افسر آک اوفتیاچیٹی کریر۔ دامعاہدہ 1898ء اسکان ہندن چلینگا۔ داخراج آک ہمو وخت اسکان چلینگار ہرا وخت کہ انڈین گورنمنٹ 1923ء اٹ داخراج آتے ٹی اسہ بخش اس پین ود فے یعنی دو کچ خراج ہلنگ نا آرڈر کرے ہرا کہ دیکی جہاندی سیمی بلوچستان نا علاقہ غاتیاں ہلنگا کہ۔

1918ء اٹی کھیتراں ہرا کہ لورالائی ضلع ٹی اوار نسر او فک مری تیا ظلم و زیاتی نابرخلاف مری تتون اوار مسر ولے دا بغاوت ۽ زوچٹنگا اسہ دستہ اس سپاہی تا

ریاست مری ٹی پترینگا، وکبار ۽ پدی کوہلو بار کھان نا پارہ غادھکہ تسرو کھیتران قبیلہ
غاچندی ڈنڈ آک بیٹ کننگار۔

1919ء و 1922ء اٹ لورالائی ۽ ژوب انا علاقہ ناہیڈ کوارٹر جوڑ کریر
ہر اکہ سنڈ یمن قلعہ غان ژوب داماں اسکان تالان نس۔ ہموڑے اسہ فوجی دستہ اس
ہم تعینات سکھ۔

1919ء و 1922ء نانیام اٹ وخت اس کہ اوغانستان اٹ حالیت خراب
مس، اوڑان پداوفا گڑ اس بے ڈول آگام گچ آتا سوب آن ژوب آن لورالائی ضلع
غائی واورار آچندی جہو آک کننگار وچندی بغاوت آک بنا کریر۔

برٹش حکومت تون بلوچ معاہدہ خاک

1839ء اٹ خان قلات مہراب خان و برٹش حکومت نانیم اٹ معاہدہ خاک:

دامعاہدہ خرک و دوستی نارداٹ برٹش حکومت خان قلات مہراب خان شاہ شجاع الملک و اوفا جانشین آتانیام اٹ مسوس۔ دامعاہدہ شاہ شجاع ناپانگ آ مہراب خان و اونا بروک آنسل و منوئی تمک، خان و تینا وعدہ غاسلوئی تمک ہندن اگہ خان تینا قول آسلیس تودامعاہدہ مدامی بر جاسلو۔ ہرانا اہم انگائک اک داوڑاٹی۔

(1)۔ مہراب خان و اونا مارک مدام شاہ انا فرمانبردار مرور، قلات، گچک، کوہستان، مکران، بیلہ و سوہین پورٹ احمد شاہ درانی ناما تحت مرور واسہ معاہدہ سے نارداٹ اودا کل و ریاست آتا کمادار مرو۔

(2)۔ برٹش حکومت وخت اس ہم خان انا تہہ انا معاملہ غائیٹی و اونا علاقائی ویل آہیٹی نیام تمپرو۔ اودے شاہ نواز فتح خان تون تینے اڑفوی اف وئے مابت زئی خاندان ناسہ بندغ اس اوڑان تنک مرو و لے گرج انا وخت آ اوفا کمک کن ہنگ کیک، اگہ وخت اس شاہ و خان انا نیام اٹ اسہ ویل اس ودی مس تو برٹش حکومت مسمیکو فریق ناحیثیت اٹ داویل و چٹنگ ناکوشت کیک ہر اڑان کہ شاہ ناراض مف و خان انا حق ہم خلنگ۔

(3) - برٹش حکومت خراسان اٹ تعینات مروء ہراوڑ کہ معاہدہ مسوس برٹش حکومت دانا مون اٹ مہراب خان ء دو نیم لکھ روپئی کمپنی ناپارہ خان ایتک ودا مالیات نازر ء برٹش حکومت ہر سال خان ء ایتک۔

(4) - داڑان بیدس خان ء ہموکل آسودہیک ہم دو بروہر ہرافتا کہ خان قلات ء گرج مروء گڑا دانا مون اٹ اودے شاہ و برٹش حکومت تون سنگتی و دوستی ء برجا تنخوئی مریک۔ اودے تینا سپاہی تادمت و کمک اٹ کسر آتارکھ و خیال ء کروئی تمک، ہرا کہ شکار پور آن روزن و ڈھاڈر آن بولان پاس و شمال آن کچلاک اسکان یعنی اسہ سیم آن ایلو سیم اسکان مرو، ہرا کہ سڑک آتین سڑک اسکان کاہک داکل اونا زمواری ٹی بریرہ۔

(5) - برٹش حکومت نا کل گاڈی تے ہر صوبہ غان ہرا کہ خان ء پانگانو، خواہن گانوتو بیدس اڑفنگ و خلیس آن ہموکان گدرینگ کیرہ۔

(6) - ہرا وخت اسکان کہ مہراب خان برٹش حکومت تون سنگتی کروء ہمو تم اسکان اودے ہروڑا نا کل آسودہیک دو برسا کرو اونا صوبہ غائیٹی اونا حکمرانی برجا سلوے۔

دامعاہدہ ناخواننگ و نوشتہ منگ آن پد لیفٹیننٹ کرنل الیگزندر برنس و گڑاس لٹننٹ جارج لارڈ بیکن GCB و گورنمنٹ جنرل انڈیا و خان قلات مہراب خان نا دستخط و مہر خلنگ آن پد کل ء اسہ اسہ معاہدہ نا کاپی تننگا۔

دامعاہدہ قلات اٹ مس، و دے 28 مارچ 1839ء اٹ، محرم ہجری 1255ھ نس۔

A. Burnes.....

قلات کن سفیر

خان قلات نصیر خان و انڈین حکومت نانیا مٹ معاہدہ

(1841)

- مہراب خان نامار نصیر خان دوہم برٹش حکومت و شاہ شجاع الملک نامون آ
انڈین سرکار نا حاکمیت ء امناکرے اوڑان پداو فک داوڑ انا معاہدہ غاتا کمک اٹ
نصیر خان ء قلات ناسروک کماش امناکریر۔
- (1) نصیر خان تینے ویتنا قوم ء شاہ کابل ناتا بعدار منے و او نا بادشاہی ء قبول
کروئی تمک۔
- (2) ہموکل ریاستی علاقہ غاتے ہرا کہ مہراب خان دور اٹ پلنگا سر ہموکل
ہرافتیشی کہ گچک، مستونگ، شال، نصیر خان، شاہ شجاع الملک آن پدی ہلسا تنگور۔
- (3) اگہ وخت اس گرج مس تو شاہ شجاع الملک ریاست قلات اٹ تینا منشانارد
اٹ ہر جاگہ چھاؤنی جوڑکننگ کیک وداکاریم ء خان ء خوشی اٹ منوئی تمک۔
- (4) نصیر خان یا او نا جانشین آتے ہروخت دربار اٹ برٹش حکومت سلاہ سوج
اٹ اتیک۔
- (5) پوریا گرتار کھ اناز موار نصیر خان مروء ہرا کہ انڈس دریاب آن ایلو جاگہ
اسکان و سوردیر اسکان اگہ کس اسے ہنوئی مرے یا کس اس ہنگ خواہک تو او دے

خان انا حکومت اٹ ہیج تکلیف اس مفروء داڑکن برٹش حکومت نصیر خان ء انصاف اٹ راہ داری ایسا کیک۔

(6) نصیر خان و اونا جانشین آتے سختی ٹی پارت کننگا سس او فک برٹش حکومت و شاہ شجاع الملک ناموکل آن بیدس ہیج پین ملک اسے تون خرک و رابطہ کننگ کپور۔ خان کل معاملہ غامبی برٹش حکومت، انڈین حکومت و شاہ تون ضرور رابطہ کروء ولے تینا ہمسایہ ریاست آتون ہل و تس کننگ کیک۔

(7) اگہ وخت اس نصیر خان ریاست اسے آجلہو کرے تو برٹش حکومت ریاست قلات تون سلوے۔

(8) میر نصیر خان، شاہ نواز خان تو تینا تعلق داری تے گچین وڑ اسے ٹی مون آ دروے داڑکن برٹش حکومت اودے مالی کمک تننگ ناشکر گزار مفروء ریاست ناکل ء (چیف) کماش آتے برٹش حکومت ناما تحت رہینگوئی مریک و ریاست ناہروڑ انا فیصلہ غامبی برٹش حکومت آن سلاہ سون ہلنگ المی مروء۔

دامعاہدہ قلات اٹ 16 اکتوبر 1841ء بمطابق 20 شعبان 1252 ہجری ٹی کننگا سس، و داڑے گورنر جنرل انڈین کونسل ناکماش بنگال اٹ پورٹ ولیم 10 جنوری 1842ء اٹ دستخط و مہر خلکو سس۔

T.H. Maddoc

Sec India

نصیر خان و برٹش حکومت نامیجر جان جیکب و گورنر جنرل آف انڈیا
 نانیا م اٹ دامعاہدہ 1854ء اٹ مسوسس۔

ہژدہ میکو کرن انانیا م اٹ دامعلوداری دوی مسوسس کہ برٹش حکومت
 و خان انانیا م اٹ اسہ پدین ء چکی تاڑی و بدخواہی ناویل اس و دی مسنہ، و و دنگ ء۔
 ہر افٹے توننگ کن معاہدہ منگ المی ء۔ ہر اناسوب آن دامعاہدہ خاک کنگار، ہر اکہ
 داوڑ و ڈول ائی ء:

(1)۔ دامعاہدہ برٹش حکومت و نصیر خان نانیا م اٹ 16 اکتوبر 1841ء اٹ
 کنگاسس۔

(2)۔ دانا بنداوی سوب میر خان نصیر خان و اوڑان پد اونا جانشین و برٹش
 حکومت نانیا م اٹ اسہ ابدی ء دوستی و سنگتی اس جوڑ کروئی ء۔

(3)۔ دامعاہدہ خان پد میر نصیر خان ء داہیت انا پابند مروئی تمک کہ او برٹش
 حکومت نادشمن آتا بر خلاف برٹش حکومت تون سلوئی تمک و بیدس برٹش حکومت
 ناڈہ مننگ آن تینا ہمسائے ملک آتتون ہچ ء رابطہ اس کپرو ء، و لے او تینا سنگت آتون
 خط و کتاب ناچر جوئی ء بر جاتخنک کیک۔

(4)۔ اگہ وخت اس برٹش حکومت ء تینا سپاہی تیکن ریاست قلات اٹ ہستین
 چھاؤنی جوڑ کنگ ناوار رینگا۔ تو او خان ناواری ٹی چھاؤنی جوڑ کنگ کرو ء۔

(5) نصیر خان و او ناجا نشین آتیا دافرض کننگا کہ لٹ وپل انا کل گڑا تے برٹش حکومت نامون آتالان کرو، و برٹش حکومت شاہ اوغان ناپارہ غان راہی کروک آ پوریا گر آتا ہروڑانامدت و کمکء کرو، و ریاست قلات ہر کرک ء ہر وخت کاریم اٹ اتنگ کیک۔ اسل کہ اوسندھ انا کرک مرے یا مکران نا کرکی آکسرک۔ اوفتیان بچ ء خراج اس ہلنگپروء۔ ولے اسہ پن کروک ء زڑا اس سال انا خان ء کرکی کسرتا کاریم اٹ اتنگ کن تننگ۔

(6) اگہ نصیر خان و او ناجا نشین آک دامعاہدہ غاتا ٹک آتیا ایمانداری کریر تو برٹش حکومت دا گڑا نا پابند مروء او ہر سال پنجا 50 ہزار روپئی خان قلات ء مالیات ایتوے۔

(7) اگہ دانیام اٹ خان قلات نصیر خان یا او ناجا نشین آک دامعاہدہ غاتیان اسہ معاہدہ سے آن ہم نممن مسرتو برٹش حکومت اوفتے سال انا مالیات تننگ آن بے نصیب کروء و اوفتا سال انا مالیات ء بند کروء۔

دامعاہدہ مستونگ اٹ 14 مئی 1854ء اٹ کننگا سس، ہراڑا میجر جان جیکب، سپرنٹنڈنٹ آف سندھ انا دستخط و مہر خلنگا سس۔

ٹیلی گراف معاہدہ ناسرجم، ہر ادے کہ جام آف لسبیلہ، 21 دسمبر 1861ء اٹ برٹش حکومت تون کریس۔

برٹش حکومت ٹیلی گراف ناکاریمء مون آو دنگ کن سبفنگ نا بناء کرے کہ ٹیلی گرافء برطانیہ غان ایلو بھلا ملک آتسکان دن کہ یورپی وایشیائی ملک آتسکان دنگے و ہندامک آتے ہم ہندالائن اتون اوار کنگے، تو اوقاڈ ڈول نارد اٹ داڑکن بغداد آن ایران و ولد ابلوچستان آن کراچی و اوڑان گڈ دالائن جہانی کہول اسکان تالان منگ کیک۔ ولے داڑکن و دالائن انارکھ و جوڑ جاڑکن اسہ بھلو کچ اسے نابھاز گرج مریک۔ ہنداخاطر آن بمبئی ناکمشتری حکومت میجر ایف جے گولڈ سمتھء خاص وڑاٹ ہنداکاریم کن راہی کرے کہ اوکراچی و گوادرناریاستی حکمران آتے داہیت آمنے کہ اوک دالائن نارکھ اناحق اٹ کاریم کنگ کن سنبرینگوک مریر۔ کرکی علاقہ غاتیاہرا کہ حب دریاغان کوشکلات و اونا داپار ایپار آن 240 میل انابی کل علاقہ و جام میر اناسلطنٹ اٹ بریرہ، اوقتابت چیف آف لسبیلہ میجر گولڈ سمتھء دابارواٹ معلومدار کریس۔ ہنداکاریم نامون اٹ برٹش حکومت تینار فیک خان خداسیداد خانء قلات ناچندی علاقہ غاتاسرکڑہ (کماش) مناکہ۔ ہنداکاریم نامون اٹ خان صاحب اوقامت و کمک آتے کن، و ایلوپارہ غان جام میرخانء جوڑ جاڑکاریم تیکن گچین کرسا اودے اسہ معاہدہ سے منفنگ

کن بے وس کرے ہر اٹی کہ لائن انارکھ و جوڑ جاڑ ناٹک آک اور سر دامعاہدہ ٹی
داوڑ اناتک آک اور سر:

- (1) لائن آتا تعمیراتی گڑاتے کر کی علاقہ غاتا ہر جاگہ غاتخنک مر یک، حب و
کوشکلات نانا میکو علاقہ غاک داڑتون اور ء۔ و دانا کل ء کاریم ء دانا رکھ ء علاقائی
بندغ آک کرور و دافامون اٹ اوفتے اسہ کچ انا تنخواہ اس ہم دوبریک۔
- (2) داٹیلی گراف لائن انا ارا اسٹیشن مرور ہر اٹی کہ اسٹ اس سومرین و
ارٹمیکو اور ماڑہ مروء۔

- (3) کل بندغ آتے دالائن اٹ کاریم اٹ اتنگو ء ہموجاگہ نالائن انارکھ اناہمو
جاگہ نا حکومت زموار مروء داڑان بیدس ہموجاگہ نابندغ آک تینا کاریم تینا ڈیوٹی ء
است اناہب اٹ کیر، وبھاز زودا کاریم بنا کروء وبھاز زوپورو کننگو ء و اوفتے داکاریم نا
مون اٹ گڑاس زر ہم دوبریک دن کہ دانا ذکر مہالو ہم کننگا س۔

- (4) سال انا دہ ہزار مالیات سیاسی ایجنٹ نامک اٹ جام آف لسبیلہ ء ہم
تننگ۔ اودا بھلاڈ ڈول ء گچین ء وڑاسے ٹی چلیفو ء۔ و جام انا زمواری ء کہ اوہمو
جاگہ نابندغ آتے روزگار ایتے ہر اکہ دالائن انارکھ اکن سنبرینگوک اریر۔ و مدام
ہر وخت ایلو بندغ آتے ٹیلی گراف لائن انارکھ اکن گرج انا رداٹ بھرتی کر سا
کاہے۔

- (5) اگہ وخت اس دامحسوس کننگے کہ حکومتی کاریم تیٹی کمی بیشی مننگ ء تو
برٹش حکومت مسٹمیکو فریق اسے ناحیثیت اٹ تینا سیاسی باسک آتے راہی کیک و

اگہ مالیاتی ویل اس مرے تو برٹش حکومت جام آف لسبیلہء اونا مالیات آتیان محروم
کیک۔

(6) ہر سال انا مالیاتی فنڈ کہ جام ء رسینگا کہ ہمو زر آک اودے ہمو وخت
ر سینگور ہر اوخت کہ اوٹیلی گراف لائن ء پورو کرور، ودانا مون اٹ او فتنے پورا ایوزو
مالیاتی زر دو بروء۔

(7) قلات ناسیاسی ایجنٹ اسہ مزدور اسے ناخلاف ہم ہیج ء غاوا اس بنپروء او فقا
ہیت ء بس مجسٹریٹ وکمانڈنٹ آفیسر بنو ء ہر اکہ کراچی ٹی ٹولک۔

(8) اگہ کس معاہدہ غان نممن مس یا معاہدہ ء توننگ نا کوشت کرے تو دا
معاہدہ ہمو وخت تونگلو ء او فقا خلاف سخت کارروائی کننگک۔

دامعاہدہ ہمو پڑک تانیا م اٹ کننگا ہر افقا ہیت زی انا ستر آئیٹی کننگانے
دافقا منظوری ء بمبئی نا حکومت تینٹ تسوسس دانا منظوری ء گورنر جنرل آف انڈین
کونسل 19 اگست 1862ء اٹ تسوسس۔

فقیر محمد بزنجو و میجر گولڈ سمتھ نانیا مٹ

29 جنوری 1862ء نامعاہدہ

فقیر محمد بزنجو خان قلات نا پرمان نار د اٹ گولڈ سمتھ ہر اکہ اسسٹنٹ کمشنر آف سندھ سکے اونامدت و کمک اٹ کل معاہدہء سرجمی اٹ پانگاس۔ دا معاہدہ ہم ٹیلی گراف لائن نار کھ اکن کننگاس و دا معاہدہ برٹش حکومت نائیجٹ رئیس رحمت اللہ نامون آکننگاس کہ او بجلی ناٹیلی گراف لائن مکران نا کرک اسکان چکے دے ودانار کھ اکن تینا لائح آور نا و نزور انگا کمانڈر آتے تعینات کے ہر ا بندغ آک کہ گوادر بندر گاہ نار کھ ء کننگ نسر، گرج انا وخت آ پین بندغ ہندافتون اوار کننگ کیرے۔

داکاریم تامون اٹ اوفتے پولیٹیکل ایجٹ خان قلات و برٹش حکومت نا پارہ غان سال انا مالیات تننگ داڑان بیدس او فوجی مدت، کمک و وا کداری ء ہر وخت ہلنگ کیک۔

داکل ء خرین انگا ہیت آک دا خاطر آن کننگ انگ ء تا کہ ٹیلی گراف لائن ء کس نسخان تف دا کل ہیت آتا چاغی نانائب زموار مروء و او دا معاہدہ ء گچین ء وڑ اسے ٹی ہند علاقہ غاتا حکمران آتے پہہ کروء، ہر علاقہ غان کہ دالائن گدرینگ۔

دامعاہدہ میجر گولڈ سمتھ ورنیس رحمت نامون آواو فتا واری ٹی 24 جنوری 1862ء
اٹ او فتا دستخط اٹ واد فامہر آتون کننگاسس۔

یاتی:-

فقیر محمد بزنجو نا جاگہ غار نیس رحمت اللہ دستخط کر یس، ولوز گوادر بندر گاہ
نامطلب پور و علاقہ یعنی ہر اتسکان کہ اونا سیمک تالان ء، سکے۔ ودامعاہدہ ء انڈین
گورنر 19 اگست 1862ء اٹ منظور کر یس۔

دامعاہدہ ء خان قلات 1279ء ہجری ٹی یعنی 21 اگست 1862ء اٹ
منظور کر یس۔ ہمو وخت خان قلات خان خدائیداد خان سکے۔ او اسہ افسراس
برٹش حکومت کن شہباز خان ء بلوچستان حکومت ناپارہ غان پن کر یس اونا کاریم دا
نس کہ او برٹش حکومت ء کل ء سیم آتا حالیت آن معلومدار یک ہر علاقہ غاک کہ
برٹش حکومت تون سر۔

اوکل سیم تے اسٹ اسٹ آہراس داڑے اسہ علاقہ غان چاڑدہ علاقہ
اسکان داوڑ میر نصیر خان نامنظور کروک نس۔ شیف دا علاقہ غاتا سرجم تنگانے
ہرا کہ کنا ایلیم و برٹش حکومت و انڈین حکومت نادو آن جوڑ مسنوں۔

- 1- کوہ سیا پلی 2- رنگو 3- مورگو 4- کوکزو 5- آہوہ 6- کابر گولو 7- منگورا 8- جالک
- 9- تنک 10- ہارا 11- کچھرک 12- گوہ کولان 13- شکلو 14- ڈنگ چنگو
- 15- لونڈی 16- گوری

دامعاہدہ 1863ء اٹ خان خدائیداد خان و برٹش حکومت نانیاں
 اٹ ٹیلی گراف لائن، مکران اسکان و دفنگ نابابت مسوسس،
 ہرائی کہ دے ٹکی بشخ، جام آف لسبیلہ ناما تحت مریک و سویلی علاقہ
 غاک گوادر نا حکمران تادوٹی مرور۔

دامعاہدہ غائیٹی دایک آتیا برٹش حکومت نابلوچستان نا حکمران آتون ہیئت
 گپ و معاہدہ مسوسس۔

1- خان قلات میر خدائیداد خان تینا کاٹم خواجہ ٹی ٹیلی گراف لائن نارکھ،
 کروء، و دالائن آکاریم کروک آبدغ آتے تینٹ گچین کروء، ہرا کہ دے ٹک آن
 جام آف لسبیلہ و گوادر ناسیم آتاناں اٹ کاریم کیک۔

2- دامعاہدہ نابابت اٹ برٹش حکومت، اختیار مروء کہ اوٹیلی گراف لائن نا
 رکھ انا خاطر آن ہر جاگہ فوجی چھاؤنی جوڑ کنگ کیک داڑکن کس اودے توننگ
 کپک۔

3- اوٹینا کاریم کنگ کن تینا ساز و سامان تے ریاست ناہر جاگہ غاتخننگ کیک،
 ہراڑے کہ اونا خوشی مرے داکاریم خان انا چاروکی ٹی او فامون آمریک۔

4- دالائن ناجوڑ جاڑ ناکل ۽ گرج انا گڑا، مزور وایلو گڑا تے ہر اڑے کہ برٹش حکومت پارو ۽ ہموڑے کاریم اٹ اتنگو ۽، و خان انا پارہ غان او فتا مخالفت مفرو ۽ ولے ملک انا رکھ وایلو معاملہ غاتا کل زمواری خان انا مرو ۽۔

5- ٹیلی گراف لائن نارکھ و مزور آتا گرج اکن برٹش حکومت سال انا اسہ مالیاتی ۽ زڑ اس خان ۽ ایتک، دازر آک پنچ ہزار روپی مرور۔ داڑان پد خان ۽ ایلو خرچ آتے کن زڑ خرچ کنگ نا گرج مفرو ۽۔

6- دا معاہدہ نار د اٹ خان ۽ تینا مالیات نابارواٹ کل سرجم آتے برٹش حکومت نا گچین کروک آلیجٹ ۽ تروی تمک۔ انتے کہ دا کل زڑ آتے لائن و مزور تا رکھ کروک آتے تننگ و ہراکسراٹ کہ دالائن گدرینگ دا علاقہ ناسڑ دار ۽ دا مالیات دو بریک و خان قلات ۽ عزت و شرف ترساہرا سٹ ۽ کہ دازر دو بریک او نا منظوری خان انا دوٹی مرو ۽۔

7- داسال انا مالیات ہمو وخت دو بریک ہرا وخت کہ کاریم نا پور و جاچ ہنگے ہرا وخت کہ ٹیلی گراف لائن پنجا میل انا مری آسر مرے ہمو وخت مالیات نازر دو برو ۽۔

8- ہروڑ انا معاملہ غائی خد ا کے او خان قلات یا ٹیلی گراف لائن نا کاریم کروک آفسر آتا نیام اٹ مرے او معاملہ غاتے ہمو جاگہ ختم کنگ بلکن دا فتا جاچ ۽ ہنگ کن اسہ ٹیم اس جوڑ کنگے۔

9- اگہ اسہ وڑ انا نسخان اسے نا معلوم داری مرے تو برٹش حکومت ۽ دا حق و اختیار مرو ۽ کہ او کاریم ۽ ہمو وخت آ بند کے۔

پولیٹیکل ایجنٹ / خان قلات 20 فروری 1863

نائب آف کچ اتون 1869ء نامعاہدہ

1862ء نامعاہدہ غان پدہر امعاہدہ خان آف قلات و سڑدار فقیر محمد نایام
اٹ مسوس، دافتا زمواری ٹی ٹیلی گراف لائن نارکھ ہم اوارئس۔ ہرا کہ گوادر
آن بلیس باہونا سیم آتسکان لگ و داکاریم کن اودے 1500 روپی سال انامالیات
ہم رسینگس ایک۔ سڑدار تینا گچین کروک آرا کارندہ ہڑتوم آپارہ ناسیم آتا نگرانی
کن سلفوہ ہرافتے تو انا 20 روپی تننگ۔ داتو والا پیسہ خاک اوفتے ہندا 1500
روپی مالیات والا زرن آن ڈرینگ۔ داتنخواہ اوفتے ٹیلی گراف ناسپرٹنڈنٹ نادو آن
تننگ دامعاہدہ 1869ء نامعاہدہ غانچہ اثر اس شاپک۔

زی آتروک آیادداشت آک 1869ء اٹ نوشتہ کننگاسر و دانوشت
فقیر محمد نادو ٹی تننگاسر و ملاڈڑ اتینادو اٹ دافتے سیل بند کریس۔

چیف آف باہو و چیف آن دستکاری نانیام اٹ ٹیلی گراف لائن آتارکھ انا بارواٹ معاہدہ

سال انا مالیات تار دہر 2000 روپئی کہ سر دافتیان ہر 1000 روپئی ہمو
کل بندغ آتے دو بروء ہر افٹے کرنل گولڈ سمتھ گچین کیک یا حکومتی کمپنی نا گرافکل
چیف ڈائریکٹر گچین کیک۔ نن دین محمد و محمد علی باہو و دستکاری نا چیف انا حیثیت اٹ
ٹیلی گراف نارکھ انا پورا زمواریء ہلنگ کن تیار اُن یعنی ہند لائن ہر اکہ کج و چا بہار نا
نیام اٹ گدرینگ۔

داڑان بیدس نن ہمو کلء پرمان آتے منگ کن تیار اُن ہر اکہ دا جاگہ نا
افسر و مزور تاحق اٹ مرے ونن تینا منشاٹ ہر افسر نا تبادلہء کنگ کینہ ہر اوخت کہ
نن گرج مس ہند افسر آتے 20 روپئی تو انا تنخواہ دو بروء۔

دا معاہدہ بھاز زوتیناز ہمء تالان کنگ نا بناء کرے و سال انا مالیات اسہ
سال اسے نا جاگہ غانیم سال اٹ دو برسا کرے، ہر اکہ کیپٹن رسل و ایلو برٹش افسر
آتا پانگ نار دات رینگارہ و او لیکو قسط 1 جنوری 1869ء نادے تنگا، دا معاہدہ نا بے
سہبی نا بھلا سوب کل مالیاتی زر آن نمں منگ وزرء تو ننگ نس۔

دا معاہدہ نازی آتروک آپنک، میر دین محمد میر محمد علی نانیام اٹ کرنل
گولڈ سمتھ و کیپٹن روس انا اوار ی ٹی دستخط و مہر کننگا سر۔

چیف آف گئی شاہ نصرت و برٹش حکومت نانیا م اٹ ٹیلی گراف لائن انارکھ اکن 1869ء نامعاہدہ

دامعاہدہ ٹی مسہ ہزار (3000) روپئی آمانا کننگا سس۔ دازرانا منظوریء
شاہ نصرت و میر عبداللہ خان ناجنوزان ناساڑی گری ٹی کرنل گولڈ سمتھ چیف
ڈائریکٹر آف انڈوپورپین ٹیلی گراف نانیا م اٹ کننگا سس ہر اکہ چابہار آن سادچ
(Sadich) آن گدرینگ۔

دامعاہدہ ٹی اوکل شرٹ آتا منظوری نارداٹ مزور وافر آتے مننگ و
اوفتے توانا 20 روپئی تننگ ناہم اقرار کریس۔

واگہ شاہ نصرت زی آتروک آ معاہدہ غاتا اسہ ٹک اس ہم پور وکتو، توہمو
وخت ہمومعاہدہ ختم کننگ و ہمومعاہدہ تینٹ چٹک۔ دامعاہدہ نصرت شاہ و نوروز
خان نانیا م اٹ گولڈ سمتھ، کیپٹن روس اناواری ٹی 5 مارچ 1869ء نادے دستخط و مہر
کننگا سس۔

خان قلات تینا مہم نابارواٹ 29 اگست 1870ء اٹ پولیٹیکل سپرنٹنڈنٹ ناپن آ
اسہ چٹھی اس نوشتہ کریس ہرانا سرجم داوڑا ٹیء:

”ہندادوراٹ ای خان قلات میر خدائیداد خان، داہیت انا وضاحتء کیوہ
کہ کنے چٹھی نمبر 4718 خان، 4 اگست 1870ء اسکان کرنل سرولیم میر سوزر کمشنر

آف سندھ انا پارہ غان دو بسو سس۔ ہراٹی ای اعتراف کریٹ کہ ای برٹش حکومت آن 15000 روپی مالیات سال انا ہلیوہ ہرا کہ ضلع لسبیلہ غان گدرینگ دازر آتیاں 6668 روپی میر خان جام ہوت انا دوراٹ تنگاسر۔ و دازر آن 50 روپی تو انا جمادار 500 روپی مشی آ بندغ آتے 20 روپی ہر ہمو بندغ ہرا کہ دافیلڈ آکاریم کنگ، ای کل کاریم نا خرچ آتے و او فامہشون تان شانہ ہی کنگ کن تیار اٹ ہرا کہ کنے بشنگ کن تنگاسر۔

دا معاملہ غاتے پانگ کن ای دا چٹھی نوشتہ کریٹ دا خاطر آن کہ دا معاہدہ نابارواٹ نے معلومدار کنگ کیو ہرا کہ 24 جمادی الاول 1287 ہجری ٹی نوشتہ کنگاسس۔“

ایف جے گولڈ سمتھ

لیفٹیننٹ کرنل

1876ء اٹی برٹش حکومت و ریاست قلات

نانیام اٹ مروک آمعاہدہ خاک

دامعاہدہء اصل اٹ ہمو معاہدہء پوسکن کنگ کن جوڑ کنگاس ہرا 1854ء اٹ برٹش حکومت و میر نصیر خان نانیام اٹ مسوس۔ ہرائی چندی پوسکنء صوبہ جوڑ کنگاس۔ ہراڑان کہ اوفتانیام اٹ سنگتی پین پینگن مسوس۔ و دامعاہدہ دابندغ آتامون آ اوفتانیام اٹ مسوس۔ ہراقتیٹی کہ ایڈورڈ روبرٹ بلور، کے سلار، و کے برناٹ ہرا کہ ہمو وخت وائسرائے نسکہ، و گورنر جنرل انڈیا برٹش حکومت نانمائندگیء کریکہ و خان قلات میر خدائیداد خان آن بیدس ایلو سڑدارک ہم اوارئس۔

- 1- معاہدہ قلات ہرا کہ نصیر خان و برٹش حکومت نانیام اٹ 14 مئی 1851ء اٹ مسوس دادے ولد اول سر آن بناکنگ ناگرجئس۔
- 2- دامعاہدہ غان پد برٹش حکومت و خان قلات میر خدائیداد خان و اوڑان پد اونا جانشین آتون مدام سنگتی رویہء برجاتخننگ۔

- 3- ہرا وخت اسکان کہ میر خدائیداد خان، خان قلات تینٹ و اونا جانشین و سڑدارک آرٹیکل 3 انا معاہدہ ہرا کہ 1854ء اٹ جوڑ مروک آ صوبہ غاتاپاسداریء کرساکیرہ ہمو وخت اسکان برٹش حکومت ریاست قلات ناو تو اچی ناخیالء تحک و

خان و مدت و کمک ایسا کیک ہر اوخت کہ اودے گرج مرے واگہ وخت اس اودے پیش ناجلہو آتا خطرہ مرے تو برٹش حکومت اوڑتون ہم کوپہ سلوک مروء۔

4- داسگتیء مون مستی دنگ کن ہر توم آ حکومت آتانیام اٹ یکطرفہ معاہدہ برٹش ایجنٹ و برٹش حکومت نانمائندگی کن خان قلات ناجرگہ ٹی اسہ باسک اسے نا حیثیت اٹ جرگہ ٹی تولوے ایلو پارہ غان گورنمنٹ آف انڈیا ہم ہند اہیت انا پاسداریء کروئی تمک۔

5- داہیت ہم معاہدہ ناٹخ اس جوڑ کنگا سس کہ ہر اوخت خان آف قلات و سڑدار تانیام اٹ اگہ وخت اس چکی تاڑی یا اسہ بدی اس ودی مروء تو برٹش حکومت و انڈین گورنمنٹ نانمائندہ اوفتانیام اٹ امن و خیر کرک و اوفتافیصلہء کیک۔

6- اگہ وخت اس خان قلات ء تینا یا تینا سڑدار تا علاقہ غاتے برٹش نمائندہ غاتیان جتا کنگ ناخیال برے تو داڑکن دالمی ء کہ اوکل آن مست برٹش حکومت ء ڈہ کے انتے کہ آرٹیکل 4 انارداٹ 1854ء نا معاہدہ غاتارداٹ بیدس برٹش حکومت نارضامندی آن پچ ء پوسکن ء صوبہ اس نئے جوڑ منگ کیک نئے پنگ کیک و جتائی نا تصور خالی ہر توم آ حکومت اتارضامندی ٹی منگ کیک۔

7- دافتنے ہم معاہدہ ٹی اوار کنگا کہ ٹیلی گراف لائن یاریلوے لائن ء گرج انا رداٹ مون آود فنگک ہر اکہ برٹش حکومت نا پارہ غان حکومت اٹ اونا صوبہ غاتیٹی جوڑ کنگک ہر افا معاہدہ غاک خان و برٹش حکومت تانیام اٹ مست آن کنگا سر۔

8- واپاری ویل آتے پورو آجوتی تروئی مریک وپوریا گرتے ریاست قلات نا ہر بخش اٹ پوریا کنگ نا حق مروء داوڑ انا ویل آتیکن برٹش حکومت ہر وخت خان قلات آن مدت و کمک ہلنگ کیک۔

9- داڑان پد خان قلات میر خدا سید اد خان و اوڑان پد اونا جانشین آتے اوفتا کل معاہدہ غاتیا عمل کنگ کن است انا ہب اٹ مالیات تننگ دامعاہدہ نارداٹ برٹش حکومت ء خان و اونا جانشین آتے دامالیات ہمو وخت آدو بریک ہر وخت اسکان کہ اوفک معاہدہ غاتیا عمل کر سا کیرہ۔

10- و برٹش حکومت سال انا مالیات آن جتا 20500 روپئی ہر سال ریاست قلات ء ریاستی معاملہ، واپار و ایلو کاریم تیکن ایتک۔
دامعاہدہ جیکب آباد اٹ 8 دسمبر 1876 اٹ منظور مسوس۔

دستخط و مہر

لیٹن (Lyttton)، وائسرے و گورنر جنرل آف انڈیا

16 جون 1880ء نادے خان آف قلات خدائیداد خان و

برٹش حکومت نانیام اٹ مروک آمعاہدہ خاک

ای میر خدائیداد خان G,C,S,I خان قلات دامعاہدہ ۽ برٹش حکومت
توں منظور کریسٹ، ہرائی ای خان آف قلات داکل ۽ ڈغار ہر اتسکان کہ کنا سلطنت
۽، ای برٹش حکومت ۽ استعمال کن ایٹوہ ہر اڈغار آتیا قندھار ریلوے لائن جوڑ مننگ نا
کاریم مننگ ۽، نئے بیرہ داڈغار بلکہ ریلوے لائن ناداپار ایپار ناڈغار ہر انا مرلیس 200
میل ۽ اوفتہ ہم تنگ اٹ۔ داڑان بیدس ہموکل ڈغار ہر اہر اڑے کہ ریلوے لائن
تالان کننگے، کنا پارہ خان برٹش حکومت کن دایکی کنا سنگتی و دوستی ناشاہدی ۽ ودا
ڈغارک برٹش حکومت نازیر نگرانی ٹی مرور۔ ودا برٹش حکومت ناکانودی کارروائی ٹی
مروء، ولے ای اوفتیان درخواست اس ضرور کیوہ کہ ہمو جاگہ غاتا واپار کروک
آتیان تینا علاقائی سنگ وخراج ۽ ای ہر حالیت اٹ ہلیوہ۔

دستخط و مہر

خان قلات میر خدائیداد خان

8 جون 1883ء اٹلی خان قلات میر خدائیداد خان و

سر رابرٹ سنڈیمن AGG آف بلوچستان

نانیام اٹ معاہدہ دشت

1879ء نامعاہدہ ناختم منگ آبرٹش حکومت و خان قلات نانیام اٹ اسہ معاہدہ اس مس، ہرائی کوئٹہ ناکل نیابت و ضلع غاک برٹش حکومت نازیر دست مرور۔ داسہ خاص و مد و گڑ اس خاص و اکداری تار دات سر، ولے داسہ ہمو وخت و مد پور و مسن، ولے ہرا وخت کہ برٹش حکومت و داند گونڈ محسوس مس تو او ہمو وخت و مد پین مون آدنگ کن اسہ پین پوسکن و معاہدہ سہ نابارواٹ سوچا۔ ودا سوچ اناوڑ و ڈول اٹ داڑان مست بولان پاس آن ہرنائی ناعلاقہ غاتسکان برٹش حکومت کن کسر جوڑ کننگا، اوڑان پداسہ دشت انا علاقہ غاتیکن خواست کننگانے، دامعاہدہ ٹی داوڑ انا ٹک آک اوار و:

1- میر خدائیداد خان و اونا جانشین آتے برٹش حکومت کوئٹہ ناکل و نیابت و ضلع غاتے و تواجہ جوڑ کر ساہمو جاگہ ناہروڑ انا کاروبار و سربر آتا حاکم اعلیٰ منوئی مریک، دامعاہدہ اپریل 1883ء اٹلی مسوسس ہرائی دایک و ہم اوار کننگا سس۔

☆ کہ کل ضلع و نیابت آتے برٹش حکومت ناپارہ غان و تینا AGG و افسر آتا دوئی ایتک۔

☆ دانیابت آتا و ضلع غاتا و اکداری و ایلوکاریم تیکن 31 مارچ 1884ء آن
 خان قلات 25000 روپئی سالانہ مالیات دو بریک۔

1884ء اٹی سڑدار شہباز و ژوب انا ملک،

بوری موسیٰ خیل و برٹش حکومت نانیا مٹ اتقائی معاہدہ

1- دامعاہدہ نارِ داٹ نن یعنی سڑدار شہباز خان ملک دوست محمد، تاجدین، محمد میر جلال زئی، جوگی زئی و کل ژوب انا ملک آک بوری موسیٰ خیلی تینا تینا قبیلہ غاتا سڑدار آک تینے برٹش حکومت ناخذمت اٹ حاضر کینہ، و داعہد و پیمان کینہ کہ بیچ ء قبیلہ اس برٹش حکومت نا افسر آتیا جھو یا لٹ پل کپک۔ اگہ کس دُن ء وڑ اس کرے تو نن اودے ہلینہ و برٹش حکومت نادوئی ایتنہ۔

2- نن سڑدارک و چیف آف ژوب شاہجہان سڑدار خیل ء ژوب حکومت ء تنگ نا سُل حق اٹ افن۔ بیدس برٹش حکومت آن معلومداری ناہمو وخت اسکان کہ شاہجہان و اونا ایلو سگت و سیو تیک پوروڑ اٹ برٹش حکومت ء تینا کل خیال آتیاں معلومدار کپس۔ ہمو وخت اسکان اوفتیا بیچ بھروسہ اس کننگپک و داوڑ انا خواست خالی سڑدار شہباز خان کننگ کیک یا کہ جرگہ نا گیشتری ہرا کہ ژوب اٹ ساڑی ء۔

3- نن ژوب انا ملک آک و بوری نا کماش آک منہ کہ نن مسہ تو انا تہٹی 20,000 روپی ڈنڈ انا زء ادا کروں ہرا کہ برٹش حکومت نا افسر آتیا جھو کننگ و اوفتا ساز و سامان تالٹ و پل انا سوب آن نن آتخنکاسر۔

- 4- نن موسیٰ خیل نالک آک تیناڈنڈ انارزء ہر اکہ 2000 روپئی تنھگانے، خن تیٹی داززء مسہ توٹ برٹش حکومت ء ایتون ہر افتنے ننے آبرٹش حکومت ننے آبرٹش کیمپ انالٹ پل جلموکننگ ناسوب آن تنحاس۔ وھند ادورٹ نن ملک بیگ خان وروزی خان ء ہم آگاہ کینہ کہ اوک نناوڑ انادرخواست نوشت اٹ نماخذمت اٹ تالان کیر۔
- 5- نن تینا کل علاقہ و خلق آتے برٹش حکومت ناچین کروک آGG ء تنگ کن تیار اُن واونامون آضمانت تنگ کن تیار اُن و برٹش حکومت آچ کینہ اگہ برٹش حکومت رواداری کرسانازی آخلوک آڈنڈ آتے معاف کے تون داکل علاقہ وخلق پٹ و بیوان تے اونادوانا کیرغ آن تنھگ کن تیار اُن۔
- 6- نن داهیت ء ہم تنگ کن تیار اُن کہ برٹش حکومت ء داحق و اختیار مروء کہ او تینا مشانار د اٹ ہر اڑے خواہے ہر اوخت خواہے تینا ریلوے لائن انار کھ اکن نار یاست اٹ چھاؤنی جوڑکنگ کیک و ہر وخت ہموڑے تینا فوجی دستہ ء ہم تعینات کنگ کیک۔
- 7- اگہ انڈین حکومت محسوس کرے یا اودے وخت اس ننامہرانا گرج مس تو او تینا ہند و اویل نار کھ اکن دامعاہدہ نار د اٹ کاریم کنگ نابناء کنگ کیک۔
- 8- ژوب، بوری موسیٰ خیل ناقبیلہ غاتاخواست آبرٹش حکومت ء داحق و واکداری مروء کہ او تینا علاقہ غاتار کھ ء تینٹ کے و تینا حکومتی کسرتا تینٹ چاروکی ء کنگ کیک۔

دستخط

کیمپ دہلی / رابرٹ سنڈیمن اے جی جی بلوچستان

رابرٹ سنڈیمین اے جی جی آف بلوچستان و خاران ناسر دار آزات خان نوشیر وانی تو 5 جون 1885 نامعاہدہ

کنے سڑدار آزات خان نوشیر وانی ۽ برٹش حکومت ناپارہ غان 6000 روپئی سال انا الاؤنس رسیدنگ دازر انا مون اٹ ای او نامنت وار اٹ داپیسہ غاتا ایوز اٹ ای برٹش سرکار کن داوڑ انا کاریم کنگ کن تیار اٹ دن کہ ای تینا مار اتون اوار تینا 20 شاہسوار آتے تونا 20 روپئی ایتسا کیوہ تانکہ او فک واپاری کسرتار کھ ۽ کیر و خاران اٹ ہم امن وایمنی ۽ بحال کنگ ناکوشست کیوہ۔

برٹش حکومت نا اخص کہ واپار کروک پوریا گرک ہر اکسر آن کناہر علاقہ ٹی بنگ خوار تینا منشانار دات بنگ کیرہ۔ و دافار کھ کناز مواری مروء۔ داڑ کن برٹش حکومت نوٹھے آن ہلند اسکان اسہ پوسکن ۽ کسر اس جوڑ کنگ کیک و خاران علاقہ غاتے داکاریم ۽ ایسر کنگ کن کاریم اٹ اتنگ کیک۔

ہر اوخت کہ برٹش حکومت ناپوریا گرک د علاقہ غاٹی پیہار ہمو وخت آکنا شاہسوار آک اوختون اوار مروء۔ اگہ برٹش حکومت نوٹھے و ہلند ۽ اسٹیشن و چاغی ۽ سیمی روٹ جوڑ کے توکنے ہیچ ۽ اعتراض اس مفروء، اوداکاریم ۽ ہم کنگ کیک و داکاریم کن ای اوختون ہروڑ انامدت و کمک کنگ کن تیار اٹ۔

دامعاہدہء ای منظور کرینٹ دامعاہدہ برٹش حکومت نارکھ اکن و ہروڈ انامدت
کن جوڑ کنگا سس۔

دستخط

حاکمء خاران

آزات خان نوشیرانی

برٹش حکومت و چیف آف مری سڑدار مہر اللہ خان

نانیام اٹ 1885ء نامعاہدہ

ای سڑدار مہر اللہ خان ولد نور محمد خان بہاولزئی گزینی مری داہیت ء منوہ کیوہ کہ برٹش حکومت نا پارہ غان 300 روپئی سال انا مالیات 500 اسکان و دسا کیک۔ خالی داشٹرت آتیا کہ مری قبیلہ ناعلاقہ غائیٹی اخس کہ تیل دویسنے یا اخس کہ دو بروء اوفتیابرٹش حکومت ناپابندی و حق اختیار اٹ مفرو۔

ای برٹش حکومت ء داوڑ انا معاہدہ غاتیا یا داڑان زیات پین چندی معاہدہ غاتیا پورو واکداری ایتوہ و داڑان مست ای یا کننا قبیلہ اخس کہ رکھ تینا وسیلہ غاتیا خلکسن ہموکل ء رکھ ء ای ہر فسا چٹفہو۔ دنکہ متکن آزمانہ ٹی اخس کہ معدنیات سڑدار آتا علاقہ غائیٹی خننگاسر، اوفتیاخالی حکومت کروک آسڑدار آتا حق نس، مون آہم داہند اوڑ مروء۔ وای داہیت انا زمواری ء ہلیوہ کہ ای تینا علاقہ غاتیان پیش تموک آمعدنیات ناخواجہ اٹ واکہ پین سڑدار اس دا معاہدہ غاتا خلاف ورزی ء کرے توای برٹش حکومت آن رسینگوک زرو زور کی ناکمک اٹ اودے علاقہ غان کشسابے سہب کروٹ، و ہمو زور خالی کنے رسینگو ء۔

دستخط مہر

سڑدار مہر اللہ / تمن دار مری

گواہ مراد خان، میر حسن خان بن بلوچ مری

R.T.Bruce

AGG of Balochistan

24 اکتوبر 1885ء اٹلی دامعاہدہ مسوس

التماسی معاہدہ بہار گاہ ناشیرانی ملک وسہری پل تون 21 جنوری 1890 ٹی کنگا سس

نن ملک شیرانی بہار گاہ ڈویژن وسہری پل انابندغ آک برٹش حکومت نا
نمائندگی واوناسال انامالیات آن خوش اُن۔ ہندا خاطر آن اونا خدمت ء کنگ کن
تیار اُن و حکومت ناہروڑ اناکاریم ء گچین وڑ وڈول اسے ٹی مون مستی سرتنگ ناعہد و
پیمان کینہ، ننا خس کہ ملازم لیویز اٹی ء، اوفک کل برٹش حکومت ناپانگ آکاریم
کیرہ، وہراوخت برٹش حکومت ننا علاقہ غائیٹی اسٹیشن جوڑ کیک نن اوڑ کن ہچ ء ویل
اس ودی کپنہ۔ ننا خرٹک انامہسائے ہرا کہ اینوپگہ ننادشمن جوڑ مسنے نن اومیت کینہ
کہ برٹش حکومت دابندغ آتے کرار کر سہان تون کمک کروء۔

شیرانی لارگا ڈویژن ناسرڈارک داسکان تینا موقف ء بیان کتنو ہندا
خاطر آن دافتنہ ہم تینادشمن تکنہ ونن برٹش حکومت ننادشمن آتے ہم تینادشمن چانہ،
واگہ وخت اس ہم بہار گاہک برٹش حکومت نافر اس برمتہ کریر یا اسہ پین ڈوہ
اسے ٹی ہنگار، توافتنہ سزاتنگ ننازمواری مروء۔ نن ایمانداری وسچائی ٹی برٹش
حکومت تون ہر ساہت اوار مروون و درخواست کینہ دا کل ء ہیت آتیا بھاز زو
عملداری مرے۔

بولان پاس ریلوے لائن کن خان قلات تون 1894ء ٹی مروک آمعاہدہ

برٹش حکومت تون ملنگ نا است خواہی ۽ دا خاطر آن کرینٹ کہ کنا ریاست اٹ ہر بولان پاس ریلوے لائن تالان کننگ انگ ۽، داریلوے لائن ۽ 100 فٹ ہڑتوم آپارہ غان ودفوئی ۽، وداریلوے لائن ناہراڑکن اسٹیشن جوڑکننگ، وکم آن کم 2 میل آن 3 میل اسکان ہڑتوم آپارہ غان تالان مرے۔ واسٹیشن آتا داکل ۽ کاریم ۽ ریلوے لائن انا کشادہ کننگ آن مست کنے حوال تنگے۔

خان آف قلات

میر خدا سید اد خان

1895ء ٹی لارگا (Larga) وبارگا (Barga) نا

نیام اٹ مروک آمعاہدہ

داڑان مست ہراوڑ کہ حکومت پاریس کہ ہڑتوم آقبیلہ یعنی لارگا وبارگا، شیرانی تاکل ویل آتے ایسر کننگ۔ داخاطر آن کہ ہمو جاگہ نا مخلوق اٹ امن تالان مرے نن دامتبر آقبیلہ لارگا وبارگا نا شیرانی وکیپٹن آرچر (Archer) پولیٹیکل ایجنٹ ژوب و میرگی ناڈپٹی کمشنر ڈیرہ اسماعیل خان ناہرا سیمء او جوڑ کریس ہموکلء است اناہب اٹ قبول کینہ دافتیٹی دا علاقہ غاک اوارء۔

دہ برکت (Da barket) آن شاہ کوہ (Shakoh) و شاہ کوہ آن پنگناڑی (Panganari)، پنگناڑی آن مناواناڑی ہندن مناواناڑی (Manwanari) آن سروالی (Sarwali) و سروالی زرکون (Zarkoon) و زرکون آن خدا زر (Khudazar) و جالک (Jalak) آن تورسہ و گت (Get) و ناڑی گج (Nari Gag) آن زوہ (Zao) اسکان مروء۔

داسیمی چشخ ہڑتوم آپارہ غان جتا مرو، یعنی پنجاب و ژوب آن ہروڑانا جائیداد و حق داری مخلوقء ہمووڑر سینگوء ہراوڑ کہ مست دوسکہ داڑاپین ہچ ہم زہم اس تمپروء۔

برٹش بلوچستان و قلات ناسیم آتیا 1896ء اٹی مروک آمعاہدہ ناسرجم آک

1896ء اٹی دامعاہدہ غاک داوڑاٹ منظور مسرکہ برٹش بلوچستان و قلات ناسیمء کوہک، کوہ رحیل آن چکنگ، دامعاہدہ ملکہ برطانیہ نامون آتہران اٹ ایرانی بادشاہ نادر بار اٹ خان قلات ناساڑی گری ٹی 27 دسمبر 1865ء ٹی کننگا سس، و داٹی داوڑاٹا سیمی دنگ و سیمک اوارء۔

ماشکیل دریاب نابناہموکان مریک ہر ادے کہ دریاب بسرپارہ ہرا کہ اولیکو تمبہ غان ار ٹمیکو تمبہ اسکان تالانء۔ اولیکو تمبہ پنی آمش تارہی آجہاند م ناپارہ غان مون مستی ہنسا اسہ میل اسے نامری آگازبستان (Gazabistan) و ماشکیل نا دریاب آتون لگک و دادریاب تون سویلی کوہک نا کرک ہم لگک۔

ار ٹمیکو تمبہ ہرا کہ ہندا مش تار ٹمیکو چرجوئی یعنی سویلی کرک آن ماشکیل نا دریاب آن گدرینگشش میل انا مری آٹے۔ ہموکان رخشان دریاب تو لگک، ار ٹمیکو تمبہ ہرا فاکرک آک جہاند می دے ٹک ناپارہ غان پنی آمش انا ٹول ہر ادے تنک گرووگ (Tank - e- Grawag) پاننگک دامون آہنسا سیاہان (Sehan) تون لگک۔

وہندامش اناٹول مسٹمیکو تمبہء پاش کیک، ہرا کہ مون آہنسا سیابان نا دریاب آتے اوار کیک۔ وہندادریاب ہرا کہ سیابان ڈورتون لگساچار میل انا مری آ دیکی پارہ غاسہ جاگہ سے، ہرادے ہنسر (Bonsar) یا کہ شیرانی در (Sherani dar) پارہ دانا اہم انگا کسرک، اسپندک و جالک، تولگک۔

ہنداجاگہ غاچار میکو تمبہ ہنداڑتون اوار مریک۔ دانا دریابی دیر ہرا کہ ایلو کل ء دریاب آتیاں گدرینگسا کلاگان (Kalagan) تون اوار تمک ہرا کہ ایرانی علاقہ غاتا خرک آٹے، داڑان پدا ولد ارا سیسی ء کسر ہنداگان بنا کیرہ۔

ہرا کہ مون آہنسا پنچمیکو و ششمیکو تمبہ تون اوار تمرہ۔ ہرا کہ اہم ء بنداوی ء حیثیت اس تخرہ، جہاندی دے ٹک نا پارہ غاسہ خلق اسے، ہرادے کلاگان پارہ ہندا نسبت اٹ دانا پن تنخگانے، ششمیکو تمبہ کلاگان خلق آن چار میل مرء ہرا کہ سدھا ہنسا ہفتمیکو تمبہ تون لگک ہرا کہ بنداوی کسرتے اسے ایلو تون اوڑدہ کیک، داجالک و لاگشت (Lagasht) و ماشکیل آن دوازدہ میل مرء، وزیارت، پیر عمر ہرا کہ جالک اٹی ء ہمو ولد ادا فتنے اوار کیک۔

ہفتمیکو تمبہ ناسیمک سدھا ہنسا جہاندی علاقہ غاتیاں گدرینگسا ہشتمیکو تمبہ ہراٹی کہ الار نادرخت آتا باغک اریر، ہرا کہ لاگشت نا علاقہ غاتیٹی لگک، ودا فتنے مکسوٹکا Maksokta غان مسہ میل مر جوڑ کننگانے، ہرا کہ سویل نا اخیر اٹ مکسوٹج Muksotag نادرخت آتیاں گدرینگسا ارا بشخ اٹ بشخننگ، پدا آن جہاندی الار نادرخت آتا باغ تیاں گدرینگسا لاگشت و کلک آن گدرینگسا مون آسویلی بشخ اتون اوار تمک، وگورانی (Gorani) و مکسوٹج (Muksotag) و ایلو علاقہ غاتون

اور تمک۔ لاگشت ۽ تینا الار ناباغ آتون قلات تون اور کنگا و گورانی علاقہ غاتا الار تے ایران ۽ تروئی مسوس، خالی داشترت آسیی گورنر ہرافتے ایرانی حکومت تعینات کریس کہ او آخبت اٹ داباغ تاٹو ہو مریک۔

ہشتمیکو تمبہ غان مون آدہ میل خرک جہاندم اٹ نہمیکو تمبہ بنا کیک، ہرا کہ جہاندمی دے ٹک ناگڈیکو علاقہ غائیٹی کنڈی (Kandi) نار نار نادرخت آتا باغک، واسہ ارا میل مردہمیکو تمبہ بنا کیک۔

دہمیکو تمبہ ناسیمک ہرا کہ یانزدہ میل مرو جہاندمی دیکی ناپارہ غایانزدہ میکو تمبہ نا اخیر اٹ چپیکو پارہ غاکرک انارہی آ، ہرا کہ دیر انا تلاپ آک ۽، دافتے گدریفیسا اسہ میل اس مرو جہاندم ناپارہ غا گورانی نار الارک و الار ناباغ تسکان کاہک۔

یانزد میکو تمبہ ہرا کہ جہاندم آن گدرینگسا اسہ پوسکن ۽ سیم اس جوڑ کیک، ہرا کہ میر جاوا (Mir jawa) دریاب تون اور تمک، و ہموکان ہناسدہا جہاندم نا پارہ غامون مستی کاہک۔

تودا اہم و بنداوی ڈور تا علاقہ غاک ۽، ہرا کہ جہاندم اٹ کل آن بڑازنگا جاگہ یعنی کوہ کیچ (Koh kech) تون لگرہ، و ہندا بڑزی مون آکوه ملک (Sia Kohe Malik) ۽ تین تون اور کیک۔

دستخط و مہر

T.H.Holdich

H.M.S Commssion PCSO Kalat boundary

1896 ٹی چیف آف لسبیلہ تون میر کمال خان واونا جانشین آتا شرٹ و معاہدہ خاک

24 مارچ 1896ء آدما معاہدہ جالک ناکیمپ اٹ مسوس۔

ہر اسکان کہ وائس رے و گورنر جنرل انڈیا نا تعلقداریء تو او چیف آف لسبیلہ واونا جانشین آتیاں بھاز خوشء اونا کل آن بھلا خوشی ہندا معاہدہ کس، ہرائی ای جام آف لسبیلہ سڑدار کمال خان داوڑانا معاہدہ غاتے قبول کریسٹ، ہرافک داوڑ وڈول ائیء ہرافتے تینٹ میجر جنرل جیمز براؤن Kcsi کنا مون آسرجم خوانا سس، ہرا کہ بلوچستان نا اے جی جی ہم ارے۔

(1) ای ہندا کل شرٹ آتے خواجہ جام آف لسبیلہ واونا جانشین آتا پارہ غان ہرا کہ داسہ داد نیائی افک ای قبول کیوہ تا۔

(2) کنا چندانا ذاتی است خواہی، زوراکی آن بیدس ای داشرٹ آتے امنا کیوہ کہ اینو آن پد کل ادارہ غاتا چاروکی و خیال داریء گچین مروک آوزیرک کیرہ ہرا کہ پنج سال اسکان گچین کنگرہ، ودا گچین کاریء تینٹ انڈین حکومت کیک و ہندا وزیر تے کل سیاسی اہم انگا کاریم تیا پورو واکداری مروء۔

(3) وداپاننگ کیوہ کہ کنا حکمت عملی ہندا وڑتینا ریاست اٹ برجا سلوہ دنکہ
مست سکہ داٹی ہچ کبوتی اس بفروہ ولے ادارہ غاتاشیف بڑزی خالی گچین مروک آ
وزیر تادوٹی مروہ۔

دستخط

میر کمال خان

James brown mejer General agg

Balochistan

1897 نامعاہدہ سلیمان (سلطان) خیل غلزئی تون کنگا سس

دامعاہدہ 22 مارچ 1897 ٹی مس

نن سلطان خیل، منزئی و شیر از ہر اکہ برٹش حکومت نادنگ ائی مدام بخ و
باسنی سویل و ہتم نامڈ اٹ ہموڑے گزران و تینا کر سا بسنن و نن چندی وار برٹش
حکومت و تینا مقدمہ نابارواٹ درخواست تسنن کہ ننن داجاگہ غاتا الاؤنس ایٹے و
دانا مون اٹ انت شٹرٹ تحک ہمو شٹرٹ آتے نن مننگ کن تیار اُن۔ داڑان پد
برٹش حکومت ناپارہ غان ہر اشٹرٹ آتے خلنگا او فتاوڑ و ڈول داوڑائی:

1۔ حکومت سال انا مالیات ایٹسا کاکہ ہر اوخت اسکان کہ برٹش حکمرانی
ارے ہمو وخت اسکان نن سویل و ہتم نامڈ اٹ ہنداڑے واپار کر سا کینہ و ننا پارہ غان
خراسان و انگ ناوخت آ سلطان خیل و 425 روپئی سویل ناوخت آ 2850 روپئی
ہتم ناوخت آ سال انا تنگے و من زئی شاخ و ہرڈاٹ 540 و سال انا 900 روپئی تنگے
شیر ازئی شاخ 275 روپئی ہرڈاٹ 550 روپئی سال انا تنگے۔

نن مست آن کل زرّ اناشین اٹ حساب کتاب و کرینن ہرائی کہ ننن کل
و قبیلہ غاتے اسے وڑ وڈول اسے ٹی مالیات ایٹے و ملک و ہم او نا بخ دو بر سا کیک۔

2۔ حکومت ننن ہمو علاقہ غائیٹی کاریم کنگ کن الو و ہرڈاٹے کہ نن مست آن
کشت و کشار کرینن و ہمو جاگہ غاک کشت و کشار اٹ گچین و چاگڑ داس و دی کیرہ،

ہر علاقہ غائیٹی کہ زرنیلان (Zarnelan) گل کچ (Gulkach) گردو (Girdao) و شنبازا (Shinbaza) علاقہ غاک اوارے، دافچا گڑد دافتا آب و ہوانا مٹ پین ہچ علاقہ سے ٹی و دی مفک، اگہ برٹش حکومت ننادا خواست آتے منک تو نن و ننا کل قبیلہ غاک برٹش حکومت ننادا تالان آشٹرت آتے منگ کن تیار اُن ہر افک داوڑائی ہے:

ہر ہچ آہشت آنہ ہر ڈاچی آاسہ روپی اس یا کہ دوانزدہ آنہ، ہراڑان کہ حکومت خوش مریک ہر خراس وڈگی آشش آنہ بیش تیاچار آنہ میٹل و ہیٹ تیا اسہ آنہ اس، نن تینٹ حکومت ناپرمان نارداٹ ہراڑے خواہے نن سرکینہ تا، نن دا خراج آتے ہمو وخت آایتون ہراوخت کہ دوتانی قبیلہ غان ہم ہنداوڑانا خراج ملنگے، و ہمو علاقہ غاتے ہم خراج نادنگ کاراٹ اتنگے ہرا کہ تینے وزیرستان جتا پارہ اگہ دن متوتون بے وس مرینہ گل زئی تون ہیٹ کینہ۔

2- نن تینا و تینا قبیلہ ناپارہ غان برٹش حکومت ہچ وڑاٹ آزار کپرون۔

3- نن سال انامالیات تنگ کن تیار اُن، ولے ہراڑے کہ کشت و کشار جوان مریک، برٹش حکومت نے ہمو جاگہ غاتا تنگ نازموار مروء۔

4- برٹش حکومت دا حق و واکداری مروء کہ ہراوخت اودے گرج مرے

تواو ہر بندغ ہروڑانا عہدہ تنگ نوکر جوڑکنگ کیک۔

نن داہم منگ کن تیار اُن کہ دامعاده بروک آس سال ہند امد اسکان چلینگ
 و سرکار بایدے اخس کہ زومریک اودوتانی قبیلہء خراج تنگ آامنا کر فے۔

دستخط مہر

Captan, C, archar

Political Agent of Zhob

A.G.Grant

Political officer Wana

13 جون 1899ء اٹی ٹیلی گراف لائن کن

میر محمد بن بہرام خان کلمتی نامہ اتون پسینی ٹی معاہدہ

کل آن مست دالائن نامہ موارے کنا ایلم میر سخنی نادوٹی نسکہ، گڑا اوداسہ دا
دنیا ٹی افک، ہند خاطر آن اونا جاگہ غای میر محمد، میر بہرام نامہ، کہ پسینی نا حکمران و
خواجہ اٹ، دالائن نامہ موارے ہر فوہ۔ ہر اکہ پسینی سیم انا خرک آن گدرینگ۔ ای
قول کیوہ کہ ہر معاہدہ کنا باوہ و ایلم تون کننگا سس، ای ہند معاہدہ ناتابع و پاسدار
مروٹ۔ وای داخواست کیوہ کہ ہر مالیات کہ او فتنے دو بسکہ او فک ہند اوڑاٹ کنے
ہم رینگسا کرو۔ وای داہم قول کیوہ کہ دالائن نامہ کن پسینی ناہد و اویل اٹ دا
لائن ناہروڑا نا نسخان نا ای زموار مروٹ۔

ہند اسوب آن ای دا اقرار نامہ، نماپارہ غامون تننگ اٹ

دستخط مہر

میر محمد خان

شاہد... ملاخدا سیداد، ملا محمد،

میر علی، میر عبدالکریم

1899ء اٹی خان آف قلات میر محمود خان GCC تون انری ولک (Henry Wylic) اے جی جی آف بلوچستان نانیام اٹ پوسکن آوا سرائے نامعاہدہ

دامعاہدہ 1 جولائی 1899ء اٹی قلات اٹ مسوسس، دامعاہدہ اصل اٹ
آزموندئی وڑاٹ مسوسس، انتے کہ ہمو وخت آرموندہ ہر توم آفریق خان محمود
خان و برٹش حکومت کن فائدہ ناسوب سکے، انتے کہ اوتینا نیابت و ضلع غاتا دنکہ
نوہکے و ایلو ضلع غاتے برٹش حکومت ناہمو افسر نادوٹی تسکے، ہر اکہ چاہندار اس سکے
ہند اخاطر آن دامعاہدہ کننگا سس، ہر افته کہ داوڑاٹ بیان کننگانے:

”میر محمد خان تینا ساڑی گری ٹی تینا جانشین آتا جاگہ غادامعاہدہ مناء و اینو
آن ضلع نوہکے و اونا کل ۽ نیابت آتیا ونا سیم آک اونا مالیات اونا علاقائی کل ۽ حالت
آتیا پورو وڑاٹ کل واکدار یک 1 جولائی 1899ء آن برٹش حکومت نادوٹی تنگانو،
ولے گڑاس شرٹ آتا بند او آہر اکہ داوڑ وڈول اٹی ۽۔“

1- ہمو ضلع و اونا نیابت نا کل ۽ ادارہ غاتا وڑ وڈول و واکدار یک برٹش حکومت
نا گچین کروک آ افسر نا حکمرانی ٹی مرور۔

2- برٹش حکومت 1 ستمبر 1899ء آن اسہ مالیاتی ۽ بجٹ اس ہر اکہ ہر سال
خان ۽ دانیابت و ضلع غاتا مون اٹ تننگ، ہر افقا مالیاتی زر 90000 روپئی مروء

ہر اکہ خان قلات ناحق جوڑ مر یک اودے دازر ہر سال ہند اتواٹ تننگ، ہمو وخت
اسکان کہ دامعاہدہ بر جاسلوے۔

3۔ دازر ہر انا مالیات 90000 روپئیء پد ریسہ خان قلاتء ر سینگسا یک۔

دستخط و مہر

میر محمود خان خان آف قلات

H. Wylic Colonal egg of Balochistan Curzom Vicerog
and governar general of India

دامعاہدہ شملہ ٹی انڈین حکومتء 18 جولائی 1899 ٹی راہی کننگا سس

H.S. Barnes

Secy to the govt: of India in forien departement

میر کمال خان تون 1901ء اٹلسبیلہ معاہدہ

ای است اناہب اٹ وائسرائے، گورنر جنرل و ہمو بندغ آتامنت وار اٹ
ہر اکہ کنے و کنا حکومت چلینگ ناوار خوانی تسروای میر کمال خان معاہدہء امنایوہ
ہر ادے کہ A.G.G. داسہ کنامون آخوانا سس ہر اکہ الس و حکومت ہر توم آتیکن
جوانے، دانا اہم انگائک اک داوڑائی:۔
اولیکو شرت:

ای مدام لسبیلہ نامعاملہ وویل آتے A.G.G. ناسلاہ سوچ آن پدکیوہ۔
ارٹمیکو شرت:

ای اسہ وزیر اس، ہر انا گچین کاریء A.G.G. تینٹ کیک اودے ادارہ
غاتا خواجیء ایتوہ وادار ہی آکاریم تے اونا موکل آن بیدس کپرہ۔
مستمیکو شرت:

A.G.G. ناپانگ آن بیدس ای ہیچ وڑانا حکومتی یا ادارہ ہی بدلی کپرہ، و
ریاست اٹ پوسکنء خراج خلپرہ کس اسے پاہوتنگ یا کسء سزائے موت آن
مست A.G.G. کلء حالیت و فیصلہ غاتا بارواٹ معلومدار کیوہ۔
چار میکو شرت:

ای ہند اکل مالیات آتا پاسداریء کیوہ۔ ہر اکہ لسبیلہ ناریاستء چلیفنگ نا
 مون اٹ کنے کنالمہ باوہء و جنوزان تے کن تننگ، و ہروڑانا پوسکن آعہدہ کن مہالو
 A.G.G. ناسلاہء مون آتخوہ ولد امون مستی کاوہ۔

دستخط مہر

میر کمال خان

جام آف لسبیلہ

دامعاہدہ 25 مئی 1901ء اٹ کننگا سس

1903ء اٹ میر محمود خان، خان آف قلات اے جی جی آف بلوچستان ایلو پارہ خان وائسرائے و گورنر جنرل کونسل تون معاہدہ

دامعاہدہ سب ٹی 17 فروری 1903ء اٹ کننگا سس۔

1- دامعاہدہ ہر توم آفریق آتا سیجائی فائدہ ہر ساکننگا سس ہر اکہ برٹش حکومت و بیگل بیگی خان آف قلات میر محمود خان نانیام اٹ کننگا سس دامعاہدہ نصیر آباد و نیابت آتا انتظامی معاملہ غاتیا برٹش حکومت نا افسر آتے تھنگ کن کننگا سس، ہر اکہ داشٹرت آتا بند او منظور مسوسس:

2- کہ میر محمود خان خان آف قلات ناکماشی ٹی او تینا جانشین آتا اوری ٹی دا

معاہدہ امنائیک کہ اینو آن پد ضلع نصیر آباد و اونا نیابت آتا کل و واگ آک، حساب کتاب اونا سیمک اونا مالیات اونا علاقائی کل و معاملہ غاک و لیویز تینا کاریم اٹ اتوک حق و واکداری تے ہونا دو ٹی ترو، ہر افتا گچین کاری و کہ برٹش حکومت کیک۔

3- ہر اوڑ کہ پاننگا سس کہ ادارہ و نیابت آتا خیال و خیال داری برٹش حکومت نا

زمواری مریک و ہنداکاریم کن او افسر گچین کیک ہر اکہ گورنر جنرل کونسل مریک اولیکو دے یعنی اپریل 1903ء بروک آتاریخ اسکان منگ کیک کہ انڈین گورنمنٹ داڑاکوزہ کے۔

4- داکاریم نامون اٹ برٹش حکومت اولیکو سال آن خان آف قلات ء اسہ پن کروک ء زراس سال انامالیت ناپن اٹ 1904ء آن تنگ نابناء کیک، دانامالیت سال انا 5000 روپئی مروء۔

5- دازر بیدس پرخ آن خان ء رسینگ، نصیر آباد نانیات ناہرا کہ داسہ نا علاقہ ء اودے خان قلات نانائب غوث بخش جولائی 1902ء اٹ سیم بندی کر یس ہرا کہ داوڑائی ء:

دانا سویل اٹ سندھ انا سیم وجہاندم اٹ دے ٹکی علاقہ غاک دنکہ لانی برج (Laniburj) پاننگ ہرا کہ سویل ناپارہ غان مزاری سیم آن کوہ بگٹی تو لگ ولدا مون آہنسا دیکي ناپارہ غاتینا خرٹک انا ٹک شاپور روڈ آن ہرا کہ مناک (Manak) نا خرٹک انا گاری نالہ (Gari Nallah) تون لگ وداکان داکسر مولہ غان ہنداخہ در مرے، شاپور اوکان پد شاپور روڈ آن سویل ناپارہ غا Dechatten ناڈ غار تون لگ، ہرافتے کہ (Dodaik) پارہ وپد آن دیکي ناسیم ہرا کہ دودکی آن ’نوراڈور‘ آن گدرینگ، ہراکان دیر رسینگ، ہنداڈور مون آہنسا نوراغان در محمد ہرا دے کہ بھاز نقش و نگار اٹ نوشتہ کرینو، ہرا کہ بنداوی وڑاٹ اسہ ریک اسے وداکان در محمد آن سیدھا ہنسا دیکي وجہاندمی دیکي ریلوے آن گدرینگسا 368 میل اسکان کاہک، پنج میل سویل ناپارہ غا جٹ پٹ اسٹیشن ناپارہ غا ہمو وخت اسکان ہرا وخت اسکان ہمو جاگہ نامتہ غاتون ملپ ہرا کہ چار سال مست مگسی وجمالی تاسیم پاننگا کہ دالان سویل پارہ غا سندھی سیم آن گدرینگسا 500 میل مردیکی ناپارہ غا سن ویب (Sonwab) اسکان ختم مریک۔

اگہ خوڑت مننگے ہر شیف انا شیخ ہرا کہ منجوتی (Manjuti) ناڈ غار آتیان
 گد ریگسا سدھا ہمو جاگہ غار سیننگ ہراڑے کہ در محمد ریلوے ناکم وود 368 میل
 مرجیک آباد و شاپور روڈ آن 8 میل جہاندم نا پارہ غادر محمد روڈ آن جتا مریک۔
 داڑے اسہ زمانہ سے ٹی کشت کشار نا کاریم ہم مسکہ۔ انتے کہ خان قلات و اونا
 جانشین آک تینٹ دا علاقہ برٹش حکومت و تسوسر۔ ہندن نصیر آباد نا نیابت و ہم
 خان قلات برٹش حکومت و تس۔ دانا مون اٹ برٹش حکومت خان قلات تون سال
 انا 2500 تننگ نا معاہدہ ہم کریس، ایلو خرچ آتے اوار کریس و دا زانا جم کچ
 17500 روپی جوڑ مسکہ۔ ہرا کہ اولیکو دے 1 اپریل 1903 و آتروئی۔

دا معاہدہ ٹی دا فیصلہ ہم مس کہ اگہ نصیر آباد نا علاقہ غائیٹی برٹش حکومت و
 ہراڑے کہ خالی وڈ غار اس دوس تو ہندا معاہدہ نا وڈول اٹ برٹش حکومت ہمو وڈ
 کاریم کنگ کیک و داڈ غار تے گنداری ولہرا کہ نا نیابت آتیان دیر تر سا کیک۔

دستخط مہر

محمود خان

Ches. E. gate carnal

A.G.G of Balochistan Curzon

Viceroy and A.G.G

India

دا معاہدہ خان قلات و وائسرائے گورنر جنرل انڈیا نا نیام اٹ شملہ ٹی 14

مئی 1903 و اٹ مسوس ہراڑے کہ Louisw.dane ہم اوار نس۔

خان قلات تون 1903ء اٹ نوٹھکے ٹی ریلوے نابارواٹ معاہدہ (ہرا کہ ریاست قلات آن گدرینگک۔)

ای۔ سیگلر بیگی محمود خان خان قلات برٹش حکومت پوروادکاری ایتوہ کہ
اوتینا منشانا رد اٹ ریاست ناہر بشخ اٹی کاریم کنگ کیک، دنکہ ہراوڑ اوداسہ نوٹھکے
ریلوے لائن جوڑ کنگ۔ داکل ڈغار تے ریلوے لائن ناساز و سامان و ایلو ہروڑ انا
کاریم تیکن کاریم اٹ اتنگ کیک ہراوڑ کہ پاننگانے ہموکل افرادی قوت ہرا کہ
ریلوے لائن نا جوڑ کنگ اٹ کاریم اٹ بریرہ ہموکل ریاست نابندغ آک مرور
ہراوڑ کہ فیصلہ کننگا سس۔

دستخط

میر محمود خان

دامعاہدہ قلات اٹ 12 مئی 1903ء اٹ مسوسس۔

شیٹلو معاہدہ 1905 اٹ انڈیا و ایرانی سیم و دنگ، کنگ آف برطانیہ آر لینڈ و برٹش حکومت انڈین حکمران و شہنشا ایران نانیام اٹ مسوسس

داعاہدہ ٹی خزانه سلاہکار، خارجه سلاہکار شاہ ایران و اے آرڈینگ (A. KCB) R. Ding تہران ناموری وزیر نانیام اٹ معاہدہ ناشٹرت آتا بند او آ
کننگا۔

1- کنگ آف برطانیہ ہموکل علاقہ غاتے پدی ایتک، ہرا کہ 1902ء اٹی کوزہ
کننگا سر ہرا کہ ایرانی دنگ اٹ بریرہ او فامون اٹ ایرانی سرکار برٹش حکومت ء
پڈوا (Padwa) ناعلاقہ غاتے، ہرا کہ میر جاؤ نا خرٹک آٹو ہموڑے دیر تننگ ء پک
کروء۔

2- ہرٹوم آ حکومت آتا اسیجائی است خواہی ٹی ہروڑا نا کاریم و سیمی علاقہ غاتا
جانچ پڑتال کن اسہ جتاء کمیشن اس جوڑ کننگ ہرا دے کنگ آف برطانیہ سر
ہرڈینگ تینٹ ہٹیفیس۔ داعاہدہ 16 اپریل 1902ء ٹی مسوسس ہرا دے کہ
14 اپریل 1902ء ٹی پورو کننگا سس دا سیم اصل اٹ 1896ء نامعاہدہ ناوڑاٹ
سلک و دائی آخت اٹ ہچ ءوڑا نا بدلی اس کننگپ۔

3- ہند اسٹکی وایلیمیء برجاتخنک و مون مستی دنگ کن ایرانی حکومت ہمو سیمی علاقہ غاتے ہر افنیٹی کہ میر جاؤ، لادس (Ladas) و دزدپ (Duzdap) اٹ گڑا ایتک ہر افنے او پور وکننگ خواہک، داڑ کن 300 روپی سال انا مالیات ہندا علاقہ غاتے ایتک۔

دازرے انڈین حکومت ناپارہ غان رینگوک برٹش کاری می تے تننگ۔ داڑان بیدس 15 سد کلو خولم و 50 سد کلو سی سال انا سیمی اسٹیشن دُنکے روبت خلق (Robat Killa) و نوٹکے ناکسراٹ سرکننگ و دا کلے گڑا تیا خراج لکپک دا ہم معاہدہ ٹی اوار ء۔ برٹش حکومت دا کمک ء لس سال آتا وڑاٹ تفک و نئے تینے آن دا کاریم ء کیک و نئے پین کس ء دا گڑا نا موکل ایتک۔

دامعاہدہ 13 مئی 1905 ءاٹ تہران اٹ مسوسس

دستخط و مہر

مشیر دولہ

ARTUR HERDING

کوئٹہ 21 اکتوبر 1909ء اٹی سردار محمد یعقوب خان ناجا نشین آتا خاران نا حکمرانی نامعاہدہ

ای داہیت آہجاز خوش اُٹ کہ وائسرائے و گورنر کو نسل خاران نا حکمرانی
ناز موارے کئے تنگ آامنا کرینوای سردار محمد یعقوب خان ہند اکل ء معاہدہ غاتے
منوہ ہرافتے 5 جون 1885ء اٹی سر رابرٹ سنڈیمین مسکوئی اے جی جی آف
بلوچستان کنا پیرہ سردار آزات خان تون کر یس، ولے داسہ ہڑتوم آخواجہ غاک
دنیا ئی افس، وای ہند معاہدہ نا کمک اٹ تینا باوہ سردار نوروز خان KCIE خاران
آن پد خاران نا حکمرانی ء است اٹ قبول کیوہ۔ ہرا کہ کنا حق ء۔

آر ٹیکل 1:- ریاست خاران نا سیمک ہموڑ اٹ سلور ہرا کہ Appendix 1
اٹ تننگانے۔

آر ٹیکل 2:- ای ہروخت برٹش حکومت نا تابع مریوہ، و تینا طاقت ء تینا
ریاست اٹ امن و سیمی علاقہ غاتار کہ اکن کاریم اٹ اتیوہ، و ریاست اٹ کل کسرتا
رکھ اناز موار اُٹ و او فتا ہروڑ انا چارو کی ء کیوہ اگہ برٹش حکومت تینا افسر اس خاران
اٹ تعینات یکیک تو داڑ کن ہچ ء اڑ اند اس ودی کپرہ و اودے ریاست نا تہٹی ہروڑ انا
کمک اتیوہ اگہ ای برٹش حکومت تون کمک کنگ کتوٹ تو انڈین حکومت ء واکداری
مروء کہ اوہند علاقہ غاتیا لیویز چیک پوسٹ جوڑ کے و تینٹ سیم آتار کہ ء کے۔

آرٹیکل 3:- پنچگور ناہرا سیم کہ خاران تون لگک داڑا ہم دامعاہدہ ناحق آک
خوندی ء ہر افتنے کہ کنا باوہ جوڑ کر یس اوٹی داخواست کننگا سس کہ خدا آبادان ء
مالیات تنگے ہر کہ اونا خلق آتون لگک دا کہ کنا جاگیر وکنا واکداری اٹ مرور و سری
کوراس نانیمہ مالیات کنا حق ء و ہندن تسپ انا علاقہ غاتیا ہم کنا حکمرانی برجامر و ء و
گڑاس علاقہ ہر کہ کنا باوہ نادور اٹ کنا جاگیر تسر ہر اقیٹی کہ گرم کہن، تسپ،
وشبود، عسی و پین چندی علاقہ غاک پنچگور ناہرا پنچگور تون اوار او داپو سکن آ معاہدہ نا
رداٹ کل ء مچ کروک آ مالیات آتے ہر کہ ہمو جاگہ غاتا نظم و ضبط رکھ اکن تنگرہ
ہر افک خدا آبادان آن ہلنگرہ دافتی کنا جاگیر وکنا واکداری و واکداری مرور، و داڑ
گرج انا وخت آGG ء ہم تنگ مریک۔

آرٹیکل 4:- دامعاہدہ نا منظوری آن پد ہر کہ انڈو یورپین ٹیلی گراف لائن
داکان گدرینگک دانا کل زمواری ورکھ ء ای کیوہ وکل بشخ آتا ہر کہ کنا حکمرانی ٹی ء
ای تینار یاست اٹ ہندا بندغ آتا جان و مال انا زموار اٹ ہر کہ دالائن ء جوڑ کنگک
کن یادالائن آکاریم کنگک کن بریرہ وای اوقتا ہروڑاٹ کمک و خدمت ء کنگک کن تیار
اٹ دا خدمت و کمک نامون اٹ برٹش حکومت کنے 4000 روپئی سال انا مالیات
ترسا کیک واگہ وخت اس ہم برٹش حکومت ء کس اس دارپورٹ ء تس کہ ای تینا
کاریم اٹ بے سہب مسٹ یا کنا واری ٹی لائن نا افسر اسے جانی و مالی نسحان مس تو دانا
حق و واکداری مروع کہ اوتینا بندغ آتا یا لائن انا رکھ اکن کنا حکمرانی ٹی ہستین لیوی
چیک پوسٹ جوڑ کنگک کیک، و اودے دا حق ہم ارے کہ او کنا سال انا مالیات ء
تورے۔

آرٹیکل 5:- ای داگڑانا ہم زموار اُٹ کہ کنا حکومت اٹ کس اس ہم ہیج وڑ
 انا سلہ غاتا ہل و تس کنگ کپک و کس اسے ہم سلہ غاتے ایلو علاقہ غاتیا دنگ ناموکل
 اف ہمو وخت اسکان کہ AGG نامنائی داٹی اوار مف و داہم کہ برٹش حکومت
 وخت اس ہم سلہ ناگرج مس تو او فتنے رکھ اٹ او تسکان سرکنگ کناز موار یء۔
 آرٹیکل 6:- ہندا کل آرٹیکل آتا منظوری کنا امنائی اٹ برٹش حکومت تون
 مسنواو کنا مالیات نازرء و دفسا 6000 روپئی کیرہ ہر افتنے کنا باوہ سڑدار نوروز خان
 تسو سر ہر افتیان کہ آخبت اٹ ای و کنا جانشین آک آسودہ مرون داود کی مالیات
 آک ٹیلی گراف لائن نارکھ اکن مرور۔

ریاست خاران ناسیمک

جہاندمی ہمدواویل:

ریاست خاران ناسیم جہاندم نامو بشخ آن بناکیک، ہراڑے کہ پلر نمبر 7 و 8 بناکیک، دایرانی بلوچستان تون اوارے۔ داکان جہاندم دیکی ناپارہ غاچاکال و سویل ناپارہ غاگورک ناعلاقہ غاتسکان کاہک مچے مرسویل ناپارہ غاہڑ سینگسا شتنگان تون لگک ہراڑے کہ الار نابانگ لاگشت ناعلاقہ غاتیان بناکیرہ داخل علاقہ سویل دیکی ناپارہ غا ہنس سویل ناپارہ غا سیدھا ”Hamani mashkel“ اسکان کاہک داڑان پدہمو پارہ غا جہاندم ناپارہ غا مون آہنس Wodisultan اسکان کاہک و مچے مردے ٹک ناپارہ غا شیف مر یک جہاندم ناپارہ غا گڈیکو علاقہ Ragi wakhab اسکان کاہک۔

Hamani mashkel ناسیم آتا لگسا جہاندم اٹ سندھ انا مش تسکان کاہک و Ragi Wakhab و Galuch آن گدرینگسا ہمو جاگہ غا سر مر یک ہراڑے کہ جہاندم دے ٹک ناعلاقہ Gaukok بناکیک۔ ہرا کہ جہاندمی دے ٹک ناپارہ غا شیف کاہک Gaukok نامش تیان ہنس Raskoh ناعلاقہ غائیٹی پترینگ، اوڑان پدرا سکوه ناجل و جوتیان گدرینگسا سلطان کنڈ آن گدرینگ و جہاندمی دے ٹک ناپارہ غا البیت دریاب آن گدرینگسا البیت کوہ ناتہ انا پارہ غا سویل دے ٹکی کنڈ آ Parod دریاب اسکان کاہک۔

سویلی ہد و اویل:

ایرانی بلوچستان ناسیم آن ہراڑے کہ فراگ کوہ و کوہ سبز ہرا کہ سوگری نا کاٹم آن بنا کیک ہندن سور گر ڈور اٹ سویل ناپارہ غا بگر ماور بنسور نا علاقہ غاتیان گدرینگسا ہموڑے کینگی چات اسکان کاہک اوڑان پد Jarochni دریاب آن Lagher نا علاقہ غاتیٹی اوار تمک ہموکان داکامی Hakami دریاب اسکان کاہک دامون آکاہک Raghi تون لگک اوڑان پد Durrachi و گچک انا علاقہ غاتون لگک ہندا جاگہ ہراڑے کہ Raghi و تنک اسہ ایلوڑ تون ملرہ ہندا کان داتنک آن پشتونی کوہ اسہ جاگہ سہ، اوکان ہراڑے سویل نا اسل سیدھ اٹ مون آزنک گوگان (Zang Gogan) نا علاقہ اسکان تالان مریک۔

دے ٹکی ہد و اویل:

دے ٹکی علاقہ اسل ہموڑاٹی ہراوڑ کہ مست سسکہ، دادے ٹکی علاقہ غاک ہرا کہ سویل ناسیمی علاقہ Parod آن بنا کر سادانا گڈیکو سیم آتا کاٹم اسکان لگسا سویل اٹ پشتونی کوہ و تنگ دریاب آن سویل ناپارہ غازنگ گودان تون لگک۔

دیکی ہد و اویل:

داسیم ہرا کہ ایرانی بلوچستان ناسیم اتون لگک دانا بنا سویلی بشخ آن مریک ہرا کہ سویل ناپارہ غان ایرانی بلوچستان ناسیم نمبر 13 و دیکی ٹی Parag کوہ تون لگک۔ ہندا اوڑاٹ دیکی سیم انا ہمویشخ ہرا کہ جہاندم ناسیم آن گدرینگسا پلر نمبر 7 و 8 آن ایرانی بلوچستان آن گدرینگسا دیکی بشخ اٹ سیم پلر نمبر 3 آن جہاندم ناپارہ غامون مستی ہنسا ایرانی بلوچستان ناسیم اتون لگک۔

داڑے پلر نمبر 3 آن دیر آن ڈور تیان گدرینگسا خشک علاقہ غاتسکان
 کاہک دنکہ Tanki Graz آن Saihan اسکان و ہند کنج آکوہ سیاہان آن دیکی بشخ
 رنج آن بنا مر ساچار میل مردے ٹکی بشخ آن گدرینگ۔ ہرافتے کہ بن شریدور
 (Sharidor) پارہ ہنداکسر ولد Fandais و Talk تون لگک ہنداجاگہ غا پلر نمبر 4
 بنا کیک۔ وجہاندم ناپارہ غا ڈور کشنگ، ہراڑے کہ اونا سیم بنا کیک۔ و ہنداکل کسر
 تے ہرا کہ کلاگان Kalagan ہرا کہ ایرانی سیم اٹی، ہند علاقہ ٹی اسہ پنی ء سیمی بڑز
 ء مش اس ارے ہرافتے کہ ڈگی نامرغ پارہ، دابڑز انگامش انا کاٹم آن پلر نمبر 5 بنا
 کیک، ہرافتے کہ ماشکیل دریاب آجوڑ کننگانے، پلر نمبر 5 انا مون آچار میل مر
 سدھا ہنسا پلر نمبر 6 اتون ملک ہرا کہ جالک، لاگشت و ماشکیل و دوانزدہ میل انا مری آ
 زیارت پیر عمر علاقہ ٹی اسہ ایلو تون لگرہ۔

پلر نمبر 7 انا سیم جہاندم ناپارہ غا پلر نمبر 8 اتون اوار تمک ہرا کہ اسل روڈ انا
 رہی آٹے، و الار نا باغک دن کہ لاگشت، ماشکیل آن مسہ میل سویل ناپارہ غا
 Muksotag ناباغ تتون لگک ہرافتییٹی کہ لاگشت و کلک علاقہ جہاندم پارہ غا ہنسا
 کاہک، داڑے یات سلے کہ اسہ پڑک اس ہرا کہ Muksotag و گورانی علاقہ ٹی
 رینگک، اوقا پاننگ دادے ہنداباغک، پلر نمبر 9 ء ہند ا سیم اتون اوار کیرہ، اوقک
 دادے علاقہ غاتا گڈیکو سیم منرہ۔

سردار محمد یعقوب

چیف آف خاران

دامعاہدہ کنامون آدستخط و مہر خلنگا

یعنی 31 اکتوبر 1909ء ٹی موسس

A.H. Wchahon

A.G.G of Balochistan

ہندن اسہ معاہدہ اس 19 ستمبر 1911ء ٹی سڑدار حبیب اللہ خان و اونا

جانشین آتون موسس ہرا کہ چیف آف خاران کسکہ۔

1925ء اٹی غلام محمد خان نا امنائی ہر السبیلہ انتظامیہ ناسیال اس نس

وائسرائے و گورنر جنرل و اوقفا کو نسل نامنت وار اٹ ہر اکہ کنے ریاست نا
زمواری تے تسر، ای غلام محمد خان ہند اکل معاہدہ غاتے امنائیوہ ہر اقسا سرجم ۽ تینٹ
اے جی جی کنامون آخوانا۔

اولیکو ٹک:-

ای مدام ریاست السبیلہ نازمواری تے A.G.G ناسلاہ سوج اٹ پورو
کیوہ۔

ارٹمیکو ٹک:-

ای تینا ریاست کن اسہ وزیر اس گچین کیوہ ہر ادے کہ A.G.G تینٹ
پک کیک، و اونا واری اٹ کل معاملہ غاتا فیصلہ ۽ کیوہ۔
مستمیکو ٹک:-

A.G.G ناپاننگ آن بیدس ریاست اٹ ہیج وڑانا بدلی اس کپرہ، و اونا ادارہ
غائیٹی نیام تموہ نئے بدلی اس اتیوہ، اگہ کس ۽ پاہونا سزاتنگا تو اوڑان مست کل معاہدہ
غاتا سفائی ۽ A.G.G نامون آپاش کیوہ گڑا اوڑان پد سزائیوہ۔

چار میکونک:-

تینا مالیاتی زر آتیاں چیف آف لسبیلہ ناحیثیت اٹ گڑاس زر جنوزان، یتیم،
چناو نیازی تیان بیدس تینا باوہ پیرہ بلہ غاتا خاہوت آتیکن A.G.G. ناپرمان اٹ خرچ
کیوہ، داڑان بیدس ریاست اٹ ایلوپوسکن آصوبہ غاتے ملک انا جوانی کن جوڑ کیوہ۔
پنچم میکونک:-

ای ریاست ناسال انا بجٹ A.G.G. ء نشان ایتوہ وبروک آزرء ریاست
نادارہ ولسبیلہ قلات اٹ جمع کیوہ۔

دستخط و مہر

میر غلام محمد جام آف لسبیلہ

دامعاہدہ 29 اپریل 1925 اٹ مسوس

Balochistan Appendix No. 1

دامعاہدہء خان آف قلات و اونا سڑدار و زندان اٹ بندی تانیا م اٹ
جھیرہ غاتے کٹفنگ کن جوڑ کریسر، دامعاہدہء میجر سٹیمین و ڈپٹی کمشنر اوری اٹ 6
جون 1876ء اٹ پیش کریر۔

1- دامعاہدہ برٹش حکومت تون قندھاری پوریاگر تا قافلہ غاتے لٹ پل و
مخلوق ۽ خلنگ آن پد جوڑ کنگا ہر ا جاگہ غاکہ قافلہ غاتے لٹ پل کنگا سس، دا
جاگہ غائی مولا، ٹکری و کزاک پاس اوار سڑدار فتنہ جھالاوانیک لٹارہ۔

2- ہراوڑ داڑان مست ہم سرولیم نوشتہ کریس کہ لسبیلہ نا حکومت ۽ ہمو
جاگہ ناجام سنبھالک اونا واکداری جام انا دوٹی مروء، دانا شونداری کن برٹش حکومت
مدام کوشست کرساکیک ہنداسوب آن داسہ کنے انڈین حکومت آن رسینگوک آزر
۽ کنے تننگے، اگہ آخاکناداخواست خوش اف، تو اخیر اٹ نی جام میر خان ۽ تینازندان
آن آجو کر، ہراکہ داوخت آبرٹش حکومت نازندان اٹی بند۽ ولے داہنداشرٹ انا
بنداو آٹے، ہراوخت کہ فی واگاسیم آجنگ بندی کروس، ہراڑان کہ کناریاست
خطرہ ٹی ۽ ولے کنابشخ انا حکومت کنے دو برے ہرانا کہ خان قلات تون معاہدہ
مسوس۔

- 3- سراوان ناسٹدار آتے کنا مسکوہی وزیر عطاء محمد ریاست آن پیش کشوئی
مریک، ہر اکہ داڑے قلات اٹ کنا اسہ مزدور اس، نواب محمد خان ناخون ۽ کنگ
آن پد نرا۔ داخون ۽ او خالی حالت آتا خراب کنگ کن کریس۔ اخیر اٹ ہند فیصلہ
کننگا کہ مسکوہی وزیر ۽ قلات ناراست ۽ مدامی کن الوئی تمک، گڑا ہمو وخت اونا
خا ہوت ۽ اوڑتون ہنگ ناموکل تننگ ہر اکہ داوخت آقلا تلی ۽۔
- 4- 1872ء نامعاہدہ غاتیان پد سرو لیم دافصلہ ۽ کرے کہ ساروانی تے ڈنڈا
وڑاٹ مالیات تروئی مریک داڈنڈ ۽ بولان پاس اٹ قافلہ غاتے لٹ پل نامون ۽
توننگ، اگہ او فک داڈنڈ اناز 35000 ۽ تننگ کپسہ تو داز ۽ ای ایتوہ وای داڑان
مست ہم 55000 روپی ہنداپوریا گرتے تسنٹ، ہرافتے کہ مری نالشکر لٹاس۔
ہند اوڑ ای ہیج مف 90000 روپی پوریا گرتے ساروانی تالت وپل نامون اٹ
تسنٹ۔ وای داسہ خواست کیوہ کہ او فک داز ۽ داسہ کنے امتر۔ دامعاہدہ غاتیان پد
حکومت آن کنے اسہ لکھ روپی رسینگوئی نس، ولے داز آن کنے خالی 10000
روپی دوس۔ داسہ برٹش حکومت دعویٰ کپ کہ ای وعدہ خلافی کپہ۔ ہنداسوب
آن ای خواست کیوہ کہ برٹش حکومت ہموڑ ۽ کنے زو آن زوایتے۔
- 5- ہمو سال اناز 50,000 روپی کہ کنے دوسرہ داسہ مسہ سال ناء بند کننگانو
ای وخت اس کہ تینازی اٹ ہروہ توکنے ہیج محسوس متک کہ ای وخت اس برٹش
حکومت تون غلط ۽ کاریم اس کرینٹ۔ ہر اناسوب آن کنا مالیاتی ز ۽ بے سوب بند
کرینو۔ ہندن ریاست قلات داڑان مست ہر لیوی کن اسہ من اس خولم ۽ اسہ روپی

اس تسک، ہر افٹے کہ برٹش حکومت اسے من آہشت آنہ کرے۔ 50000 روپئی
 ۽ ہم تینٹ ڈنڈ نامون اٹ ہلک۔

6- کننا کما دار شکر خان و منشی ملا صالح محمد و گل محمد ۽ بیدس ڈوہ آن برٹش
 حکومت تینا زندان اٹ بند کرینے ای حکومت آن خواست کیوہ کہ دابندغ آتے
 زوت اس زندان آن یلہ کے۔

7- ای نواب محمد خان ۽ تینا ایجنٹ ناوٹاٹ امنا کیوہ ہر اکہ کننا خیر خواہ ۽ او کننا
 ایجنٹ ناوٹاٹ پین دے اس سنڈ یمن تون ملسا کیک۔

8- ای خواوہ ہر امالیات کہ ساراوانی تے ہے وخت اسے آن دو بسک، ہمو فک
 دو بر سا کیر ہر افٹے سرو لیم تینٹ بنا کر یس۔

9- ہراوڑ کہ امن کن برٹش حکومت ساراوانی تے کننا ریاست نابخ جوڑ
 کر یس، ہمو فٹے ای امنا کر یسٹ وای ہروڑ انا شرت آتے ہم پور و کروٹ ای خواوہ
 کہ نن مست و گدرینگوک آوخت ۽ ہوش آن دین سراوان و جھالاوان ناسر دار
 آتے او فٹا ڈغار تے پدی ایتن وای داز موار اٹ اگہ ڈغار تا دو بنگ آن پد ہم
 سر دار ک امن ۽ خراب کنگ ناکوشت کریر تو او فٹے سخت سزا تنگ آن مست ای
 برٹش حکومت ۽ تینا ایجنٹ ناکمک اٹ ضرور حوال کیوہ و برٹش حکومت نا منظوری
 آن پداو فٹے سزا تیوہ اگہ وخت اس کننا نایب یا افسر آک گندہ ۽ کاریم کریر وکنے سما
 متو تو ریاست قلات نا ایجنٹ تینٹ ہندا خبر ۽ برٹش حکومت اسکان سرکیک و برٹش
 حکومت ۽ داوا کداری مروء کہ او او فٹے سخت سزا ایٹے۔

10- ساراوانی تے متکن آوڑاٹ کنا خدمت ۽ کروئی تمک، اوفتے کنا پرمان ۽ ہم منوئی تمک، گڑاہمو وخت ای اوفتے تینا ریاست اٹ امن و مہر مریت اٹ رہینگ ناموکل ایتوہ۔

11- اگہ برٹش حکومت کنادا است خواہی تے امن کرے تو ای تینا ریاست اٹ ہمو جاگہ غاتار کھ ۽ کننگ نا قول کیوہ ہراڑے کہ برٹش حکومت ۽ کل آن زیات گرج و خلیس اس ارے ہراستی کیوہ بولان پاس، مولہ، راج، کج، مکران، وایلو خر اسانی علاقہ غاک ہم اوارے۔

Balochistan Appendix No. 2

دامعاہدہ کیم اگست 1876 اٹ نائب و سڑدار آتا و اکداریدار آتے پاننگ
کن جوڑ کننگا سس، ہر اکہ خان قلات ناپاننگ آریاست قلات اٹ تینا عہدہ غاتیا
کاریم کیرہ۔

وخت اس کہ ریاست قلات اٹ جنگ بنا کرے و ادارہ غاتا نظام خراب
مس توہمو وخت کل ریاست گڑاس نائب و گڑاس گرون تادوئی نسکہ و ہر اوخت کہ
کنا حکومت یعنی میر خدائیداد خان نا حکومت ریاست اٹ امن ایس ہمو وخت کنا
پاننگ آکل ادارہ غاتیٹی کارروائی بنا کرے، و ادارہ غاتا اسہ وار ولد اپو سکن ہیفنگ بنا
کرے۔ اوڑان پد گڑاس ہندن و پو سکن و اصول و ضابطہ کنا سیجائی سڑدار و نائب آتا
مچی ٹی پک کننگار ہرائی کہ شاری ادارہ غاتے سوگو کننگ کن ہندا اصول آتے مسہ بشخ
اٹ تالان کننگانے ہر اکہ داوڑ وڈول اٹی:

1- مالیات آتا دوائی کننگ ہر حالیت اٹ مریک او اسل کہ ہر اوڑ اٹ کہ مریر
روپی تیٹی یا اسہ پین وڑ اسے ٹی

2- جائیداد ناد عوی کروک آتیٹی سلاہ کر فنگ

3- عسکری واکداری اٹ الس نارکھ و برجاتخنگ

کل آن مست ای تینا نائب آتے پاوہ کہ او فک مالیاتی معاملہ غامبی نیام تمپس۔ انتے کہ داوڑ او فک سراوانی تادوئی مرور، اگہ سراوانی اس تینٹ مالیات تنگ خواہے توہو مالیات آتے کننا نائب ہلو، اگہ وخت اس اسہ سراوانی اس ہم مخصوص مالیات نازڑے تنگ آن نمں مس تو اونا جاگہ غا اونا قبیلہ ناسڑدار ۽ ہندازڑے تروئی تمک، وداڑڑے کننا ہر نائب ہلنگ کیک، و اگہ نائب وسڑدار ہٹسپس تو داڑکن المی ۽ کہ معاملہ خان قلات آبریک، و خان قلات نافیلہ حرف آخر مروء۔ و امنا کنگو۽۔ وسڑدار آتیاں مالیات زر ہم دوئی کنگ مریک اگہ ریاست اٹ سڑدار آتیاں اسہ سڑدار اسے خان انا فیصلہ غلط یا ظلم اس لگے، تو اوسیا سی ایجنٹ نامک اٹ تینا ہیئت ۽ خان آف قلات نابرخلاف برٹش حکومت اسکان سرکنگ کیک اوڑان پد کل مالیاتی زر اودے پدی دوبریک اسل کہ اوہراوڑاٹ کہ مسنو۔

3۔ کل فیصلہ غامتا مریس:

اگہ فریادی و مخالف فریق براہوئی یا بلوچی پاروک مریر، یا اسہ قبیلہ سے آن اوفتا تعلق مرے تو پکار دادے کہ سڑدار متکن آر بیدگی وڑاٹ اوفتاویل آتے سراپتک، اگہ اسہ فیصلہ اس سڑدار کنگ کتو، توہو فیصلہ خان قلات آہنگ کیک، اونا فیصلہ آخری فیصلہ امنا کنگ، وسڑدار تے المی ہمو فیصلہ ۽ منفوی تمک، اگہ سڑدارک ہمو فیصلہ ۽ مفنگ کتوس توہو سڑدارک ریاست قلات آن کمک ہلنگ کیرہ، اگہ سڑدارناست اٹ برے کہ خان انا فیصلہ غلط یا بیداد اسے، یا ناروائی سے تو او اونا غا۽ سیاسی ایجنٹ نامک اٹ برٹش سرکار اسکان سرکنگ کیک، اگہ وخت اس اسہ ویل اس دہواری یا بندوسے نابرخلاف اسہ براہوئی پاروک اس مرے تو

نائب آن مست اونا فیصلہ اسہ سڑدار اسے آبریک اوڑان پد نائب آہمو ویل ۽ پیش کنگنگ۔ سڑدار داقبا نلی ویل ۽ سرتنگ کن نائب تون کمک کنگ کیک داہمو وخت منگ کیک ہر اوخت کہ او فک تین پہ تین سلاہ سوچ کیر کہ او فک داویل ۽ او ار سر تنگ کیرہ، اگہ ہڑتوم آک داویل ۽ سرتنگ کتوس تو ویل خان آکاہک و اونا فیصلہ گڈیکو فیصلہ تنگنگ، اگہ وخت اس اسہ براہوئی پاروک اس اسہ قبیلہ سے ناسڑدار اسے ناست آزاری ۽ کرے توہمو است آزاری کروک آنا قبیلہ ناسڑدار ہندانا زموار مروء کہ ہمودے ہلے سخت سزا ایٹے ولے سزایاستی کانودنا رداٹ مرے۔

4۔ فوج انا کمک اٹ الس نارکھ وراہشونی:-

خان ۽ دا حق وواکداری مروء کہ اوریاست ناہر جاگہ ٹی فوجی چھاؤنی جوڑ کنگ کیک، ہراٹی کہ براہوئی پاروک آک او ار مروء، ولے اگہ وخت اس اسہ قبیلہ یاہمو قبیلہ ناسہ بشخ اس خان انا حکم آن نممن مس، وریاستی کانودنا خلاف ورزی ۽ کرے تو داہمو سڑدار نازمواری مروء کہ او تینا قبیلہ ناہمو شلواریازی انا کماش ۽ ہلے و خان انا مون آ حاضر کے۔

اگہ وخت اس جنگ جدل چکی تاڑی یا سلبہ کاریم اٹ اتنگ نا آجت تما تو دعویدار فریق خان آن مست تینا حال حوال ۽ برٹش سرکار نامون آدنگ کیک اگہ وخت اس ویل نائب یا اونا پڑک انا کاٹم آبس تو دا سڑدار نازمواری مروء کہ او ویل ۽ خان اسکان سر کے و خان قلات نا فیصلہ سپریم یعنی پک فیصلہ مروء۔

اگہ وخت اس سڑدارک دا محسوس کریر کہ خان نا فیصلہ غلط ۽ تواافتے دا
 فیصلہ نامون اٹ سلنگ آن مست دا فیصلہ ۽ برٹش حکومت نامون آتالان کروئی
 تمک۔

Balochistan Appendix No 3

قلاتی مکران و ایرانی بلوچستان نانیام اٹ ودی مروک آویل آک جرگہ
رنگ اٹ سرتنگرہ:

اسہ اسمجانی ء جرگہ اس ایرانی سڑدار و بلوچستان ناسڑدار آتانیام اٹ 16
فروری 1902ء ٹی ”مگسی“ اٹ اڈتنگا۔ ہراڑے کہ بروک آوخت اٹ بلوچستان و
مکران نانیام اٹ ودی مروک آویل آتے سرتنگ کن جرگہ غاتا کمک اٹ معاہدہ
کننگا دامعاہدہ غائیٹی داوڑانا چندی ٹک آک اوار ء۔

گورنر جنرل ناپارہ غان دادابندغ جرگہ ٹی اوار مرور:

1- مرزا فتح اللہ خان، سید السطانی و نائب الحکمہ کرمان و ایرانی بلوچستان

2- ہاشم خان شورہ ملک، امیر پنچ وڈپٹی گورنر بمبور

3- میر عبد اللہ خان، حکیم زرک و جالک

4- میر غلام رسول، حاکم سبی و شوران

ایلوپارہ غان سیاسی ایجنٹ تون داوڑانا بندغ آک اوار کسر:

1- قاضی فقیر احمد خان، اسسٹنٹ سیاسی ایجنٹ قلات

2- سڑدار غوث بخش رئیسانی و سروانی سڑدار

3- سڑدار مہر اللہ خان ناظم مکران

4- سڑدار مہراب خان گچکی

5- خان بہادر محمد حسن خان گچکی

داجرگہ ناچم سلاہ سوج و ہیت و گپ آک ہر اکہ HIRHERRO نا سیم
آکننگاسر، گڑاس ڈوہی بندغ آتے داخیر خواہی دوست بتو، ہندن اوٹک کانودے
لتاڑ سائینا دوٹی ہلکر۔ ہندن انگا بندغ آک ایلو ملک آتیاں پیسہ ہلکرہ ویتنا ملک انا تباہی و
بربادیء کریرہ۔ ویتنا سیم آتیا بے خلیس ہنارہ بسرہ۔ ولے ریاست نا پارہ غان او فتا
خلاف ہچء کارروائی اس متوکہ۔ سیمی علاقہ غائیٹی کانودا نفاذ نامر مر اسکان پن الو،
ہند اسوب نس داوڑ انا بد معاش لونڈ آک دے پاک اٹی پاش آن پاش تینا گندہی و
کارروائی تے برج اتخاسر۔ وکس اس او فتنے ہچ کنگ کتوکہ۔ داسہ او فتنے توننگ و
او فتنے اسہ کسر اس نشان توننگ نا وخت بسو سس۔ داڑ کن جرگہ ٹی داوڑ انا فیصلہ غاتیا
عمل کنگ آکل او ار سر:

1- ناظم مکران و ڈپٹی گورنر بمبور ہند اوڑ انا ویل و واقعہ غاتیا اسہ ایلو نا مکمء
کیرہ، وکل حالت آن سیمی گورنرء معلومدار کنگنگ، واسہ ایلو نا سلاہ سوج اٹ
دافتنے سر توننگ۔

2- ولے داوڑ انا چندی ویل آک اریر ہر افتنے سر توننگ ناظم و ڈپٹی گورنر نا دوٹی
مفسہ۔ ونئے سیمی حکمران آتا ہیت و گپ اٹ سر ہلیرہ۔ داڑ کن اسہ ایلو نا سیم آتیا حالت نا
بارواٹ جرگہ ٹی تینا تینا خیال آتے در شان کنگنگ، و ہموڑے جرگہ نا تہٹی ہند او ویل آتا
فیصلہ کنگنگ۔ ہمو کاریم تیکن ارا افسر سیمی علاقہ غائیٹی سال اٹ اراوار المی اسہ ایلوء خزرہ۔
ہند او ویل آتا سر توننگ کن اسہ ایلوء خنگ کن اسہ سر حال و جاگہ اس یعنی پشین و کوہک نا

علاقہ غامٹی پک کننگ، اولیکو سال یعنی 1903ء، 1320 ہجری ٹی ملنگ ناجاگہ پشین مرو
 ۱۳۲۱ء۔ ہراڑے جنوری 1903ء اٹ اوڑدہی مرک۔ اوڑان پد ایلو سال 1904ء (1321
 ہجری) ٹی دا اوڑدہی 1 اگست 1904ء اٹی کوہک اٹ مرک۔ دا اوڑدہیک وخت اس
 کرمان وخت اس بلوچستان اٹ مرساگیرہ۔

3۔ دا اوڑدہی ٹی مکران وایرانی سڑدار ناظم وڈپٹی گورنر تون جرگہ نابڑز کو کہولی
 عہدیدار آک اوار مریرہ و اوڑدہی ٹی ویل آتے سر تنگ نا کوشت مرک۔ و جرگہ
 ٹی ہنگ آن مست ہر توم آریاست آک تینا کل غاو وگلہ شونی تے و مخالف فریق آتا
 کل شادی و شاہد آستون اوار ساڑی مریر و جرگہ ٹی خالی ہمو ویل آتیا غور فکر منگ
 یک ہر افٹے ناظم وڈپٹی گورنر اہم چارہ۔

4۔ ڈپٹی گورنر و ناظم دافتاز موار مرور و تینا تینا ضلع غامٹی مخلوق ۱۱ ٹکی ہم تنگ کیرہ۔

5۔ ہندن جرگہ غامٹی ہمو کل ویل آک اوار مرور ہرا کہ راج انا بشخ ۱۱،
 ہر افٹیی کہ میٹل و ہیٹ چنکا بھلا قافلہ غاتے لٹنگ بد معاشی، سرکشی کننگ اوار
 ارے، داجرگہ غامٹی نیازی تاویل آک ہم مونی بنگ کیرہ، و لے داٹی اسہ بھلو ویل
 اس ہرا کہ ریاستی قافلہ غاتے لٹ پل ناویل ۱۱، اوہم اوار ۱۱۔ ہمو ویل آک ہر افٹے
 ڈپٹی گورنر بمبور و ناظم مکران قلات اہم تکپس، اوفتیا پیشرفت مفروء، اگہ اسہ بندغ
 کہ ڈوہدار ۱۱ او سال والا جرگہ ٹی بشخ ہلپک، تو ناظم وڈپٹی گورنر ۱۱ داحق و واکداری
 ارے کہ اودے دزگیر کیر و جرگہ نامون آاتیر۔

دامعاہدہ 16 فروری 1902ء بمطابق 4 ذیقعد 1319 ہجری ٹی مسوس

Approved by H.L.Showers.Lieut Coul

Political agent Kalat

Balochistan Appendix No. 4

دامعاہدہ گورنر جنرل کرمان و ایرانی بلوچستان و قلات ناسیاسی ایجنٹ نانیام
اٹ سلہ غاتا تسگری نابارواٹ برٹش و ایرانی بلوچستان ناسیم آئمی سلہ غاتا تو ننگ کن
جوڑ کننگاسر۔

سیاسی ایجنٹ وخت اس کہ گورنر جنرل ء ڈہ تس کہ اسہ بھلو کچ اسے ٹی سلہ
غاتا تسگری (ٹل و تس) ناچر جوئی مسقط آن ایلو ایرانی گلف بندر گاہ تا کمک اٹ مننگ
ء، دافتمیٹی داوڑ انا سلہ غاک Breech Loder Martini henri Lee

Metford Mause Pattech و پین اوار ء۔ داڑان بیدس گڑاس پوسکن و
خود کار سلہ ہم دافتمیٹی اوار ء۔ و داسلہ غاتے ہڑتوم آپارہ غاکل قبائلی علاقہ غاتیٹی
سرکننگ انگ ء۔ یعنی ایرانی بلوچستان ناسیم آئمی اگہ دا عمل ہند اوڑر جا سلیس و سلہ
غاتا سمگلنگ مر سا کرے تو منہ سال اٹ داقبیلہ غاک ایرانی بلوچ سیم آتا فوجی
چھاؤنی تیا کوزہ کیرہ، و فوج آن زیات واکداری دافتا دوٹی مروء۔ داڑان پدن کن
بھاز خواری مروء۔ داسہ نن فوجی چھاؤنی تیا نفری تا کچ ء و دفوئی مریک، انتے کہ اینو
قبیلہ غاتا سڑدار آتون ہندن ء سلہ ارے ہرا کہ او فتا باوہ پیرہ غاتون آلو۔ ہر افتا کہ
او فک کاریم اٹ اتنگ ء ہم تتوسہ، اگہ داسہ او فک دافتا کاریم اٹ اتنگ ء سرپند مسر

توچندی پین ویل آک کاٹم ہر فور۔ داسہ ہندن لگک کہ او فک داہند آسر مسنو، ہراڑے کہ او فک سڑدار و حکومت نامون ۽ جوانی اٹ تونگ کیرہ۔ ہندن لگک آخبت اٹ دافے تونگ بھاز مشکل مرو ۽۔ دافے مون مستی ہنگ آن مست تونگ بھاز المی ۽۔ انتے کہ داسر کش آک نئے کانود ۽ چارہ نئے عقل و شعور ناخواجہ ۽ دافک اسل و حشی ۽ قبیلہ ۽۔

سیاسی ایجنٹ گورنر جنرل قلات مکران ۽ ہم داہیت آتیاں معلوم دار کننگانے داسہ داسلہہ غاتا تسگری ناریاست اٹ ہم منگ ۽، ہر افکا کہ موکل اف۔ اسہ وار اس خان داوڑا ناسلہہ غاتے سرکاری بشخ پاریس و دافے تونگ نا پڑو ۽ کریس ہندن گورنر جنرل حالیت آتے پہہ مر ساد اپرمان کرے کہ نن تینا فوجی واکداری ناکاریم اٹ اتنگ کن دافے سیمی علاقہ غایٹی تورنہ۔ داڑکن داوڑتیا کاریم کروئی ۽:

1۔ کل آن مست نئے دا اشتہار ۽ کل سیمی علاقہ غایٹی شینک کروئی تمک، ایرانی بلوچستان و سور دیری کل بندر گار تیا ہم ہروڑا ناسلہہ غاتا پاش کننگ غیر کانونی گوندنگ، بیدس سرکاری یا گورنر کرمان نانشان والا سلہہ غاتیاں، اگہ دا علاقہ غایٹی کس اسے آن سلبہہ دوس تو گڑا نئے بیرہ خالی اونا سلبہہ ضبط مرو ۽ بلکن اودے سخت آن سخت سزا تننگ۔

2- ڈپٹی گورنر جنرل بمبور ناز مواری مروء او ضلع ناسر دار آتے تینا تینا علاقہ غائی زی آتروک آتیا عمل کرنے وکل علاقہ غائی پیٹ وپول کر ساسلہہ غاتے ضبط کے۔

3- کل آن مست ڈپٹی گورنرء داہیت انا پیٹ وپول ء کروئی ء کہ داوڑ انا سلسلہہ غاک دیر دیر تون ء دانی گور نمٹ ناملازم آک ہم اوار مرور، ہراڑان سلسلہہ دو بریک تو اونا پین اونا سلسلہہ نا پین ء نوشتہ کنگ المی ء۔

4- ڈپٹی گورنرء سال انا داوڑ انا رپورٹ گورنر جنرل ء پیش کروئی تمک، ومسہ سال انا نیام ائی دنگے کہ دانی اخس بدلی بسنے۔

5- گورنر جنرل ء اسہ اودیم ء ادارہ اس دا بارواٹ جوڑ کروئی تمک تانکہ او فک چنکا بھلا دیری کل بندر گاہ تیا اسل کہ او کرمان نامرے یا بلوچستان نا او فک دا ویل انا بارواٹ پیٹ وپول کیر کہ دا سلسلہہ غاتا اسمگلنگ ء ہندا جاگہ ناگڑ اس بندغ کنگ ء یاد اوڑ اسہ واپاری ء ڈل اس کنگ ء۔

6- ہمو کل سلسلہہ غاک ہرا فک کہ کس اسے آن دو بسر ہمو فتنے کرمان گورنر جنرل نا دوئی تنگے واو فتنے باقاعدہ سخت سزا ملے۔

7- اگہ وخت اس دا سلسلہہ غاک سڑدار اسے آن دو بسر و ہمو سڑدار ہندا سلسلہہ غاتے تینا جندی رکھ اکن کاریم اٹ ایسکہ یا دا سلسلہہ غاتے وخت اس تینا دشمن آتا خلیس آن او فقا جہونا خلیس آن تین تو متخاس تو او فتنے اوڑ تون ایسو، ولے او فتنے

ریاست ناگڑا اس شڑت آتے پورو کروئی تمک۔ کل آن مست اودے تیناد شمن آتا
 پنء پاروئی مریک ودانا سوب آتے پہہ منگ آن پد دافصلہ کننگ، داڑان بیدس
 اگہ کس اسے آن Breech Loder سلہہ دو بس همو سلہہ ء زور اٹ اوفتیان
 پلنگ۔

دامعاہدہ 1902ء (بمطابق 26 ذیقعد 1319 ہجری) ٹی موسس

Approved by H.L. Showers Lieut Coul

Political Agent Kalat

ایسر مس